

LIBRARY OF CONGRESS.

Chap.

BS 1165

Shelf

M 7

UNITED STATES OF AMERICA.



B R E V I S


EXPOSITIO

C R I T I C E S

VETERIS FOEDERIS

AUCTORE

HERMANNO MUNTINGHE.



EDIDERUNT


B. NIEUWOLD,

Leoyardiae verbi divini minister

et

C. H. VAN HERWERDEN,

*Theol. Doct. Hontenissae verbi
divini minister.*



GRONINGAE, APUD

I. O O M K E N S,

Academiae Typographum.

1827.

REVISED

BS1165
M7

ALTERNATIVE THERAPIES

ANALYSIS OF THE

RECENT DEVELOPMENTS

IN THE

USE OF

HERBAL MEDICINES

BY

G. H. W. WILSON

Ph.D., M.D., F.R.S.

University of London

PRAEFATIO EDITORUM.

Quem hic librum accipis, Benevole Lector! cum celeberrimus auctor ipse in lucem edere constituerat. Quapropter cum nobis testamento legasset quaecunque decessu suo relicturus esset manu scriptos libros, defuncti consilio non melius satisfieri posse putabamus, quam si ea typis vulgaremus, quae ipse vulgari voluisset. Accedebat quod publice alii, alii privatim id se desiderare et vero exoptare nobis significassent, fore, ut ex iis quae in summi viri schedulis superessent inedita, unum aliudve scriptum ad communem omnium conferretur notitiam et utilitatem. Quorum honestissimo et humanissimo desiderio quin respondendum esset, nullum videbatur esse dubium. Nobis pergratum hoc fuit officium, quippe qui ut ipsi semper grata ac

*venerabunda mente colimus dilectissimi viri memori-
am, ita nil carius aut suavius habemus, quam ut
alii manibus extincti debitos offerant honores. Caete-
rum quod his addamus nihil est, nisi unum hoc, ali-
quot ante obitum MUNTINGHII annos scriptionem esse
confectam. Unde factum, ut unum alterumque ad Cri-
ticam V. F. adiuvandam nostra memoria inventum
praesidium non commemoraverit auctor. Vale!*

I N D E X

BREVIS EXPOSITIONIS CRITICES LIBRORUM VETERIS FOEDERIS.

PROLEGOMENA.

	Pag.
§ 1. Critices universae definitio	1.
§ 2. Descriptio Critices librorum Veteris Foederis, eiusque consilium	2.
§ 3. Conspectus historiae Critices librorum Veteris Foederis	3.
§ 4. Summa Critices sacrae librorum V. F. difficultas	17.
§ 5. Critices huius utilitas	18.
§ 6. Critices librorum V. F. abusus	18.
§ 7. Requisita ad artem criticam in libris V. F. recte tractandam	20.
§ 8. Pertractandorum ordo	21.

CAPUT PRIMUM.

DE LINGUA, QUA CONSCRIPTI SUNT LIBRI VETERIS FOEDERIS.

	Pag.
§ 9. Observatio hac de re generalis	23.
§ 10. Exponitur sententia, quae linguam Hebraicam primaevam statuit, peculiaremque ei prae aliis linguis sanctitatem attribuit, olim admodum vulgaris	24.

	Pag.
§ 11. Confutatur haec fabula per indicatam veram linguae Hebraeae originem	25.
§ 12. Conspectus mutationum, quas subiit lingua Hebraea	28.
§ 13. Origo et mutationes alphabeti Hebraïci	29.
§ 14. De numero literarum Hebraïcarum quaedam observantur	32.
§ 15. Puncta Hebraeorum vocalia	34.
§ 16. Accentus et puncta diacritica	39.
§ 17. Voces in scribendo non distinctae a veteribus Hebraeis	40.
§ 18. Origo et usus antiquus literarum finalium	41.

CAPUT SECUNDUM.

HISTORIA TEXTUS SACRI HEBRAEI.

	Pag.
§ 19. Historiae textus sacri Hebraei pertractandae necessitas ac difficultas	43.
§ 20. Historiae huius periodi	44.

PERIODUS PRIMA,

a librorum Codicis Hebraei scriptione ad aetatem Iesu Christi.

	Pag.
§ 21. Historia antiquissima Pentateuchi	45.
§ 22. Antiquissima reliquorum librorum Codicis Hebraei historia ante exsilium Babylonicum	47.
§ 23. Historiae huius continuatio usque ad aetatem Iesu Christi	48.

PERIODUS SECUNDA.

ab aetate Iesu Christi ad tempus Masoretharum.

	Pag.
§ 24. Historia textus Hebraei saeculo I . . .	51.
§ 25. Versiones textus Hebraei, factae saeculo secundo	52.
§ 26. Origenis de textu Hebraico merita saeculo tertio	53.
§ 27. Iudaeorum ante Masoretharum aetatem labores, emendando textui sacro impensi .	55.
§ 28. Status textus Hebraici aetate Hieronymi, saeculo V	57.

PERIODUS TERTIA,

a tempore Masoretharum ad inventam artem typographiam.

	Pag.
§ 29. Recensio textus Hebraei Masorethica . .	59.
§ 30. Variantes lectiones Codicum Orientalium et Occidentalium	62.
§ 31. Paraphrases quaedam Chaldaïcae. Versio Arabica R. Saadiae Gaon. Punctorum systema magis exornatum. Recensiones Ben Ascher et Ben Naphtali	64.
§ 32. Continuata textus Hebraei historia a saeculo XI usque ad inventam artem typographicam	65.

PERIODUS QUARTA,

ab inventa arte typographica ad nostram aetatem.

	Pag.
§ 33. Editiones Codicis Hebraei, typis impressae	68.
§ 34. Appendicis loco quaedam adduntur de Pen-tateucho Samaritano	70.

CAPUT TERTIUM.

VARIANTIUM IN TEXTU SACRO HEBRAEO
LECTIONUM ORIGINES AC VARIAE
CLASSES.

	Pag.
§ 35. Quidnam de integritate ac corruptione textus sacri Hebraei sentiendum sit, inquiritur	73.
§ 36. Variantium lectionum notio accuratius definitur	77.
§ 37. Diversae variantium lectionum classes . . .	78.
§ 38. I. Prima classis variantium lectionum, meris constans scriptionis erroribus, eiusque 4 species	78.
§ 39. A. Prima species errorum scriptionis, quae commissa est <i>omittendo</i>	79.
§ 40. B. Secunda species errorum scriptionis, commissa <i>addendo</i>	81.
§ 41. C. Tertia errorum scriptionis species, commissa <i>transponendo</i>	84.
§ 42. D. Quarta errorum scriptionis species, quae commissa est <i>permutando literas, puncta integrasque voces</i> , de qua specie generatim agitur	87.
§ 43. N. Conspectus <i>permutationis literarum</i> , et quidem <i>α. e figurae similitudine</i>	87.
§ 44. Hac occasione quaedam adduntur de permutatione literarum, numeros indicantium	100.
§ 45. β. Conspectus permutationis literarum, <i>e soni affinitate</i>	101.
§ 46. γ. Conspectus permutationis <i>punctorum</i> . . .	106.
§ 47. δ. Conspectus permutationis <i>integrarum vocum</i>	107.
§ 48. II. Secunda classis variantium lectionum, orta <i>e falsis iudiciis</i>	109.

	Pag.
§ 49. A. Prima variantium lectionum, e falsis iudiciis ortarum, species, <i>mutatio, facta e locis parallelis</i>	109.
§ 50. B. Secunda species, <i>ignorantia vel expletio erronea compendiorum scribendi</i> . . .	110.
§ 51. C. Tertia species, <i>glossemata, e margine in textum illata</i>	111.
§ 52. Quarta species, <i>additamenta ex aliis fontibus textui inserta</i>	112.
§ 53. Quinta species, <i>perversae vocum divisiones</i>	113.
§ 54. F. Sexta species, <i>correctiones textus arbitrariae</i>	114.
§ 55. III. Disquiritur, an etiam tertia detur variantium lectionum classis, orta e malevolo textus corrumpendi studio	117.

CAPUT QUARTUM.

ADMINICULA, QUIBUS IN DIUDICANDA
LECTIONUM VARIETATE UTI POSSIMUS,
MODUSQUE, QUEM IN IIS RECTE
UTENDIS OBSERVARE OPORTEAT.

	Pag.
§ 56. Connexio huius capitis cum praecedentibus	119.
§ 57. Adminicula critica summatim enumerantur	120.
§ 58. I. Prima adminiculorum Criticorum species, pertinens ad restituendum textum, qualis fuerit ante recensionem Masorethicam, summatim exhibetur	120.
§ 59. A. Exponitur usus criticus Pentateuchi Hebraco Samaritani	121.

	Pag.
§ 60. B. Docetur, quem usum praestet collatio locorum parallelorum	124.
§ 61. C. Inquiritur, quid scripta Iosephi, et Patrum quorundam Ecclesiasticorum ad emendandum textum Hebraeum conferre possint	126.
§ 62. D. De usu critico versionum quaedam generatim monentur	131.
§ 63. Exponitur usus criticus versionis Graecae Alexandrinae	135.
§ 64. De fragmentis superstitibus reliquarum versionum veterum Graecarum agitur	140.
§ 65. Exponitur usus criticus paraphrasium Chaldaicarum	142.
§ 66. Declaratur usus criticus versionis Syriacae, quae <i>Peschito</i> , seu <i>simplex</i> appellatur	145.
§ 67. Considerantur versiones antiquiores Arabicae, e textu Hebraico factae, imprimis Arabica versio Pentateuchi Samaritani	147.
§ 68. De versione Pentateuchi Samaritani quaedam dicuntur	148.
§ 69. Versio Latina Hieronymi, eaque, quae hodie <i>vulgata</i> appellatur	149.
§ 70. E. Quisnam sit usus criticus Talmudis, disquiritur	156.
§ 71. F. Inquiritur, quisnam sit usus criticus Masorae	159.
§ 72. II. Summatim exhibetur secunda adminiculorum Criticorum species, pertinens ad restituendum textum, qualis fuerit post recensionem Masorethicam	161.
§ 73. A. De usu critico agitur versionum quarundam, secundum recensionem Masorethicam ex Hebraico textu confectarum	161.

	Pag.
§ 74. B. Indagatur usus criticus citationis locorum quorundam Codicis Hebraei in scriptis Rabbinorum	164.
§ 75. C. Exponitur usus criticus Codicum manuscriptorum, quorum divisio generalior et forma externa consideratur	165.
§ 76. Codicum manuscriptorum scriptores	169.
§ 77. Codicum manuscriptorum Hebraeorum patria et recensione	171.
§ 78. Aetas Codicum Mss.	172.
§ 79. Eorundem bonitas	174.
§ 80. Collationes Codicum Mss. Hebraeorum, huc usque institutae. Earum utilitas, et quid porro desideretur	176.
§ 81. D. Indagatur usus criticus editionum principum textus Hebraei V. F.	179.
§ 82. III. Quid de coniecturis criticis sentiendum sit, disquiritur	180.

CAPUT QUINTUM.

REGULAE QUAEDAM, IN DIUDICANDA
LECTIONUM VARIETATE ET COR-
RIGENDO TEXTU PROBE OB-
SERVANDAE.

	Pag.
§ 83. Capitis huius cum praecedentibus connexio	185.
§ 84. Regularum talium utilitas	185.
§ 85. Earum tradendarum et observandarum difficultas	186.
§ 86. Quid in universum ad recte observandas regulas tales expediat, et quid eum in finem optandum sit, docetur	187.
§ 87. Divisio harum regularum	188.

	Pag.
§ 88. Regularum generaliorum prima	188.
§ 89. Secunda regula generalior	189.
§ 90. Tertia regula generalior	191.
§ 91. Regulae specialiores. Earum prima	191.
§ 92. Secunda regula	192.
§ 93. Tertia regula	193.
§ 94. Quarta regula	194.
§ 95. Quinta regula	194.
§ 96. Sexta regula	195.
§ 97. Septima regula	195.
§ 98. Octava regula	196.

BREVIS EXPOSITIO CRITICES

LIBRORUM

VETERIS FOEDERIS.



PROLEGOMENA.

§ I.

Critices definitio.

Critice, licet, cum e vocis origine, tum et ex usu multorum scriptorum, latissimo sensu dicatur ars, quae in vero iudicando versetur; a nobis tamen sensu arctiore appellatur sola illa artis criticae universae pars, quae inquirenda, iudicanda, et constituenda lectione librorum veterum occupatur.

De artis criticae varia definitione, prouti ars haec vel latiore, vel strictiore sensu accipitur, vid. praeter alios *Io. Ernest. Imm. Walchius, De arte critica veterum Romanorum*, (Ienae, 1771) Cap. I, § 1.

De critice, latissimo sensu sumta, in quantum ad scripta auctorum veterum pertinet, vid. *Ruhnkenius*, *Elog. Hemsterhus.* pag. 9, 10, *Saxius*, *Laudatio C. A. Dukeri*, pag. 23 seqq. *Wytttenbachius*, *Bibl. crit. Vol. I, part. I*, pag. 5 seqq. et in *Vita Ruhnkenii*, pag. 23 seqq. quibus addatur *L. C. Valckenarius* in *Hemsterhusii et suis orationibus* (Lugd. Bat. 1784), pag. 286 seqq.

Nos, intra breviorum gyrum has institutiones coërcentes, particulam tantum critices universae attingemus, quae ad solam spectat lectionem. Eius autem est,

1) *inquirere* lectionis veterum auctorum diversitatem, prout ea in variis eiusdem libri, sive manuscriptis sive typis impressis exemplaribus reperitur,

2) *iudicare*, adhibitis idoneis subsidiis, quaenam illa sit lectio, quae vel *certe*, vel *probabiliter* ab Auctoris manu profecta sit,

3) denique lectionem *constituere*, i. e. aut vulgarem si sana sit, vindicare, aut, si vitiosa, substituere aliam, quae vel *certe* vel *probabiliter* ab Auctoris manu profecta esse videatur.

Multos, qui huius partis critices, quam *Criticem emendatricem* appellare liceat, praecepta tradiderunt, scriptores exhibet *Bauerus*, *Crit. sacr. V. T. Proleg.* § 1.

§ 2.

Critices Veteris Foederis descriptio eiusque consilium.

Si, quae univēse de critice dicta sunt, ad libros sacros Veteris Foederis transferantur; apparet eorum criticen contineri scientiā ac peritiā artis inquirendi, iudicandi, et constituendi lectionem in contextu librorum Veteris Foederis. Huius itaque consilium eo redit, ut, quantum fieri potest, contextus horum librorum ita constituatur, quemadmodum ipsi eum literis mandarunt auctores.

Historia Critices Veteris Foederis.

I. Antiquissimum, de quo certe constat, adhibita ad inquirendam, iudicandam constituendamque lectionem librorum V. F. critices exemplum dederunt doctores Iudaei, *Masorethae* appellati, qui, uti deinde videbimus, ineunte saeculo post Christum natum sexto, corrigendo et hic illi emendando Codicis Hebraei textui manus admoverunt. Verum ipsa haec Masoretharum diligentia, licet meritis suis non careat, tamen cum et ab Iudaeis, et a multis quondam, nimium credulas illis aures praebentibus Christianis, ultra quam par esset, laudaretur, hunc habuit effectum, ut per longam saeculorum seriem, ea omnibus visa fuerit textus sacri Hebraei integritas, quae, paucis minutiis orthographices exceptis, nullam amplius critices opem postularet. Erat nempe haec, et est adhuc hodie plerorumque Iudaeorum opinio, nullo historicae fidei fundamento subnixae, sed e sola infida traditione derivata, iam ab Ezra confesum quendam, *Synagogae magnae* nomine appellatum, fuisse institutum, qui praeter alia, ad religionem pertinentia, etiam hoc curaverit, ut lectionem textus Hebraici authenticam definiret, cuius ad normam omnia, quae postea describerentur, exemplaria exigenda essent. Hic autem ab iis constitutus textus ut ab omni labe purus conservaretur, curasse imprimis Masorethas, eum corrigentes et colligentes annotationes ad illum criticas, quas, ab ipso iam Ezra eiusque collegis inchoatas, doctores illi, qui iam ab Ezrae aetate continua se exceperint serie, novis identidem accessionibus auxerint; donec hanc operam ineunte saeculo sexto ita abolverint Masore-

thae Tiberienses, ut constitutus ab iis textus postea quasi amissis esset, ad quam omnium codicum manuscriptorum editionumque probitas examinaretur; ita ut exemplaria, quae ab hac norma discrepant, tamquam vitiosa reiicerentur (a).

II. Mirum itaque non est hanc a Christianis aequae magni habitam Masoretharum diligentiam id effecisse, ut fere omnes *absolutam* quandam esse sibi persuaderent textus Hebraici ita constituti *integritatem*, nullis saltem paucissimis parumque momenti habentibus lectionis vitiis infectam. Haec cum plerorumque esset opinio, omnes codices manuscripti omnesque, post inventam artem typographicam publicatae, editiones ad solam hanc normam examinabantur, neque ulli fere emendandi textus sacri labori dabatur facultas. Pauci tantum fuere inter Iudaeos viri eruditiores, qui aliquam crisi emendatrici operam dederint. In his fuere primum, qui saeculo, uti videtur, octavo colligerent varietatem lectionis inter codices Orientales, id est Babylonicos, et Occidentales, id est Palaestineneses, quos deinde saeculo undecimo secuti sunt duo Rabbini *Ben Ascher* et *Ben Naphthali*, qui aliquas in punctatione varietates collegerunt. Haec vero conamina critica, de quibus dein data opera dicetur, levissimi sunt momenti.

Luculentiore in critica sacra laborem collocavit saeculo XIII *R. Mein Levita filius Todros*, vulgo appellatus *Todrosus*, vel et per literarum compendium *Harama הרמה* i. e. *R. Meir Halleri*, qui in opere quod inscripsit, *ספר מסורת סיג לתורה* i. e. *liber Masorae, sepis legis*, multas codicum manuscriptorum varietates collegit, seque dicit e pluribus accuratis ac vetustis codicibus optimas lectiones selegisse.

III. Postquam deinde ars typographica inventa esset, *Daniel Bombergius*, celebris apud Venetos typographus,

pographus, anno 1525 publicavit Codicis Hebraei editionem, suarum editionum tertiam, qua, praeter ipsum textum, commentarios quoque celebriorum Rabbiorum, et universam Masoram complexus est; cui curandae praefecit eruditum quendam Iudaeum, *Iacobum Ben Chaiim*, qui cum multas invenisset textum inter ac Masoram lectionis varietates, modo lectionem textus, modo lectionem Masorae, pro suo iudicio, secutus est. Atque haec editio tantam nacta mox est nominis famam, ut ad eius normam omnes fere, quae deinde prodierunt, Bibliorum Hebraeorum editiones conformatae fuerint (b). Solus ex Iudaeis *R. Menachem de Lonzano* anno 1544, conscripto opere, quod *אור תורה*, id est *lucem legis*, appellaret, collationem instituit, ad unum Pentateuchum pertinentem, editionis Bibliorum Bombergianae cum decem codicibus MSS. (c).

Hunc tandem ex Iudaeis secutus est *R. Salomo Norzi*, qui anno 1626 commentarium conscripsit criticum in omnes Codicis Hebraici libros, quo textum sacrum ex pluribus contulit Codd. MSS. eumque haud raro emendare conatus est, quod vero opus demum publicatum fuit Mantuae, anno 1742, quo tempore illud cum nova editione textus Hebraici, constante IV voluminibus in 4^o, coniunxit *Raphaël Chaiim Basila*, qui et criticas suas annotationes partim *Norzii* commentario inferuit, partim sub finem singulorum voluminum addidit (d).

Fuerunt vero conatus illi critici valde tenues, cum partim ad solam pertinerent recensitionem textus Hebraici Masorethicam, nulla habita versionum antiquatum ratione, partim plerumque in minutis versarentur.

IV. Neque inter Christianos prima post renatas literas aetate, multum laboris in critica sacra

collocatum est, si excipiatur editio Bibliorum Rabbinicorum, anno 1518, a *Felice Pratenſi* Venetiis in lucem emiſſa, cui additae ſunt variantes lectiones codicum Orientalium et Occidentalium, itidemque varietates *Ben Aſcher* et *Ben Naphtali*, et Bibliorum Hebr. anno 1536 a *Sebastiano Muñſtero* procurata, cui aliquot variantes lectiones, ab ipſo collectae, adiunctae ſunt.

Addi his poſteſt, fuiſſe inter antiquiores Theologos ac Bibliorum interpretes aliquos, qui ſibi libertatem ſumerent textum Hebraeum aliquando, ſed non niſi rariffime, corrigendi, uti *Lutherus* in ſua verſione, *Mafius*, aliiſque pauci: verumtamen perparum effecere, cum omnes tam Chriſtiani, quam Iudaei Maſorethicae recenſioni, tamquam quae parum operis reliquiſſet, nimium preſſe inhaerent, et in editionibus, quas in lucem emittebant, textus Hebraici, commemoratam modo editionem Bombergianam, tamquam fidiffimum ducem, preſſo pede ſequendam arbitrantur.

V. Cum itaque e communi fonte, eodemque, uti vulgo exiſtimabatur, puriſſimo, omnes editiones textus Hebraei promanaſſent, et ille perpetuus editionum conſenſus in cauſa eſſet, ut criticae uſus proſuſ ſupervacuus cenſeretur; mirum non eſt, neglectum quoque fuiſſe examen codicum manu ſcriptorum veterum verſionum, aliorumque ſubſidiorum criticorum; donec ſtudiis his criticis natales quaſi dederunt ſaeculo XVII *Io. Morinus*, *Lud. Capellus* et *Iſaacus Voſſius* (e).

Io. nempe *Morinus*, Presbyter Oratorii Pariſienſis, puritatem textus Maſorethici impugnavit, cum in *Prolegomenis ad editionem verſionis LXX interpretum*, Paris. 1628, tum in *Exercitationibus in utrumque Pentateuchum Samaritanum*, ibidem 1631. Illi autem

vitio fertur, quod Pentateucho Samaritano, LXX interpretibus, et versioni vulgatae Latinae nimiam in constituenda lectione textus Hebraici auctoritatem attribuit.

Lud. porro *Cappellus*, Theologiae in Academia Salmurienſi Profefſor, vir praeclarae eruditionis et acerrimi ingenii, primum ſententiam, quam ſaeculo XIII *Raimundus Martini* in opere quod *Pugionem fidei adverſus Mauros et Iudaeos* inſcripſit, et ſaeculo XVI *Elias Levita*, eruditus Iudaeus, in libro מסרת המסרת, iam defenderant, quae punctorum vocalium et accentuum antiquitatem et auctoritatem negabat, palam propugnavit, novorumque argumentorum pondere ſtabilire conatus eſt libro, inſcripto: *Arcanum punctationis revelatum, ſive de punctorum vocalium et accentuum apud Hebraeos vera et germana auctoritate*, quem librum, cum ſententia, quam impugnabat, a nemine fere in dubium vocaretur, immo et cum ipſius Codicis Sacri divina auctoritate artiſtime exiſtimaretur coniuncta, ipſe in Gallia edere auſus non eſt, ſed *Thomae Erpenio* edendum miſit, qui illum typis imprimi curavit Lugduni Batavorum, anno 1624.

Moleſtiae vero, quas hicce liber *Cappello* excitaverunt, eum non impediverunt, quo minus mentem ſuam de auctoritate non tantum punctorum vocalium et accentuum Hebraeorum, verum etiam univerſae reſenſionis textus Hebraici Maſorethicae palam explicaret libro celebratiſſimo, quem inſcripſit: *Critica ſacra, ſive de variis, quae in ſacris Veteris Testamenti libris occurrunt, lectionibus, libri ſex*; quo opere, cuius prima editio prodiit *Lutetiae Pariſorum*, anno 1650, intactam, quae tunc vulgo credebatur, codicum Hebraeorum, manu ſcriptorum et textus Hebraei puritatem data opera impugnavit, multas varias textus

facri lectiones collegit, et varia eius menda corrigere conatus est, destitutus quidem adhuc codicibus manu scriptis, sed usus subsidiis collationis librorum V. T. inter se, collationis locorum V. et N. T. parallelorum, variarum lectionum Keri et Kethib, codicum Orientalium et Occidentalium Iudaeorum, variarum editionum et codicis Samaritani, itemque versionum veterum et commentariorum Rabbinicorum (*f*).

Tandem etiam *Isaäcus Vossius*, anno 1661, editis *Disertationibus de LXX interpretibus eorumque translatione et chronologia*, textus hodierni Hebraici puritati fortiter se opponere non dubitavit, sed ita, ut nimis quam par esset, versioni Septuaginta-virali faveret.

Cum vero ex his, qui intra breve hoc temporis spatium se communi opinioni opponerent, nemo esset, qui hoc copiosius ageret, universumque hoc argumentum latius exponeret, quam *Cappellus*; ille quidem haud paucorum virorum eruditorum laudem tulit, verum e multos in se armavit adversarios, in quibus principem locum tenuit *Io. Buxtorfius*, iunior, quocum et alii se coniunxerunt. Ex iis vero qui post *Cappellum* sive edendo, sive exponendo codici Hebraeo operam dedere, longe plurima pars veteribus Iudaeorum opinionibus inhaerens a Buxtorffii partibus stetit, quae et ratio est, quod, qui ab eo inde tempore textum Hebraeum ediderunt, vel solas antiquiores repetierint editiones, nullis usi codicibus manu scriptis, uti *Nisfeldius*, *Clodius*, *Maius*, aliique, vel quosdam quidem codices contulerint, sed ita, ut in punctis, accentibus similibusque tantum minutiis haerent, praetermissis maioris momenti varietatibus; utpote quas omnes pro manifestis habebant descriptorum erroribus, critico examine indignis, uti *Munsterus*, *Opitius*, *Iablonskius* et *I. H. Michaëlis*.

Ne-

Neque mirum hoc erat, cum haec iis, a Iudaeorum doctoribus hausta, alte infixae esset opinio, quidquid a constituta semel lectione Masorethica discreparet, illud eo ipso nomine reiiciendum esse.

Atque ex eodem fonte sinistrum ortum est iudicium, quod plerique, superstitiosis Iudaeorum vestigiis insistentes tulerunt, de textu Samaritano Pentateuchi, utpote quem, licet totus sit Hebraeus, literis tantum Samaritanis exaratum, et antiquitate ipsam Ezrae aetatem antecedentem, interque plura vitia multas etiam habentem lectiones Masorethicis lectionibus longe meliores, eo nomine, quod non a Iudaeis, sed a gente Iudaeis inimicissima, ad nos pervenit, prorsus reprobabant.

VI. Post *Cappellum* vero, eodem saeculo XVII, de Critica Sacra egregie meritus est *Brianus Waltonus*, *Bibliorum polyglottorum* Londinensium, ab anno 1653—1657 in lucem emisforum editor, qui licet ipse nihil in textu Hebr. mutaverit, tamen se vestigiis *Cappelli* insistere clare docet *Prolegomenorum* Cap. VI, eaque editione multum adiumenti attulit iis, qui emendando textui Hebr. versiones antiquas adhibere vellent (g). Neque suis, aliquot annis post, meritis caruit *Richardus Simonus*, sacerdos Oratorii Parisiensis, edita anno 1678, ac inde auctius repetita anno 1685, Gallico sermone, *Historia critica Veteris Testamenti*, qui, etsi non in omnibus probandus, de quamplurimis tamen rebus, ad Criticem sacram V. T. spectantibus tam erudite et accurate egit, ut adhuc eius opus lectu sit dignissimum, quamquam et ille multos sibi nactus fuerit adversarios (h).

VII. Cum vero maxima adhuc Theologorum et interpretum pars, paucissimis tantum exceptis, in neglectu immo et contemptu Critices sacrae perseveraret, laetior ei demum aurora exorta est medio sae-

culo praecedente, per *Carolus Franciscus Houbigantius*, Oratorii Iesu Parisiensis sacerdotem, qui anno 1753 novam publicavit Bibliorum Hebraeorum editionem, tomis IV in forma maxima comprehensam, adiectis annotationibus, quibus multa textus Hebraei loca emendare conatus est, addita porro versione Latina, ad emendationes suas accommodata, praemisissis denique amplissimis prolegomenis, quibus operis sui utilitatem ac rationem describit, de codicum Hebraeorum corruptione exponit, canones, in emendando textu sacro Hebraeo observandas, tradit, aliaque ad crisin sacram facientia ample pertrahat.

Quamquam vero Houbigantius Criticae sacrae exercendae minime idoneus fuerit, utpote a vera linguae Hebraeae intelligentia valde imparatus, nullo fere genii orientis gusto imbutus, nullo, saltem valde exiguo, elegantiae sensu tinctus, audax nihilominus et temerarius in crisi adhibenda, multosque hinc nactus fuerit adversarios; habet tamen opus eius haud pauca utilia, interque eius emendationes sunt plures, quae acumen eius certissime prodant, insuperque hoc praecipuum eius fuit meritum, quod diligentius quam olim, licet negligentius quam par esset, codices quosdam manu scriptos Hebraicos e Bibliotheca Regia Parisiensi conferret, atque hoc modo ad conferendos codices manu scriptos textus Hebraei acrius, quam huc usque factum esset, eruditos exemplo suo excitaret (i).

VIII. Longe autem feliciore cum succesu eodem tempore huic labori incubuit *Benjamin Kennicottus* Theologus Anglicus. Hic scilicet, exemplo, quod *Io. Millius*, popularis suus, in Novo Foedere exhibuerat, excitatus, et *Roberti Lowthi*, qui in opere celebratissimo *de sacra poësi Hebraeorum*, eadem

ae-

aetate in lucem emisso aliqua, etiam textus sacri, e codicibus manu scriptis emendandi specimina dedisset, hortatu, cum ipse, tum adhibita paucorum fortiorum ope, fere ab anno 1760 e codicibus et editionibus Hebraicis 694, per varias multarum regionum bibliothecas dispersis, infinitam variantium lectionum copiam congescit, quas uno conspectu exhibuit in splendidissima *Veteris Testamenti Hebraici* editione, 2 voluminibus in forma maxima, Oxonii, 1776 et 1780, in lucem emissâ, adiuncta etiam *disertatione generali*, qua operis rationem, codicum collatorum aetatem ac valorem et alia quaedam, ad crisin sacram spectantia, pettractat, quam deinde solam, lectuque dignissimis notis locupletatam, denuo edidit *Paulus Jac. Bruns*, Brunovici 1783, 8°, quacum iungenda est *Kennicotti Disertatio super ratione textus Hebraici Veteris Testamenti in libris editis atque scriptis*, Anglice edita anno 1753, deinde vero in Latinum sermonem translata a *Guil. Abr. Tellerio*, II Voll. in 8°, Lipsiae 1756 et 1765.

Hi autem labores Kennicottiani, etsi suis meritis non defraudandi, omnem, quam antea excitaverant, expectationem non impleverunt. Cuius rei ratio partim quidem erat in quorundam expectatione forte nimis magna, partim vero praecipue in ipso *Kennicotto*, qui, quamquam vir erat haud vulgariter, eruditus, accurata tamen carebat linguae Hebraeae notitia, verorumque sanioris critices principiorum parum erat gnarus: unde fieri non poterat, quin haud pauca in eius labores criticos derivarentur vitia: in quibus imprimis haec sunt, quod satis accuratum non fecerit codicum delectum, neglectis haud raro praestantioribus, collatisque iis, quos melius blattis ac tineis corrodeos reliquisset, porro quod
col-

collationes codicum, imprimis quas per alios instituit, haud raro valde negligenter factae sunt, ac denique quod iudicium, ab ipso in *Disfertatione generali* de codicum antiquitate et probitate latum, saepe a vero est alienum, hominemque ostendit, crisi faciendae haud valde idoneum.

Variantes vero lectiones, quas quasi in acervum congescit, docuerunt, ex una parte, codicum omnium, quotquot huc usque collati fuerunt, nullum, saeculo X vel XI esse antiquiorem, eos porro multa continere calami vitia, paucas vero alicuius momenti lectiones variantes, quippe omnes ad unam recensitionem Masorethicam conformatas, eiusque plerumque lectionem confirmantes; at vero etiam ex altera parte in iis haud pauca esse exempla lectionum, quas interpretes antiquiores secuti sunt, invita Masora, conservatarum, adeo ut, quemadmodum ex una parte multorum exspectationi non responderit labor Kennicottianus, et haud desint in eo multa reprehendenda, tamen ex altera parte magni ille sit faciendus, 1) quia leviores etiam variantes lectiones, quales sunt pleraeque, quas collectio Kennicottiana exhibet, haud parum conducunt ad eum nitorem libris sacris restituendum, cuius etiam in minutioribus rebus capaces sunt, 2) quia non paucae sunt aliae, quibus loca affecta emendari, atque difficultates, quae interpretibus molestae erant, superari queant, 3) quia diligens examen variantium lectionum a Kennicotto congestarum nobis saepe egregie ob oculos ponit rationem qua variantes lectiones in codicibus MSS. ortae fuerint (*k*).

IX. Kennicotti autem labor mox et plures alios excitavit, praesertim in Anglia et Germania, qui fervido, immo haud raro modum excedenti critices facrae studio manum admoverent, quorum ab anno

1760 usque ad annum 1780 ingens fuit copia, quos inter eminent *Theod. Christ. Lilienthal*, Theologus Regiomontanus, qui duos codices, Regiomonti aservatos contulit, variantesque lectiones, ex iis collectas, non exhibuit tantum, verum et erudita commentatione illustravit, anno 1770 (l).

Secuti deinde sunt et alii, maxime per Germaniam, in quibus eminent *Io. David Michaëlis*, et *Io. Gothofr. Eichhornius*, quibus vero et ipsis non dubito quin orbis eruditus praetulisset cl. *Nicolaum Guilielmum Schroederum*, nostrae quondam Academiae insigne decus, si ipsi libuisset pluribus in lucem editis libris orbem eruditum beare (m). Neque e nostratibus praetermittendi sunt *Herm. Venema*, *Everardus Scheidius* et *Io. Egb. Greve*, quos, quidquid iudicaverit quis de principiis, quibus crisin suam superstruxerunt, vel de singularum, quas proposuerunt, correctionum textus sacri valore, de critica sacra V. T. egregie meritos fuisse, aequus arbiter negare nequit (n).

X. Eximie vero prae aliis post Kennicottum de critica Veteris Foederis meritis est *Io. Bernardus de Rossi*, in Academia Parmensi linguarum Orientalium Profesfor, qui e collatis a se ipso codd. MSS. 751 editionibusque vetustioribus 310 variantes lectiones congescit, easque cum variantibus lectionibus Kennicottianis veteribusque versionibus contulit, additis etiam si occasio daretur recentiorum criticorum correctionibus et coniecturis; huncque universum apparatus criticum exhibuit opere, quod inscripsit: *Variae lectiones Veteris Testamenti, ex immensa MSS. editorumque Codicum congerie haustae et ad Samar. textum ad vetustissimas versiones, ad accuratiores sacrae criticae fontes ac leges examinatae* 4 Vol. in 4º,
Par-

Parmae 1784—1788, cui deinde addita sunt *Scholia critica in V. T. libros, seu supplementa ad varias sacri textus lectiones*, I vol. in 4^o Parmae 1798. Opus hoc ad crisin V. T. maximi est momenti, cum in codicibus, quos contulit Rossius, sint 567, qui nondum collati fuerant, et ex eo clarius, quam e labore Kennicottiano, appareat, in Codicibus V. T. quamquam, ut plurimum cum textu Masorethico convenientibus, et plures exhibentibus lectiones, quae ad minutias spectant, multas tamen reperiri varietates maioris momenti, a textu Masorethico diversas, et versionum antiquarum cum iis consensu confirmatas: quare et hoc opus promovendis studiis criticis haud parum inservit (o). Ceterum ad nostrum usque tempus continua hoc studium cepit incrementa; quamquam adhuc in eo plurima sunt, quae longe absint a maturitate, eruditorum diligentiam desiderantia et exercentia, uti et dein videbimus (p).

(a) Huc redit summatim Anticriticorum, qui dici solent, sententia, quam et succincte exposuit cl. N. G. Schroederus, in *Oratione de causis criticae, quae in sacro Veteris Testamenti codice exercentur, contemptae ante hoc et neglectae, nunc autem in pretio habitae diligenterque excultae*, inserta opusculis de ratione studii a cl. Scheidio editis, Tom. III. pag. 441.

(b) Tres procuravit Bombergius Bibliorum Hebraeorum editiones, e quibus vero haec ea est, quam omnes fere sequentes editores expresferunt.

(c) De opere hoc critico vid. praeter alios G. Fabricy, *Titres primitifs de la revelation*. Tom. II. pag. 353 sqq. et De Rossi, *Prol. ad var. lect. V. T.* Tom. I, pag. XL, XLI.

(d) De laboribus criticis Salomonis Norzi vid. Rosenmuller l. c. pag. 264 auctoresque ab eo citati, quibus add. De Rossi, l. c. pag. XLI seqq.

(e) De laboribus criticis Io. Morini et Is. Vossii vid. R. Simon, *Hist. crit. du Vieux Test.* Chap. VIII, insuper, de Io.

Io. Morino auctores citati a *Saxio*, *Onomast. litt. Tom. IV*, pag. 327, quibus add. *G. Fabricy*, *Titres primitifs de la Relation*, *Tom. II*, pag. 438 seqq. et imprimis *Rosenmuller*, *l. c. pag. 439* sqq. De *Isaïco Vosio* vid. itidem auctores citati a *Saxio*, *l. c. pag. 443* et *G. Fabricy*; *l. c. pag. 451* seqq.

(f) De *Capello* eiusque in critice sacrae meritis conf. auctores citati a *Saxio l. c. Tom. IV*, pag. 314, quibus add. operis *Capellani* recensio apud *Clericum*, *Biblioth. universelle*, *Tom. XII*, pag. 1 seqq.

De universa autem cum *Capello* agitata controversia praeter alios conf. *G. Fabricy*, *l. c. pag. 443* seqq. et *Rosenmuller*, *l. c. pag. 466—488*. quibus add. *Biblioth. crit.* a cl. *Wytenbachio* edita, *Tom. I*, pag. 86.

(g) De *Waltono* conf. auctores citati a *Saxio*, *l. c. Tom. V*, pag. 6.

(h) *Richardi Simoni* laborumque eius criticorum notitia petatur ex auctoribus citatis a *Saxii*, *l. c. Tom. V*, pag. 281, quibus iungatur *Clerici Bibl. universelle*, *Tom. XII*, pag. 404 seqq. ac praesertim *Rosenmuller*, *l. c. pag. 115—139*.

(i) Ad *Houbigantii* de critica sacra merita recte aestimanda conf. auctores citati a *Saxio*, *l. c. Tom. I*, pag. 524 et *Tom. VII*, pag. 175, quibus add. praeter alios *Kennicottus*, *Disert. II super ratione textus Hebr.* pag. 446, *G. Fabricy*, *l. c. Tom. II*, pag. 372, *N. G. Schroederus*, in oratione inserta *opusculis de ratione studii*, a cl. *Scheidio* editis, *Tom. III*, pag. 451, et *Orig. Hebr. Cap. VIII*, § 15, *Rosenmuller*, *l. c. pag. 495* seqq., *Biblioth. crit. Wytenbach. Vol. I*, pag. 89, 90. *Michaëlis*, *Bibl. orient. Tom. XII*, num. 189. *A. J. Arnoldi*, *zur Exegetik. und Kritik des A. T. Tom. I*, pag. 80. Acutissimam autem et eruditissimam in *Houbigantii* errores crasin exercuit cl. *Seb. Ravius* in *exercitationibus philologicis adversus C. F. Houbigantii prologomen.* in *S. S. (Lugd. Bat. 1785, in 4°.) coll. Ernestio*, *Bibl. Theol. Tom. V*, pag. 159. Notae criticae *Houbigantii*, praemisissis prolegomenis, denuo editae sunt *Francofurti ad Moenum*, 1777, 2 vol. in 4., quam editionem, minime accuratam, recensuit *Michaëlis*, *l. c. Tom. XIII*, pag. 61 seqq.

(k)

(k) Historia operis Kennicottiani breviter exhibetur *Biblioth. crit. Wytttenbach. Tom. I, pag. 93* seqq. et *Baueri Crit. S. V. T. pag. 18* seqq., quibus iungatur *Rosenmuller, l. c. pag. 502—524*, coll. *pag. 241—248*. Nimis finistrum de eius laboribus criticis iudicium tulerunt *G. Fabricy l. c. Tom. II, pag. 467—514*, coll. *Discours praëliminair, pag. CCXV—CCXIX*. et *Eichhorn, Einl. in das A. T. Tom. II, pag. 225*. Convenit iudicium finistrum Galli Anonymi apud *Ernestium Bibl. theol. novisf. Tom. II, pag. 99* et *Michaëlem Or. Bibl. Tom. II, pag. 64* sqq. Moderatius eoque nomine rectius est iudicium *Ernestii, Bibl. theol. novisf. Tom. II, p. 114, 115*, *N. G. Schroederi, l. c. pag. 452, 453*, *Michaëlis Bibl. orient. Append. Vol. XII, pag. 22* seqq., *H. A. Schultensii, Bibl. crit. Wytttenb. Vol. I, pag. 79* seqq. *Baueri, l. c. pag. 20, 21*. *Rosenmulleri, l. c. Tom. I, pag. 241* seqq.

(l) Valde et quidem pro merito laborem hunc *Lilienthalii* laudat *N. G. Schroeder l. c. pag. 453*. Recensent vero et praeclara laude simul ornant opus hoc *I. A. Ernesti, Bibl. theol. novisf. Tom. II, num. 1* et *I. D. Michaëlis, Bibl. orient. et exegit. Tom. I, pag. 160* seqq. Varia autem ex altera parte in opere hoc reprehendit *I. B. Koehler, in Bemerkungen über die hebräischen Handschriften in Königsberg, in Repertorio Eichhorniano, Tom. XVI, pag. 1* seqq.

(m) *Michaëlis* et *Eichhornii* opera notiora sunt, quam ut commemoratione eorum opus sit. De *Schroedero* expertus loquor, qui eius per plures annos discipulus fuerim, ac deinde etiam amicitia eius honoratus. Erat praesertim in eo insigne ingenii acumen coniunctum cum solida eruditione et mira modestia. Conf. quae de *Schroedero* dixi in *Annotat. ad orationem saecularem Academiae Groninganae, pag. 123* seqq. et quidem imprimis *pag. 125, 126*.

(n) Notissima quoque sunt virorum hic commemoratorum opera, e quibus de facultate eorum critica iudicari possit. Addere possumus *H. Verschurium, H. A. Schultensium, Palmium, Paravium*, aliosque.

(o) Conf. de Roscio *N. G. Schroederus, l. c. pag. 453, 454*, et *Bauerus, l. c. pag. 22*. Ceterum et alia quaedam evulgavit, ad crisin sacram facientia opuscula minora quorum

rum catalogus conspicitur in calce *Scholiorum criticorum in libros V. T. pag. 144*, quae, maximam partem, in Germania recusa sunt.

(p) Conf. imprimis eximia, iam nota (a) citata, oratio *N. G. Schroederi*, quam editor *Cl. Scheidius*, in praefatione *partis tertiae opusculorum de ratione studii*, recte appellat *longe prudentissimam et iuventuti, imprimis Theologicae, ad veram critices Hebraeae indolem cognoscendam, utilisissimam*.

§ 4.

Summa Critices sacrae librorum V. F. difficultas.

Summam esse Critices horum librorum difficultatem, nemo facile negabit, cogitans, eos aetate a nostra remotissima esse conscriptos, de eorum autographis, et antiquissimis Codicibus nihil fere sciri, fata eorum in variis reipublicae Iudaicae vicissitudinibus magnam partem nos latere, de valore recensionum criticarum, a Iudaeis olim, secundum § 3, institutarum eo incertius esse iudicium, quo minus nobis constet de subsidiis criticis, quibus usi, et de regulis critices, quas secuti sint; insuper Codicum Mss., qui huc usque ad eruditorum notitiam pervenerunt, antiquissimos vix ad septingentorum annorum aetatem adscendere, omnes in universum ad recensionem Masorethicam conformatos esse, in locis maxime suspectis haud raro in mendosissimas lectiones consentire, notasque, quibus eorum vel antiquitas, vel bonitas indicetur, huc usque valde dubias esse incertasque; versiones itidem vetustas, licet egregium saepe praebeant adiumentum, saepissime tamen et ipsas librariorum vitio ita deformatas esse, ut emendando textui Hebraeo haud raro non prius adhiberi possint, quam ipsae Critices ope vitiis pur-

B

ga-

gatiores factae sint; quarundam etiam non nisi fragmenta quaedam ad nos pervenisse, ac tandem faepissime nihil constare de valore codicum, quibus usi fuerint. His omnibus accedit etiam, Criticen librorum Veteris Foederis adhuc in sua quasi esse infantia, quippe antea a paucissimis tantum tractatam, a plurimis neglectam et contemptam, nec ferre nisi a Kennicotti aetate rite exercitam; cum contra Critica librorum Novi Foederis iam a renatis saeculo XVI literis ad hoc usque tempus quam plurimos viros eruditos occupatos tenuerit.

Conf. I. A. Dathe, *De difficultate rei criticae in V. T. disertatio*, edita Lipsiae 1762, deinde inserta eius *opusculis* quae anno 1796 iunctim prodierunt. Vid. recensio huius dissertationis in *Ernesti Bibl. Theol.* III, p. 919 etc.

§ 5.

Critices huius utilitas.

Utilissimam esse Critices librorum Veteris Foederis studium, vix opus est, ut probetur illi, cui de necessitate bene eorum intelligendorum persuasum sit: libri enim hi probe intelligi antea nequeunt, quam de vera eorum lectione certum sit: cui accedit etiam hoc, varia e multorum locorum lectione pendere, quae vel ad historiam antiquitatesque sacras, vel etiam ad religionis notitiam haud exiguum habeant momentum.

§ 6.

Critices librorum V. F. abusus.

Quantumvis vero nemini de Critices, in libris V. F. exercendae, utilitate dubium esse possit; nihilominus

nus sunt haud pauci, qui nobilissima arte nimium temere abutantur, quales sunt, 1) qui lectionibus huius illiusve versionis antiquae coeco impetu omnem deferant auctoritatem, uti e. g. lectiones versionis Graecae Alexandrinae *Is. Vosfus*, lectiones textus Samaritani *Io. Morinus* fere semper praeferat lectionibus textus Hebraici, 2) qui in gratiam systhematis cuiusdam, ingenio suo conficti, lectionem textus Hebraici, quandocunque ille se ad illud systhema non accommodet, immutant, qua ratione *Marcus Mcibomius* et *Franciscus Hare* quamplurimas lectiones immutabant, ut eos conformarent ad metri Hebraici, quale illud uterque sibi detexisse videbatur, rationem, 3) qui in omnibus fere locis, quae non intelligant, mox ad coniecturas criticas confugiant, ad quam temeritatem multi eo proniores feruntur, quo ipsi linguae Hebraeae eiusque idiotismorum sunt ignorantiores, in quorum numerum omnino referendus est *Houbigantius*, iam § 3 commemoratus, vir quidem sagacissimus, sed Hebraicae linguae tam rudis et ignarus, ut etiam aliquando primorum grammatices ac syntaxeos Hebraeae principiorum, quae vel tyronibus nota sunt, ignorantiam prodat, et cuius etiam sic in urendo et secando audacia omnem prorsus modum excedit. Denique 4) his accensere non dubitamus quosdam *altioris*, quae hodie dici solet, *Critices*, maxime in Germania, patronos, uti *Eichhornium* aliosque, qui e solo saepe ingenio suo de *αυθεντια* vel *νοθεια* integrorum librorum, vel saltem magnorum librorum partium pronunciant, quorum institutum, etsi neque novum, neque etiam prorsus reiiciendum sit, saepius tamen cum nimia iunctum est iudicii temeritate, qua tandem omnia incerta reddantur. Quae amentia hac de causa

in ipforum etiam veterum auctorum profanorum crisi a modestioribus criticis condemnata est.

De nimia multorum criticorum temeritate conf. *Bibl. crit. Wyttenbach, Tom. I, pag. 86* seqq.

De abusu *Critices*, quae dicitur, *altioris* vid. praefertim cl. Greve in praefatione *ad vaticinia Iesaeae, metricè edita*, ubi imprimis disputat contra cl. *Eichhornium*, multas temere vaticiniorum Iesaeae nomen praefertentium partes tamquam spurias reiicientem. Haec a *Grevio* annotata qui legat, non poterit, quin hanc continuo magis invalescentem temeritatem condemnaturus sit. Lectu digna quoque sunt, quae de critice altiore in Codice Sacro disferit *H. van Alphen*, in libro, *Predikt het Evangelie aan alle creaturen*, pag. 293 seqq.

§ 7.

Requisita ad artem criticam in libris V. F. recte tractandam.

Ut autem recte artem criticam in sacris his libris tractemus, requiritur

1) ingenii felicitas vel sagacitas, quae si cui desit, is potius a critice adhibenda prorsus abstineat, quam ei manus admoveat (*a*).

2) eruditio accurata linguae Hebraeae, antiquitatisque et historiae, cum ipsius Hebraeorum populi, tum et aliorum populorum, quibuscum eorum historia connexa est,

3) animus modestus uniusque veri studiosus,

4) familiaritas quaedam cum stilo et argumento librorum sacrorum, imprimis saepius repetita attentaque lectione contracta, quae haud raro eximium est ad veram lectionem facile detegendam remedium (*b*). His omnibus tandem.

5) accedat, quod manum crisi librorum sacrorum non admoveamus, nisi in veteribus auctoribus Graecis ac Latinis saltem aliquod eius periculum fecerimus, et ab optimis horum criticis, e. c. Bentleio, Hemsterhusio, Ruhnkenio, Valckenario, Ernestio, Heynio, similibusque gustum quendam huius artis ac facilitatem nobis paraverimus.

(a) Egrege sunt, quae hanc ad rem notavit *Ruhnkenius*, *Elog. Hemsterhusii*, pag. 11, edit 2dae.

(b) Exemplum talis diligentiae exhibuit vir summus, *Tib. Hemsterhusius*, de quo hoc non tantum annotatione, verum et imprimis imitatione dignissimum refert *Ruhnkenius*, l. c. pag. 50. „Cum scriptori, sive Graeco, sive Latino crisin suam impertire constituisset, primum iustam cum eo familiaritatem contrahebat, hoc est, cum res ipsas, tum verba, similibus locis inter se comparatis, quanta maxima fieri poterat, diligentia cognoscebat, recte iudicans, suum quemque scriptorem optimum interpretem esse, et, qui non saepius totum scriptorem uno tenore legisset, eum in emendando explicandoque turpissime labi. Tali notitia contracta, omnia ad certam rerum sermonisque normam exigebat, difficilis, suspicax, semper verens, nequid sibi fallaciae vel a librario, vel ab interpolatore strueretur.”

Hoc summo iure, cum ad singulorum scriptorum sacrorum, tum ad universi codicis Hebraei crisin transferri potest.

§ 8.

Pertractationis ordo.

Ut iusto ordine decurrat pertractatio nostra Critices librorum V. F. ante omnia brevem praemittemus conspectum linguae, qua hi libri conscripti sunt; ubi ipsam linguae indolem, eiusque originem ac mutationes breviter trademus, simulque quae ad scri-

ptionem eius pertinent, indagabimus. Deinde historiam textus sacri Hebraei inde a primo eius ortu usque ad nostram aetatem, quantum fieri poterit, exponemus. Haec autem pertractatio cum nos edoctura sit in codicis Hebraei textu haud exiguam esse variantium lectionum copiam, porro illarum diversas origines ac species inquirere allaborabimus; quae disquisitio nos sponte ducet ad consideranda adminicula, quibus in diiudicanda lectionum varietate uti possimus, simulque modum ostendemus, quem in iis recte utendis observare oporteat. His omnibus pertractatis tandem quasdam regulas dabimus, a prudenti critico in diiudicanda lectionum varietate et corrigendo textu probe observandas.

CAPUT PRIMUM.

DE LINGUA, QUA CONSCRIPTI SUNT
LIBRI VETERIS FOEDERIS.

§ 9.

Observatio hac de re generalis.

Cum libri veteris Foederis conscripti sint ab auctoribus Israëlitis, et Israëlitarum proxime usibus infervirent; mirum non est, eos lingua conscriptos fuisse, Israëlitis vernacula, quae erat Hebraea; quibusdam tantum in libris *Ezrae* ac *Daniëlis* exceptis Chaldaïce exaratis, quae cum ex archivis monumentis publicis, Chaldaïce conscriptis, desumpta sunt, tum et adscribenda temporis rationi, quo dialectus Hebraïca cum Chaldaïca commixta, imo et cum ea commutata esset. Reperitur etiam pericope, Chaldaïce conscripta, inserta libro Hebraïco Ieremiae, *Cap. X, II*, sed quam ab aliena manu profectam ac seriore demum tempore textui Hebraïco insertam fuisse, nullum esse potest dubium (a).

(a) Conf. *Venema* et *Dathe* VV. cl. ad h. l.

*Exponitur sententia, quae linguam Hebraicam
primaevam statuit, peculiaremque ei prae
aliis linguis sanctitatem attribuit, olim
admodum vulgaris.*

Cum, qui primi e Christianis linguae Hebraeae studium coluerunt, Iudaeis usi sint praeceptoribus, mirum non est, ab his magistris quasdam etiam ad discipulos propagatas fuisse opiniones, e sola Iudaïca superstitione ortas; inter quas et haec una e praecipuis fuit, maximeque noxiis, linguam hanc a Deo ipso cum Adamo communicatam, ab eoque per solam lineam sanctam Sethitarum ad Israëlitas translatam esse, eaque de causa merito κατ' ἔξοχην appellari *sanctam*.

Antiquissima appellationis huius vestigia reperiuntur in paraphrasis Chaldaïcis Veteris Foederis (a). Est autem ea probabiliter orta in captivitate Babylonica, ut sic distinguerent linguam, qua lex conscripta erat, et qua in sacris utebantur, a Chaldaïca, qua uti solebant in vita communi, quam חול, seu *profanam* appellabant (b).

Deinde vero iam satis cito superbus ille et superstitiosus, quo Iudaei iam a longo inde tempore alios persecuti sunt, contemptus effecit, ut cum hac denominatione opinionem coniungerent originis vere divinae, quae linguam hanc solam dignam faceret, qua Deus oracula sua ederet, et qua ille coleretur, quae itaque per lineam illam sanctam divinitus propagata esset ad electum hunc ex omnibus nationibus a Deo populum, ab eoque uno usurparetur (c).

(a) Exempla videri possunt apud Buxtorfium, *Lex. Talmud*, col. 1160.

(b)

(b) Ita iam senserant *Io. Buxtorfius*, et *Iac. Altingius*, quos sequitur *E. H. Frommannus*, Opusc. (Coburgi 1710), pag. 50.

(c) Vid. *Frommannus*, l. c. qui et fabulas exhibet varias ab Iudaeis confictas, quibus opinatam istam sanctitatem linguae Hebraeae sustinerent.

§ II.

*Confutatur haec fabula per indicatam veram
linguae Hebraeae originem.*

Opinio haec nimium temere a quamplurimis Christianis arrepta (a), multorumque gravium errorum foecunda mater (b), deinde vero post alios imprimis ab *Alb. Schultensio* profligata (c), facillime refutabitur, si veram linguae Hebraicae originem indagaverimus.

Lingua scilicet illa, quae iam antiquissimo tempore *Hebraea* (d) vel et *Cananaea* (e) itidemque post regnum Israëliticum divisum, *Iudaica* (f) appellabatur, procul dubio omnium, quotquot iam cognitae sunt, linguarum antiquissima est: est scilicet illa dialectus linguae, antiquissimo tempore per tractum occidentalem Asiae, inde a regionibus ultra Euphratem ab Oriente, usque ad mare mediterraneum ab Occidente, ab Armeniae finibus a Septentrione, usque ad ultimos Arabiae Felicis et Aethiopiae fines a Meridie usitatae, quae lingua, in quantum iam nobis cognita est, in tres dialectos principes dividitur, nempe *Hebraeam*, *Arabicam* et *Aramaeam*, quae ultima iterum in duas dialectos a se invicem non nisi literarum forma et exigua pronuntiationis differentia diversas subdividitur, nempe *Syriacam*, quae in Syria ad Orontem et Septentrionali Mesopotamiae parte,

et *Chaldaicam*, quae in Chaldaea et Aslyria in usu erat (g).

Universae huic linguae, paullatim in has dialectos divisae, summa omnino adscribenda est antiquitas, adeo ut, licet ipsa primaeva non sit, primaevae tamen proxime accedat, ex eaque magnam saltem partem formata haud improbabilius videri possit (h).

(a) Conf. *Frommannus l. c.*, pag. 56, 57.

(b) Egregie hoc ostendit peculiari disertatione *E. H. Frommannus*, pag. 47—81.

(c) Iam antea opinatam hanc linguae Hebraeae sanctitatem oppugnarunt *Io. Wowerus*, in *Polymathia*, p. 196, *R. Simon*, *Hist. crit. V. Test.*, Lib. I, Cap. XIV et XV, et *Io. Clericus*, in *Disfert. I ad comment. in Genesin*, § 5, sed argumentis illi usi sunt saepe parum valentibus. Nemo vero felicius in fabula illa prorsus profliganda versatus est, quam *Alb. Schultensius*, in praefationibus, quas cum *Commentario in Proverbia*, tum *Grammaticae Arabicae Erpenianae* praemisit, itidemque in *stricturis ad Antonii Driesenii*, rigidi ac superstitiosi sanctitatis linguae Hebraeae defensoris, *disertationem de lingua primaeva*.

(d) Disputatur de origine huius denominationis. Conf. *Hezels, Gesch. der Hebräische Sprache*, pag. 5 seqq. Mihi omnium maxime probabile videtur, linguam hanc sic appellari ab Hebero (עבר), *Gen. X*, 21, Abrahami proavo, a quo lingua haec per filium Phalegum, ad Abrahamum eiusque posteros, et per eius fratrem Ioctanem ad Arabes pervenit, secundum genealogiam *Gen. X* contextam, unde et dialectus Hebraica et Arabica antiquissimae fuisse videntur, Aramaea autem probabiliter deinceps demum orta est. Conf. etiam *Alb. Schultensius, Grammat. Hebr.*, pag. 6.

(e) Sic שפת כנען occurrit *Ies. XIX*, 18, quo licet quidem intelligatur lingua, quam Israëlitae in terra Canaanitica loquebantur, simul tamen indicatur linguam Canaaniticam, seu Phoeniciam, a lingua Israëliitarum non discrepasse, quod et multorum nominum Phoenicorum cum Hebraeis convenientia docet, uti imprimis clare ostendit *Bochartus* in eruditissimo opere, quod *Phaleg et Canaan* inscripsit, itidem-

demque apparet ex reliquis linguae Punicae, quae vere erat Phoenicia, quae in primis et initio *Poenuli* Plauti, *Actu* V, *Scena* I, supersunt, praeterea e numis quibusdam Phoeniciis, adhuc supersitibus, et e monumentis Punicis, quae anno 1822 erudita commentatione illustravit cl. *Hamaker*. Conf. etiam *Vitringa*, *Obs. f. L. I, C. I, § 13*. De Punicae imprimis linguae cum Hebraea convenientia iam vana Augustini et Hieronymi testimonia produxit *Jahn*, *Einleit. in die Göttl. Bucher des A. T., Tom. I, § 68*.

(f) Conf. 2 *Reg. XVIII, 26, 28*. 2 *Chron. XXXII, 18. Nehem. XIII, 24*. Cf. *Hartmann, Linguistische Einl. in das Studium des A. T., p. 1* seqq. ubi egregie ostendit linguam Phoenicam, Samaritanam et Hebraeam esse eandem. Add. *Tpeij, gesch. der Nederl. taal, p. 9* etc. Lingua etiam incolarum insulae *Melitae*, coloniae quondam Phoeniciae, habet adhuc reliquias veteris linguae Phoeniciae cum Hebraea et Arabica lingua convenientes. Conf. *Maii, (I. H.) specimen linguae Punicae in hodierna Melitensium supersitis*. (Marb. 1718). Exempla autem pleraque sunt Arabica.

(g) Memoria antiquissimarum huius linguae dialectorum, deletis, qui iis usi sunt, gentibus, earumque monumentis, prorsus interiit. Nos autem hic loquimur de solis illis dialectis, quae adhuc cognitae nobis sunt, e quibus Hebraica prorsus est emortua, Arabica autem et Syriaca adhuc in vivo usu sunt. De dialecto autem Aramaea, eiusque quasi ramis Syriaca et Chaldaica imprimis accurate egit *I. D. Michaëlis, Abhandlung von der Syrischen Sprache und ihre Gebrauch* (Gott. 1768), § 2, 3. De dialecto Aramaea late agit *Hartmann, Ling. Einl. p. 138—160*. Commemoratur vero etiam dialectus Samaritana, sed quae fere universa est Chaldaica, literis tantum exceptis, et Aethiopica, sed quae orta est, ex Arabica. Conf. de utraque hac dialecto *I. D. Michaëlis, Beurtheilung der Mittel, welche man anwendet, die Hebräische Sprache zu verstehen*, (Gott. 1757), § 48, 49.

Etiam veteres Phoenices dialecto quadam eiusdem veteris linguae usos esse, annotatione (e) observatum est. Conf. et de ea *Michaëlis, l. c., § 50*. Ceterum de omnibus his dialectis orientalibus vid. quoque *G. W. Meyer, Hermeneutik des A. T., Part. I, § 42—77*.

(h) V. Schult., *Gramm. Hebr. Praef.*, pag. 5, et Iahn, *Einh. in 's A. T.*, T. I, pag. 244 et Pareau, *Inst. Int. V. T.*, pag. 25, 26.

§ 12.

*Conspectus mutationum, quas subiit lingua
Hebraea.*

Dialectus Hebraïca, inde ab antiquissimo iam ante Mosen tempore, usque ad tempus captivitatem Babyloniam proxime antecedens, paucis exceptis (a), eadem mansit. Ea temporis periodo, quae a Mose ad Salomonem protenditur, ad summum perfectionis culmen; una cum poësi adscendit, ab eo vero inde tempore, quod a Salomone procurrit ad captivitatem Babyloniam fieri non potuit, quin variae regni Israëliti et Iudaïci conversiones universo ingenii cultui, adeoque et linguae haud parum detrimenti adferrent. Licet enim in Amosi, Hoseae, Iesaiæ, Michae et Nahumi vaticiniis egregia adhuc reperiantur puri sermonis et sublimis dictionis vestigia, in iis, qui deinceps vixere, scriptoribus, iam hic illic quaedam exstant decrepantis loquendi puritatis indicia, imprimis apud Ieremiam, qui sub ultimis Iudaeorum Regibus Iosia, Ioachazo, Ioiakimo, Iechonia, et Zedekia, adeoque usque ad interitum regni Iudaïci vaticinatus est (b).

Porro in exilio Babylonico, fieri non potuit quin lingua Hebraïca, licet Iudaeis maneret vernacula, haud parum adsumeret e dialecto Chaldaïca. Ulterior dein corruptio infecit eam, cum Iudaei et Israëlitae per varias regiones sub regibus Syro-Macedonibus dispergerentur, et ipsi illi, qui in Palaestina degebant, omnem ingenii adeoque et linguae cultum negligerent; quo pacto lingua haec, iam tempore Iesu et
A-

Apostolorum valde depravata, paullatim ad interitum vergit; donec eius usus post capta a Romanis Hierosolyma, ac deletam Iudaeorum rempublicam sensim prorsus evanuit (c).

(a) Nempe 1) quaedam in variis regionis Israëliticae partibus fuit pronunciandi diversitas, sic Ephraïmitae pronuntiabant סבלת, quod caeteri Israëlitae effere solebant, שבלת, *Iud.* XII, 6. Alia exempla suppeditat *A. T. Hartmann, Linguist. Einl. in 's A. T., pag. 94* sqq.

2) Versionis Graecae Alexandrinae auctoribus aliqua nomina propria aliis vocalibus quam in nostris codicibus instituantur. Sic e. e. בלעם legerunt בלעם, semper enim

Βαλααμ vertunt; indicio probabili, se habuisse ante se codices, qui quasdam habebant ex aliis dialectis pronunciationis varietates.

3) Forte et in quibusdam pronunciatio, quae in familiari convictu usurpabatur, differebat ab illa, qua scribentes utebantur. Sic in quotidiano convictu מן dictum fuisse videtur pro מה *Exod.* XVI, 15.

(b) Specimina quaedam ex Ieremiae vaticiniis dedit *Eichhornius, Introd. in libros V. T., § 536*, quocum conf. cl. *Pareau, Obs. Gen. ad Threnos Ieremiae, pag. 14, 15.*

(c) Historiam linguae Hebraeae olim Latine scripsit *Io. Simonis*, dein vero Germanice *Wilh. Frid. Hezel*, et, qui reliquis palmam praeripuit, *Gesenius*, Philologus Halensis, peculiari opere Germanico.

§ 13.

Origo et mutationes alphabeti Hebraïci.

Uti omnes populi, ingenio minus exculti, primum nulla valent literarum pingendarum arte, deinde vero ars haec, postquam inventa est, paucorum tantum esse solet, reliquos vel dignitate vel ingenio superantium, ita et apud populos Orientales, nomina-

tim

tim apud Hebraeos, ars scribendi antiquissimo tempore prorsus ignota, dein vero, postquam inventa fuit, diu paucioribus tantum cognita fuisse videtur, ac deinceps demum, crescente ingenii Hebraeorum cultura ad omnes, saltem ad plerosque pervasit (*a*).

Quanta autem sit artis scriptoriae apud Hebraeos antiquitas, valde est incertum; licet probabile sit, illam Abrahamo, saltem Mose, antiquiorem fuisse, quippe quod doceant monumenta illa vetustissima, quae Moses ex antiquissima mundi aetate collegit, dictione composita a stilo Mosi diversissima, ac singula proprium sibi habentia characterem (*b*).

Aequae in obscuro iacet, quales antiquissimi fuerint literarum Hebraicarum characteres: id unum certo dici potest, origine literas Hebraeas, Arabicas, Aramaeas, Phoenicias, easque omnes, quas pinxerunt, qui aliis linguae illius orientalis dialectis utebantur, fuisse easdem, deinde vero eas labente tempore eo magis a se invicem discrepasse, quo minus populi, qui diversis illis dialectis utebantur, invicem societate coniuncti essent, locorum quippe intervallicis, religionisque et morum diversitate, aliisque de causis paulatim longius a se invicem secedentes (*c*).

Speciatim vero et formas literarum Hebraicarum olim diversissimas fuisse ab iis, quibus iam utimur, apparet inde, quod veterum versionum collatio nos docet, eas literas in antiquissimis codicibus aliquando inter se permutatas fuisse, quae iam nullam inter se habent similitudinem (*d*).

Praeterea characteris vetustioris Hebraici communem cum hodierno originem, at simul haud exiguum saepe differentiam fuisse, docent vetera quaedam monumenta ab Eruditis collecta (*e*). Tandem vero variis modis mutatum et elegantioribus formis pingi coeptum fuisse alphabetum Hebraicum, hoc quidem com-

commune omnibus omnium literarum populis cultioribus usitatarum fatum docet, donec tandem paulatim eam nactae sint Hebraeorum literae formam, quam nunc habent: cui accedit etiam hoc, populos orientales, et in his etiam Iudaeos calligraphiae semper valde studiosos fuisse (f).

(a) Conf. G. Kuypers, in notis ad versionem Belgicam itinerarii Equitis Dⁱ Arvieux, pag. 75, cui vero, existimanti, etiam Patriarchis ignotam prorsus fuisse artem scriptoriam, non assentior.

(b) Bene hoc praeter alios monuit Bauerus, *crit. f.* pag. 121, cui add. Michaëlis, ad Gen. XXIII, 16.

(c) Sic literae Hebraeae, Syriacae et Arabicae, valde quidem hodie differunt; at communem tamen originem luculenter testantur. Characteres etiam literarum Graecarum quamvis a Phoeniciis hodie diversissimi, Phoeniciam tamen originem clare ostendunt. Immo de literis Hebraeis sua aetate scribit Hieronymus, *Opp. Tom. III, col. 842* „caligantibus oculis senectute ad nocturnum lumen nequaquam valemus Hebraeorum volumina relegere, quae etiam ad foliis dieique fulgorem *literarum parvitate* coecantur: — quae verba clare docent, Hieronymi aetate valde exilem fuisse literarum Hebraicarum figuram, adeoque ab illa, quae iam obtinuit, quaeque saltem parvitate molesta non est, longe diversam.

(d) Huius rei infra plura nobis incurrent exempla, e quibus apparebit permutatas fuisse aliquando e. c. **N** et **η**, **N** et **γ**, **λ** et **ζ**, **γ** et **ι**, etc.

(e) Conf. Montfauconii, *Palaeogr. Graeca*, pag. 118 seqq. et Büttners *Vergleichungstafeln der Schriftarten verschiedener Völker*, (Gott. 1771), Tab. II, num. 1.

(f) Quae hac § dicta sunt docent igitur luculentissime, vanam esse disputationem, olim inter Eruditos agitatam, utrum character literarum quadratus, quo iam utimur, quoad substantiam suam, idem sit, ac i. e., quo Moses ac Prophetae usi sunt, an vero ille demum succederit tempore captivitatis Babylonicae vetustiori Samaritano. Quam quaestionem
bre-

breviter pertractavit post multos alios *Bauerus*, *l. c.*, pag. 111 seqq.

Certissime neque Samaritanis neque quadratis literarum characteribus convenit iste antiquitatis honor. Vestigia enim alphabetorum veterum Phoeniciorum, Palmyrenorum etc. ab eruditis collecta clare ostendunt communem formae literarum Orientalium originem, quae vero labente tempore varias subierunt mutationes. Conf. Auctores, citati ab *Eichhornio*, *Introd. in V. T.*, § 66, not. c, quibus add. *I. B. Bianconi*, *de antiquis literis Hebraeorum et Graecorum libellus*, Bononiae, 1748, 4°. *Michaëlis*, *Orient. und Exeget. Bibl.*, Tom. VIII, pag. 7 seqq. X, pag. 129 seqq. XXII, pag. 112 seqq. *A. T. Hartmann*, *Linguistische Einl. in das Studium des A. T.*, pag. 12—17. Conferri etiam possunt nummi Punici et Phoenicii apud *Dorvillium*, in *Siculis*, Tom. II, Tab. I, num. 4, 5, 6, ac monumenta Phoenicia, supra iam citata, a cl. *Hamakero* edita.

Tandem Hebraeos literis Samaritanis usos non fuisse, apparet e numis quibusdam eorum e tempore Maccabaico superstitibus, qui characterem impressum habent et ab hodierno et a Samaritano alienum. Conf. de iis *G. Fabricy*, *Titres primitifs de la revelation*, Tom. I, pag. 106 seqq. not. Scriptoresque ab eo citati. Imprimis lectu dignae sunt *Adr. Relandi*, *De nummis veterum Hebraeorum, qui ab inscriptarum literarum forma Samaritani appellantur, dissertationes quinque*, Traiecti ad Rhenum, 1709, 8°.

§ 14.

De numero literarum Hebraicarum quaedam observantur.

Haud convenit inter Eruditos, utrum omnes, quae iam alphabetum Hebraicum constituunt, literae, ab origine adfuerint, an potius quaedam recentioris sint inventionis: cum enim e traditione vetusta Cadmus fedecim tantum literas Phoenicias in Graecam intulisse dicatur, nempe α , β , γ , δ ; ε , ι , κ , λ ,
 μ ,

μ , ν , ρ , π , σ , τ , υ , ex alphabeto Phoenicio desumptas; efficiunt hinc aliqui, etiam antiquissimum alphabetum Hebraicum non plures habuisse literas, quam quae his sedecim respondent, quae vero quales fuerint, in literis quidem α , β , γ , δ , ϵ , ζ , η , θ , ι , κ , λ , μ , ν , π , ρ , σ , τ , haud obscurum, in literis autem, ϵ , σ , υ dictu est difficilius (a).

Nos quidem ad hanc quaestionem sequentia observamus.

1) E comparatione alphabeti, sive Hebraei, sive Phoenicii cum antiquissimo illo Cadmaeo Graeco nihil hac de re effici potest; licet enim verum sit, antiquissimum illud alphabetum Graecum sedecim tantum literas continuisse; hoc aequè potuit inde oriri, quod Graeci reliquis literis Phoeniciis pronunciandis idonei non fuerint, ac inde, quod literae illae in alphabeto Phoenicio nondum tunc adfuerint (b).

2) Vel sic tamen haud improbabile est, quasdam literas a prima inde origine in alphabeto Hebraico non adfuisse, sed seriore demum tempore perficiendae et ad maiorem *ακρίβειαν* perducendae pronunciationis causa inventas, eique additas fuisse. Sic forte literarum ι et ζ , κ et ρ , δ et ψ alterutra recentioris est originis, simili fere modo, uti locum habuit in literis Graecis ϑ , φ , χ , ξ , quae a Palamede, tempore belli Troiani, et ζ , ψ , η , et ω , quae a Simonide Ceo annis circiter ante Christum natum DXXX inventae fuisse dicuntur (c).

3) Licet hoc ita probabiliter se habeat, certissimum tamen est, alphabetum Hebraicum Davidis iam aetate ita constitutum fuisse, prouti se nunc habet; eo solo excepto, quod ψ et ϖ pro una litera habitae fuerint, quaemadmodum e psalmis Davidis alphabeticis quam luculentissime constat.

(a) Est haec sententia e. c. *Bayeri*, *De nummis Hebraeo-Samaritanis*, pag. 228, et *Bellermanni*, *Biblische Archaeologie*, Tom. I, pag. 65 seqq. qui tamen male argumentantur e defectu quarundam literarum in nummis et monumentis quibusdam Phoeniciis et Hebraeis, utpote quae recentioris sunt aetatis, neque tanto adhuc numero exstant, ut totum inde alphabetum vetus effici possit.

(b) Conf. quae hanc ad rem recte notavit *Hartmannus*, l. c., pag. 18, 19.

(c) De vetustissimo alphabeto Graeco, literisque, ei a Palamede ac Simonide additis, vid. *Spanheim*, *De praest. et usu numism.*, Tom. I, *Disfert.* II. *Montfaucon*, *Palaeogr. Gr.*, pag. 553 seqq. *Hemsterhusius*, *ad Luciani iudicium vocalium*, *Opp.*, Tom. I, pag. 88 seqq. *Bentleius*, in *disertationibus Phalaridaeis*, pag. 132, 133 editionis *Lennepianae*, et *Harless*, not. ad *Fabricii*, *Bibl. Gr.*, Tom. I, pag. 198 seqq., et maxime pag. 201.

§ 15.

Puncta Hebraeorum vocalia.

De antiquitate et origine punctorum linguae Hebraeae vocalium diu olim multumque disputatum est, cum alii et quidem plerique, ea literis ad aetatem paria, alii recentiore tempore demum inventa statuerint (a). Quamquam nunc quidem nemo invenitur, qui non adtribuat hodiernis punctis vocalibus aetatem saeculo post Christum natum VI haud antiquiorem; multa tamen adhuc remanent in quaestione, utrum Veteres Hebraei vocalium signis prorsus caruerint, propter defectum veterum testimoniorum, incerta. Quae hac de re probabiliter dici posse videntur, huc redeunt.

Antiquissimo tempore, cum vivus esset linguae Hebraeae usus, nulla fuisse videntur signa, vocales indicantia; etenim

1) Et Arabes et Syri vocalium signis per multa olim saecula caruerunt, et carent iis adhucdum hodie alphabeta Samaritanorum ac Sabiorum (*b*).

2) Certissime constat, interpretes antiquos omnes Codicibus usos fuisse vocalium notis non insignitis (*c*).

3) Origenem, qui saeculo tertio floruit, cum textum Hebraicum in Hexaplis literis Graecis describeret, exemplari usum fuisse, vocalium notis carente, inde apparet, quod multis vocabulis subiecerit vocales ab hodiernis diversissimas (*d*).

4) Neque vocalium signa cognita saeculo IV fuisse Hieronymo, utpote qui solarum literarum mentionem facit, vocalium mentione neglecta, etiam tunc, cum facillima earum commemorandarum ipsi daretur occasio (*e*).

5) Accedit etiam hoc, ipsos Iudaeos, quamquam eorum plerique punctorum hodiernorum vocalium originem ad ultimam evehant antiquitatem, re tamen vera multa dare indicia, quae falsi arguant hanc eorum opinionem: nulla enim in Thalmude, Mischna aut Gemara vocalium fit mentio, sed potius exempla insunt, probantia punctorum illorum ignorantiam (*f*). Praeterea varietates, quas collegerunt, lectionis non in vocalibus, sed in folis versantur consonantibus; argutiae in super Cabbalisticae e folis literis derivantur, licet et vocalium mutatio vel transpositio talibus ineptiis egregie infervissset; in synagogis porro Codice utuntur Pentateuchi non punctato, ut sic adumbrent ipsum Mosis *αυτογραφον* in arca repositum (*g*). Denique sunt et inter ipsos Iudaeos aliqui, qui punctorum vocalium originem a Masorethis Tiberiensibus derivent (*h*).

Deinde autem haud improbabile est, in gratiam rudiorum, quibusdam vocibus, in quibus diversa pro-

nunciatio diversum usum efficere posset, puncta quaedam addita fuisse, quae pronunciationem definirent; talium saltem punctorum exempla apud *Hieronymum* et in *Talmude* iam exstant in quibusdam locis, quae, nisi hoc assumatur, vix expediri possent (*i*). Ex his diacriticis probabiliter deinde paullatim orta fuere signa vocalium, quae vero primo tempore non quinque, nedum decem, sed tantum tres fuisse videntur, sonos *a*, *e* et *o* indicantia. Hoc saltem primo verosimile fit e dialecto Arabum, qui tres has tantum habent vocales, a Syris acceptas, qui itaque ipsi plures non habuerunt (*k*): idemque probant mutationes vocalium Hebraearum, nobis iam cognitae, quae omnes cadunt in tres vocales primitivas, *a*, *e* et *o*. Sicut enim scheva cum his tribus vocalibus componitur, ita tres hae vocales constituunt terminationem verborum apud Hebraeos, aequae ac apud Aramaeos et Arabes, denique etiam, ne alia adferamus, formae nominum Segolatae ad tres originales formas פֶּקֶד, פֶּקֶדָה, פֶּקֶדוֹת apud Hebraeos aequae ac apud Arabes reducuntur (*l*).

Hae autem tres vocales principes, vel simplices, tribus procul dubio diversis, sed iam incognitis signis expressae, deinceps varias susceperunt mutationes, prouti continuo magis Grammatici Hebraei linguae subtilius limandae operam dederunt: primo nempe cum *a* etiam in quibusdam vocibus tamquam *e*, porro *e*, aliquando tamquam *i*, tandem *o* nonnumquam ut *ou* vel et *u* pronunciaretur, sub classe *a*, seu *phata* Arabico comprehenderunt vocales Kamets, Patach, Segol, sub classe *e* Tzeri, Chirek, et aliquando Segol, sub classe *o* Cholem, Schurek, Kametschatuph et Kibbutz, atque sic decem formarunt vocales, decem procedente tempore diversis figuris expres-

presfas, uti et apud Arabes obtinet in viva pronuntiatione, apud quos eadem decem pronuntiationis modificationes obtinent, licet tribus tantum signis, *Phata*, *Kesra*, et *Damma* designatae. Neque vero sic contenta Grammaticorum Hebraeorum subtilitas, ut citatiorem protractioremve harum vocalium pronuntiationem etiam oculis subiiceret, notas vocalium longarum et brevium invenit, suisque singulas nominibus insignivit, additis etiam *Schevatum* figuris, litteras, nullam habentes vocalem, indicantibus (*m*).

Apparet ex iis, quae hactenus disputata sunt,

1) Aetate scriptorum Veteris Foederis longe recentiorum esse Vocalium et Schevatum linguae Hebraeae originem,

2) Illud punctorum vocalium artificium sensim a tenuioribus initiis auctum, magisque continuo limatum fuisse, licet quo tempore singula augmenta illa acceperit, definiri non possit; cum hoc unum constet, primam vocalium mentionem fecisse saeculo XI Aäronem Ben Afcher, et Iacobum Ben Naphtali, quod indicio est, saeculo XI iam vocalibus instructam fuisse linguam Hebraeam, easque ea periodo usurpari coepisse, quae a saeculo VI ad XI procedit.

3) Deberi illud, prouti nunc se habet, subtili Grammaticorum Iudaicorum ingenio, talibus minutis lubenter occupato,

4) Systhema illud, prouti a Grammaticis Iudaeorum nobis traditum est, et in Codicibus Mss. editionibusque reperitur, saeculo IV nondum locum habuisse; sed deinceps demum, postquam lingua Hebraea viva esse defierat, paullatim, ut vera mortuae linguae pronuntiatione conservaretur, a doctoribus Iudaeorum Masorethicis et aliis expolitum, atque ad eas, quibus iam adstrictum est, regulas, exactum fuisse,

5) illud ex una quidem parte nobis universe exhibere pronunciationem antiquiorem, quippe in iis, quae dubia essent, iam antea notis quibusdam indicatam traditioneque propagatam (*n*), ex altera autem parte vocales haud raro conformatas esse ad pronunciationem Iudaeorum recentiorum, cum pro forte omnium linguarum, tum et per varia gentis illius, inter peregrinos versatae, multisque calamitatibus afflictae, vicissitudines, saepius a veteri proavorum pronunciatione haud parum sine dubio diversam.

(*a*) Controversiae huius historiam et argumenta utrimque allata exhibet *Bauerus*, *l. c.*, pag. 128 seqq. Add. *Waltani*, *Proleg.*, pag. 125 seqq. edit. *Dathii*, Auctores, citati ab *Eyringio* ad *Heumanni Conspect. Hist. lit.*, Tom. I, pag. 309, *Bellermann*, *Bibl. Archeologie*, Tom. I, pag. 77 seqq. et *I. C. W. Augusti*, *Grundriss einer historisch-kritischen Einleitung in 's Alte Test.*, § 26. *G. Fabricy*, *l. c.*, Tom. II, pag. 307 seqq. imprimis conferri meretur *A. T. Hartmann*, *l. c.*, pag. 100—113.

(*b*) De antiquitate vocalium apud Arabes vid. *A. Schultens*, *Clau. dialect.*, pag. 322 seqq. Conf. porro *Bauer*, *l. c.*, pag. 140, 141.

(*c*) Exempla hoc probantia collegit praeter alios *Baue-
rus*, *l. c.*, pag. 137 seqq. et *Jahn*, *Einl. in 's A. T.*, Tom. I, pag. 332.

(*d*) Editio *Hexaplorum Origenis*, procurata a *Montfauconio*, quam deinceps mutilavit et foedisime corrupit nova sua editione *C. F. Bahrdt*, hoc quavis fere pagina docebit. Exemplum satis perspicuum attulit *Eichhorn*, *Introd. in V. T.*, § 68, Tom. I, pag. 155 editionis tertiae. Plura exempla suppeditat *Jahn*, *l. c.*, pag. 333.

(*e*) Exempla vid. apud *Bauerum*, *l. c.*, pag. 139, *Eichhornium*, *l. c.*, pag. 156. et *Jahnium*, *l. c.*, pag. 333, 334.

(*f*) Conf. exempla apud *Waltonum*, *l. c.*, pag. 135, 136, 137, et ex eo apud *Bauerum*, *l. c.*, pag. 139, et *Jahnium*, *l. c.*, pag. 334, 335.

(*g*)

(g) Conf. huc imprimis *Waltonus*, *l. c.*, *Cap.* III, § 41, *pag.* 131 seqq. quocum conf. *Bauerus*, *l. c.*, *pag.* 141, 142.

(h) Conf. *Waltonus*, *l. c.*, *Cap.* III, § 42, *pag.* 134, 135.

(i) Exempla quaedam attulit *Eichhornius*, *l. c.*, § 68, *pag.* 156, 157, quocum imprimis conf. *Jahn*, *l. c.*, § 96.

(k) Conf. *Bauerus*, *l. c.*, *pag.* 146 seqq. auctoresque ab eo citati.

(l) Breviter hoc probavit *Eichhornius*, *l. c.*, *pag.* 162 seqq. et uberius *Trendelenberg*. in *Repertorio Eichhorniano*, *Vol.* XVIII. *pag.* 78 seqq. sunt quidem, qui ante vocalium hodiernorum inventionem vocalium loco usurpatis putent, non notas quasdam, sed literas םן; quorum sententiam recte refellit *Jahn*, *l. c.*, § 95. Dubium vero est argumentum quod pro tribus vocalibus petitus ex libro Iudaico *Cozri*, cuius auctor vixit saeculo XII; uti docuit *Eichhornius*, *l. c.*, *pag.* 192, not. et *Bauerus*, *l. c.*, *pag.* 148 seqq.

(m) De invento post vivum demum linguae usum *Schevatum* in pronunciando auxilio conf. *A. Schultenfus*, *Institut. ad fund. linguae Hebraeae*, *pag.* 73.

(n) Conf. *G. Fabricy*, *l. c.*, *Tom.* II, *pag.* 312 seqq.

§ 16.

Accentus et puncta diacritica.

Accentuum hodiernorum originem non ad illud ascendere tempus, quo vivus erat linguae Hebraeae usus, apparet inde, quod non tantum nulla eorum tunc erat utilitas, verum etiam nullum eorum neque in Thalmude, neque apud Origenem, neque apud Hieronymum, reperitur indicium.

Quamquam autem eorum ortus et historia in obscuro lateat; tamen, cum olim eximios in re musica progressus iam antiqua aetate, imprimis tempore Da-

vidis, fecerint Hebraei, haud improbabile est, figuras, non quidem omnium, sed quorundam saltem accentuum, origine fuisse notas musicas, primum solis cantionibus appositas, ut vocis instrumentorumque tonum moderarentur, postea vero etiam libris profaïcis, ut regerent cantui adfinem vocis modulationem, qua et caeteri Orientales in libris legendis, et adhuc Iudaei in legendo Codice Sacro et recitandis precibus uti solent. Tandem vero et hi accentus novis aucti sunt signis, quae interstinctionibus indicandis adhibita sunt (a).

Neque antiquior est origo ceterorum punctorum diacriticorum, qualia sunt Dagesch, signa literae װ et ן, Makkaph et similia, quippe quae vivus linguae usus minime desiderabat, et quorum nulla neque in Thalmude, neque apud Origenem, neque apud Hieronymum exstant vestigia (b).

(a) Conf. *Eichhorn*, l. c., § 71. *Bellermann*, l. c., pag. 98 sqq. auctoresque ab iis citati *Bauer*, l. c., pag. 157, *Fahn*, l. c., § 97. et iam ante illos *A. Schultens*, *Inst. ad fund. L. H.*, § 20, 21, 22.

(b) Conf. *Bellermann*, l. c. *Eichhorn*, l. c., § 72 et 125. *Bauer*, l. c., pag. 155 sqq.

§ 17.

Voces in scribendo non distinctae a veteribus Hebraeis.

Prouti antiquitus Graeci ac Latini (a), ita et Hebraei antiquissima aetate absque ulla divisione continua serie literas vocesque scribere soluerant, uti non e veteribus tantum nummis Hebraïcis, et inscriptionibus Palmyrenis, apparet (b), verum et multis probari potest antiquissimorum interpretum translationi-

oni-

onibus, qui saepe vocum divisionem instituerant a Masorethica valde diversam (c). Suffragatur etiam traditio Rabbinica, legem olim fuisse unum פסוק (versum) et unam תיבת (vocem).

Quando vero primum in Mss. voces dividere coeperunt Hebraei, certo dici nequit: hoc unum constat

1) veteres interpretes omnes Codicibus usos esse continua serie scriptos,

2) reperiri adhuc Codices, recentiores, e. c. saeculi XIII in quibus eadem scribendi ratio exstat, e. c. Codex 290, et 293 Kennicotti (d),

3) iam aliqua vocum divisionis vestigia reperiri apud Thalmudistas et Hieronymum, uti § 18 dicitur.

(a) Conf. Montfaucon, *Palaeogr. Gr.*, L. I. C. IV, pag. 32, et Kennicotti, *disfert. gen.*, § 28.

(b) Vid. Bellerman, l. c., pag. 102, not. s. Kennicottus, l. c. Eichhorn, l. c., § 73, 75.

(c) Multa exempla attulit Hasfencampius, in *Erinnerungen gegen Herrn D. Kennicotts Anmerkungen über 1 Sam. VI, 19.* Frankf. und Lepizig 1780, pag. 69 seqq., et iam ante eum Cappellus, *Crit. sacr.*, L. IV, C. XIII, § 2, 3, 4.

(d) Specimina horum Codicum adiecta sunt editioni Brunfsianae *disertationis generalis Kennicotti.*

§ 18.

Origo et usus antiquus litterarum finalium.

Cum scriptione continua, vocum divisionibus carente, prima fronte vix conciliari posse videtur usus quinque litterarum finalium ך, ם, ן, ף, ץ. Quamquam autem et earum origo in obscuro lateat, hoc tamen certo dici potest, illas ex una parte in codicibus Hebraeis, e quibus confecta est versio Graeca

Alexandrina vocabulorum fini designandae nondum fuisse adhibitas, ex altera vero parte iam Thalmudistarum et Hieronymi aetate usitatas fuisse, e quo conficitur, iam tunc, in quibusdam saltem vocibus, aliqua distinctionis indicia apparere, quemadmodum et vestigia illarum literarum conspiciuntur in inscriptionibus Palmyrenis. Omnium maxime probabilis esse videtur opinio, literas illas primum eo fine inventas fuisse, ut numeros quadringentis maiores, qui alphabeti literis exprimebantur, significarent, deinde vero, postquam continua scriptio cessavit, finalium demum usui adaptatas fuisse.

Plura de quaestione, utrum Hebraei numeros per literas designaverint, itidemque de usu literarum finalium numerali infra dicentur. Conf. interim *Eichhorn*, *l. c.*, § 74 et *Bauer*, *l. c.*, pag. 194, 195.

Cum iis, quae de finalibus literis a nobis dicta sunt, congruit sententia cl. *Pareau*, *Inst. int. V. T.*, p. 27, *Obs.* 4.

CAPUT SECUNDUM.

HISTORIA TEXTUS SACRI HEBRAEL.



§ 19.

*Historiae textus sacri Hebraei pertractandae
necessitas ac difficultas.*

Ut rite constet, quid Critico in textu Hebraeo agendum sit, omnino in antecessum constare debet, quae-
nam textus illius conditio sit, id est utrum integer an
corruptus ad manus nostras pervenerit, et si aliquam
contraxerit corruptionem, utrum ea tanta sit, ut, si
res summa spectetur, *integer* tamen dici queat, an
minus. Hac vero de re quid sit, perspectum nobis
esse nequit, nisi e tali textus huius historia, quae
fata eius ab ultima, quantum fieri potest, antiquitate
ad nostrum usque tempus enarret; qualis vero hi-
storia, maxime in quantum ad antiquiora tempora
spectat, propter defectum veterum monumentorum
ac fidem saepe valde subleſtam traditionem Iudaïca-
rum magnis premitur difficultatibus ac non nisi im-
perfectissime tradi potest.

Historia huius periodi.

Ut vero, quantum in summa hac rei difficultate fieri potest, recte historia ista pertractetur, eam in quatuor periodos distribuemus, quarum prima decurret a librorum horum scriptione ad aetatem Iesu Christi, secunda ab aetate Iesu Christi ad tempus Masoretharum, tertia a Masoretharum tempore ad inventam artem typographicam, denique quarta ab inventa arte typographica ad nostram aetatem.

PERIODUS PRIMA,

*a librorum Codicis Hebraei scriptione
ad aetatem Iesu Christi.*

§ 21.

Historia antiquissima Pentateuchi.

Incipimus a Pentateucho, utpote de cuius antiquissima historia plura novimus, quam de reliquis libris Veteris Foederis. Hic, postquam leges populo essent praelectae, ad latus arcae in sanctuarii adyto, tamquam insigne *κεμηλιον* adservabatur. *Deut.* XXXI, 24, 25, 26. Deinde vero ex autographo Moysis plura exemplaria fuisse descripta, et per varias regionis Israëliticae partes dispersa, inde probabiliter colligitur, quod praecepit Moyses, ut secundum leges, Pentateucho comprehensas, populus iudicaretur, ac Pentateuchus quovis septimo anno populo praelegeretur. Ipsum quoque Moysis autographum primum in tabernaculo, deinde fortasse in templo repositum, ac, turbulentis reipublicae Israëliticae temporibus, in eodem templo reconditum, tempore Iosiae, ab Hilkia, Summo Pontifice, denuo repertum videtur. 2 *Reg.* XXII, 8. 2 *Chron.* XXXIV, 14 (a). Dubitari nequit, quin ex hoc exemplaria descripta fuerint, ea-

eaque, quae supererant, si alicubi corrupta essent, ad illius fidem emendata sint. A Iosiae tempore usque ad exilium Babylonicum codices Pentateuchi adfuisse, e citationibus eius apud Ieremiam luculenter apparet: in ipso deinde exilio Pentateuchi meminit Daniel *Cap.* IX, 11. Praeterea et alia recensio Pentateuchi diu ante natum Christum facta est a Samaritanis, quae, ad nostram usque aetatem servata, in quibusdam quidem locis haud parum differt a textu Iudaico, in universum tamen accurate cum illo convenit. Annis porro 285, vel 286 ante natum Christum Pentateuchus, uti deinde videbimus, in linguam Graecam translatus est, et hoc etiam ita, ut, si quaedam vitia excipiantur, manifestum fiat, textum, unde confecta est haec interpretatio, cum nostro textu convenisse.

Tandem, erectis per universam regionem Israëliticam synagogis, in quibus lex Mosāica publice praelegebatur, necesse erat, ut plura exemplaria Pentateuchi describerentur. Quod ansam dedit Antiocho Epiphani, ut legis libros, si qua inveniebantur, disceptos concremari iuberet, omnesque, penes quos librum legis inveniret, aut quos legi favere animadverteret, ad mortem condemnaret, 1 *Maccab.* I, 56—59, sed quae violentia cum per Iudaeorum constantiam, tum et ideo quia tot exemplaria descripta erant, in usus synagogarum, ut nullo modo omnia exemplaria interire possent, hunc habuit effectum, ut Antiochus consilium suum non obtinuerit. Contra longe est probabilius, et cum ipsa historia convenientius, infaustas ipsas Antiochi eiusque successorum vexationes, acrius excitasse Iudaeos, ut eo solertiore legis servandae curam gererent, quo vehementius contra illam saeviretur (b).

(a) Conf. Kennicott, *disfert.* II, pag. 289 seqq. et Eichhorn, *l. c.*, § 411.

(b) Conf. Fabricy, *l. c.*, Vol. I, pag. 68, et Bauer, *l. c.*, pag. 200.

§ 22.

Antiquissima reliquorum librorum Codicis Hebraei historia ante exilium Babylonicum.

Fata reliquorum Codicis Hebraei librorum profus ignota nobis sunt.

Sine dubio autographa, antiquissimo tempore in vulgus edita, sive illa Auctorum manu exarata, sive ab iis fuerint aliis dictata, graviorum mendarum immunia fuerunt, licet vitia calami errantis, vel e quibusdam male auditis orta, etiam in ipsa autographa irrepere potuerint.

Praeterea et autographorum saepe plures erant editiones, ab ipsis auctoribus procuratae (a).

Quamquam dubitari nequeat, quin ab omni aetate Israëlitaе libros hos, qui vel gentis suae historiam, vel sacra carmina, vel praecepta moralia, vel vaticinia de rebus futuris, sermonesque Prophetarum continerent, summa profecuti fuerint veneratione; haud tamen probari potest, illos iam ante captivitatem Babylonicam in unum corpus collectos, atque in templo aservatos fuisse; quod enim de aservatis in templo libris sacris sua aetate dicit Iosephus, *Ant. Iud.* III, 1, 7, iam antiquissima etiam aetate obtinuisse, nullo argumento evinci potest (b).

Contra probabilius est, autographa labente tempore periisse, ac deinde libros sacros saepius descriptos fuisse; quo pacto fieri non potuit, quin variis scribendi vitiis continuo via aperiretur, simili fere mo-

modo, uti et in libri Novi Foederis factum est, antequam in unum corpus colligerentur (c).

(a) Conf. *Eichhorn*, l. c., § 82. *Pareau*, p. 48 sqq.

(b) Conf. de hoc Iosephi loco *Fabrizy*, l. c., pag. 63 seqq. auctoresque, ab eo citati.

(c) Conf. *Eichhorn*, l. c., § 87.

§ 23.

Historiae huius continuatio usque ad aetatem Iesu Christi.

Tempore captivitatis Babylonicae libros hos perditos non fuisse, certum est, cum per venerationem, qua Israëlitae semper eos profecuti sunt, tum et per studium virorum quorundam inter Israëlitae divinae legis amantiorum, in quibus praesertim eminuit Ezras, cui nec Pentateuchum, nec prophetarum vaticinia, nec carmina Davidica ignota fuisse, apparet ex libri eius *Cap. VII, 6, 10 et III, 10*; immo qui, quin summam habuerit librorum sacrorum curam, dubitari non potest ideo, quia omne studium collocavit in docenda populum religione avita. Eum vero una cum viris synagogae, quae dici solet, magnae libros sacros in unum corpus, seu in *canonem* collegisse, fabella est Iudaïca, quae omni veri fundamento destituta est (a). Immo potius prorsus incertum est, quando et a quibus libri sacri in unum corpus colligi coeperint, et quando collectioni tali finis sit impositus, utpote qua de re duo haec tantum constant, tempore Maccabaeorum collectioni huic adhuc quosdam Psalmos additos fuisse (b), partim, uti deinde patebit, tempore Iesu Christi certum iam fuisse librorum sacrorum catalogum; e quibus omnibus hoc effici posse videtur, collectionem istam iam
fa.

factam fuisse ante Christi nativitatem. Neque etiam quidquam dici potest de cura, quam collectores hi ad hoc negotium adhibuerint, et quam in usu Codicum et in eligendis lectionibus, si quando variarent, adhibuerint prudentiam: utpote qua de re duo tantum haec tenenda esse videntur, ex una parte illos quidem admodum sollicitè scripta, quibus nihil iis sanctius haberetur, tractasse, ex altera autem parte, per conditionem hominum illius aetatis, artis criticae haud peritorum, saltem obnoxiorum errandi periculo, vix fieri potuisse, quin illi multa neglexerint, quae boni critici desiderarent, et in eligendis lectionibus variantibus plus semel a vero aberraverint.

Etiam posterioribus temporibus sacrum Codicem diligentissime custoditum, et magna cura eius exemplaria identidem descripta fuisse, dubitare non fuit summa illa erga eum veneratio, quae, teste *Iosepho contra Apionem*, I, 8, omnibus Iudaeis a longo iam tempore congenita esset, et quae esset tanta, ut ei nihil neque addere, neque demere auderent (c). Immo haec ipsa Iudaeorum erga hos libros, argumentumque iis contentum veneratio certe nos persuadet, etiam gravissimas eorum, tempore Maccabaico vexationes uti universum religionis avitae amorem, ita et horum librorum conservandorum et pure describendorum curam magis inflammasse, quam exstinxisse (d).

Neque tamen hoc ita intelligendum est, ac si cura haec omnes mendas a Codicibus Hebraeis averterit; contra quo saepius descripti sunt Codices in usus synagogarum, maxime postquam Iudaei, ut edictum Antiochi Epiphanis, lectionem Pentateuchi in synagogis interdicentis, eluderent, in iis etiam alios libros sacros legere incepissent, eo magis una cum

aucto Codicum Mss. numero aucta fuerunt vitia illa, quae a librariis proficisci solent.

Denique, quaenam textus Hebraei conditio fuerit ultima huius periodi parte imprimis apparet e versione Graeca Alexandrina, quae annis circiter 280 ante Christum natum confici coepta est, quippe unius versionis cum textu Hebraeo collatio luculenter docet, iam tunc Codices Hebraeos fuisse, in quibus varia essent librorum vitia, multaeque lectiones, a lectione hodierna textus Hebraei haud parum differentes, quemadmodum deinde variis exemplis clarius apparebit (e).

(a) De fabula synagogae magnae quaedam dicta iam sunt § 3. Refutarunt eam imprimis *I. E. Rau*, in *Diatrise de Synagoga magna* edita *Traiecti ad Rhenum*, 1726, et brevius *Aurivillius*, *Disertationum*, a cl. *Michaëlis* editarum, pag. 139 seqq. Recentissimum, quantum scimus, defenso-rem ea nacta est *Gabrielem Fabricy*, *l. c.*, *Tom. I*, pag. 87 seqq. not., sed argumentis usum parum certis. Aliquid tamen veri fabulae huic subesse, existimat *Iahn*, *l. c.*, § 105, pag. 379, uti et *Pareau*, *Int. V. T.*, p. 54.

(b) Conf. quae dicta a nobis sunt in prolegomenis ad translationem nostram Belgicam libri Psalmorum, pag. LXVII.

(c) Conf. de hoc testimonio Iosephi *G. Fabricy*, *l. c.*, *Tom. I*, pag. 132, not. (4). Idem testatur *Iosephus*, *Ant. Iud. V*, 1, 17.

(d) Hanc sententiam recte etiam adversus *Kennicottum*, aliter sentientem, defendit *Bauerus*, *l. c.*, pag. 200.

(e) Conf. *Bauerus*, *l. c.*, pag. 201, 202, 203. Varias lectiones quamplurimas textus Hebraei, quae colligi possunt e versione Graeca Alexandrina, ad clasces aliquas reductas, exhibuit *Capellus*, *Crit. S. Lib. IV*, *Cap. I—XV*. De indole et valore huius versionis dicetur inferius. Caeterum de ea universa vid. *Pareau*, *Inst. int. V. T.*, pag. 72 seqq.

PERIODUS SECUNDA,

ab aetate Iesu Christi ad tempus Masoretharum.

§ 24.

Historia textus Hebraei saeculo primo.

Cum Iudaei, per varias regiones, quarum incolae Graeco utebantur sermone, dispersi essent, et Graecam linguam quotidiano etiam usu frequentarent, immo et cum exteris nationibus magis ac magis familiariter consuefierent, eorumque etiam literis colendis librisque legendis operam darent; mirum non est post confectam versionem Graecam Alexandrinam, eius usum adeo frequentem factum fuisse, ut fere negligenter textus Hebraeus; quemadmodum vel inde apparet, quod Novi Foederis scriptores non tantum textum Graecum citarunt, verum et universam dictionem suam ad eius normam ita conformarunt, quemadmodum absque frequenti eius lectione fieri non potuisset. Immo et in synagogis saepissime lectam fuisse versionem Graecam certissimis constat argumentis (a). Hancque auctoritatem versionis Graecae imprimis augebat, fabula, ab ipsis Iudaeis orta, saltem credita, de divina huius versionis origine. Similiter *Philo*, neglecto textu Hebraico, solam versionem

Alexandrinam sequi, et ex ea loca scripturarum sacrarum citare allegoriasque suas elicere solet (*b*), itidemque *Iosephus*, quamquam illum non Hebraicam tantum linguam intellexisse, verum et Hebraicum textum aliquando consuluisse, certum sit, uti deinde videbimus (*c*).

(*a*) Conf. *Eichhorn*, *l. c.*, § 166.

(*b*) Conf. *Eichhorn*, *l. c.*, § 339a.

(*c*) Conf. interim *Eichhorn*, *l. c.* et *Iahn*, *l. c.*, § 90, quocum iungatur *Michaëlis*, *Orient. und Exegetische Bibliothek*, *Tom. V*, pag. 221 seqq. et *Tom. VII*, pag. 189 seqq.

§ 25.

Versiones textus Hebraei, factae saeculo secundo.

Maius vero studium in excolendo textu Hebraeo collocare inceperunt saeculo secundo Iudaei, illique e Christianis, qui Iudaïsmum et Christianismum coniungere studebant, seu Ebionitae.

Inter Iudaeos *Aquila*, secundum traditionem per vetustam e gentili Christianus ac deinde e Christiano Iudaeus, qui imperante Hadriano vixit, textum Hebraicum fere ad verbum Graece convertit, eiusque versionis duas emisit editiones, quarum altera prescius adhaerebat textui Hebraeo, quam prior, licet etiam illa textum Hebraeum serviliter exprimeret (*a*).

Praeterea circa idem fere tempus *Theodotion*, Ebionitarum, qui Christiani erant Iudaizantes, partibus addictus, libros sacros convertit ita ut plerumque versionem Alexandrinam sequeretur, interpret ceteroquin Hebraicae linguae exigua pollens notitia (*b*).

Denique Graece interpretatus est textum Hebraeum eadem fere aetate *Symmachus*, itidem Ebionita, ita ut sensum Codicis Hebraei liberius expresferit,

ac

ac simul elegantiae dictionis Graecae curam habuerit. Duas et ille, aequae ac Aquila, versionis suae publicavit editiones (c).

Praeter Graecas versiones commemoratas haud improbabile est, circa idem fere tempus publicatam fuisse paraphrasin Chaldaicam Pentateuchi, ab Onkeloso, Iudaeo, ut probabile videtur, Babylonio conscriptam (d).

Denique sunt et multi qui Syriacam Veteris Testamenti versionem, ex ipso Hebraeo fonte procul dubio confectam ad hanc circiter aetatem referant; verumtamen cum prima eius mentio fiat apud Ephraemum Syrum, qui anno 378 mortuus est; hoc tantum constat, versionem hanc saeculo quarto antiquiorem esse (e).

(a) Conf. *I. A. Dathe, Opusc., pag. 1* seqq. *Eichhorn, l. c., § 184—190. Iahn, l. c., pag. 174* seqq. et *Bauer, l. c., pag. 273* seqq.

(b) Conf. *Fabry, l. c., pag. 148* seqq. *Eichhorn, l. c., § 117* seqq. *Iahn, l. c., § 41. Bauer, l. c., pag. 278* seqq.

(c) Vid. *Fabry, l. c., pag. 150* seqq. *Eichhorn, l. c., § 191* seqq. *Iahn, l. c., § 42. Bauer, l. c., pag. 276.*

(d) Conf. *Iahn, l. c., § 46. Bauer, l. c., pag. 293* seqq.

(e) Vid. *Fabry, l. c., pag. 355* seqq. auctoresque ab eo citati *pag. 357, not. 3.* quibus add. *Eichhorn, l. c., § 248* et *Iahn, l. c., § 51.* Pluribus de hac versione dicitur § 67.

§ 26.

Origenis de textu Hebraïco merita saeculo tertio.

Magna fuerunt saeculo tertio de textu Hebraïco merita *Origenis*, viri Hebraïcarum literarum, pro

temporis sui ratione, peritissimi (a), qui, inductus Iudaeorum eo tempore asserzione, loca versionis Graecae Alexandrinae, qua in disputando uti solebant, haud pauca vel non existere in textu Hebraeo, vel male translata esse, vel in textu Graeco esse corrupta, ut Christianis constaret, quoniam et vere essent et ab Iudaeis haberentur genuina, confecit celebre opus constans

- 1) textu Hebraico, Hebraicis literis exarato,
- 2) eodem textu, exarato literis Graecis, in gratiam eorum, qui Hebraica legere non poterant,
- 3) versione Aquilae,
- 4) versione Symmachi,
- 5) versione LXX interpretum,
- 6) versione Theodotionis,
- 7 et 8) versionibus duabus Graecis aliis, hodie ignotis, quas quintam et sextam, et

9) in Psalmis versione quadam Graeca, quam septimam vocat. Hos octo contextus totidem columnis, iuxta se posuit, praeterquam quod forte in Psalmis versio septima infra paginam collocata fuit: atque hinc opus hoc appellatum fuit nomine *Hexaplorum*, quia sex complectebatur versiones Graecas, vel et *Octaplorum* quia octo constabat columnis, iuxta se collocatis. Praeterea id quod in versione LXX virali sola reperiebatur, non vero in textu Hebraeo, obelisco, atque id quod apud LXX non reperiebatur, sed ab Origene e Theodotione addebatur, asterisco notabat (b).

Prima itaque hoc opere continebatur a Christiano publicata editio textus Hebraei. E fragmentis autem, quae exstant, operis huius apparet, iam tunc plerumque ceteris lectionibus praelatam fuisse eam, quam et postea Masorethae optimam iudicarunt.

(a) De eruditione Originis Hebraica conf. imprimis *Ernesti, Opusc. philol. crit.*, pag. 295 seqq.

(b)

(b) De Hexaplorum opere conf. e Vett. *Eusebius*, H. E. VI, 16. e recentioribus praeter *Montfauconium* in prolegomenis ad suam Hexaplorum editionem, *Iahn*, l. c., § 38. *Kennicott*, *Disfert.* II, pag. 364 seqq. et alii, citati a *Saxio*, *Onomast. liter.*, Tom. I, pag. 358 et 586.

§ 27.

*Iudaeorum ante Masoretharum aetatem labores,
emendando textui sacro impensi.*

Iudaeos quoque hoc tempore, immo iam diu ante plures Codices Msf. contulisse, variantes lectiones ex iis collegisse, et hic illic loca quaedam e Codicibus Msf. emendasse, non tantum apparet e tractatu Talmudico *Sopherim*, qui saeculo demum sexto conscriptus est, verum etiam e Talmudis Hierosolymitani, cui circa annum Christi CCLXXX finis impositus est, tractatu *Taänith* (a).

Praeterea in Talmude diserte iam quaedam clasfes variantium lectionum commemorantur; nempe

I. עטור סופרים i. e. *ablatio Scribarum*, quo pertinent quinque loca, quibus notatur, ך praefixum, quod in textu legebatur, esse delendum (b).

II. תיקון סופרים i. e. *correctio scribarum* continet emendationem 16, vel, uti alii enumerant, 18 locorum, quae, fortuito corrupta, librarii, e suo sensu integritati restituerunt (c).

III. Quindecim in textu sacro reperiuntur vocabula, quorum literis vel omnibus vel quibusdam punctula sunt superposita, quae, uti haud raro e collatione versionum vett. ac textus Samaritani apparet, notant, voces literasque illas a librariis in quibusdam Codicibus repertas non fuisse (d).

IV. In quibusdam locis textus nostri Masorethici

reperiuntur voces, in margine notatae, quarum solae vocales in textu leguntur, addita in margine hac nota **קרי ולא כתיב** i. e. *legatur, licet non scribatur*, et contra aliis in locis voces quaedam reperiuntur in textu, nullis punctis insignitae, ad quas haec refertur nota marginalis: **כתיב ולא קרי**, *scribitur sed non legatur*. Etiam hae igitur notae varietatem lectionis in Codicibus antiquioribus ac studium textum emendandi produnt (e).

V. Evidentissimum variationis Codicum, Masora antiquiorum, argumentum praebent illae variantes lectiones, quae simpliciter **קרי** et **כתיב** appellantur, quae cum numero sint aliquot centenae, et cum aliquando etiam ipsae varientur, adeo ut quod in uno Codice est *Keri* in altero sit *Cetibh*, et vicissim, clare docent, quanta fuerit iam hac periodo inter Codices Hebraeos lectionis in multis locis varietas, eaque talis, quae ab ipsis Iudaeis agnita sit (f).

VI. Insuper commemorantur a Masorethis, de quibus mox dicetur, ad loca quaedam **סבירים** i. e. *coniecturae* criticae antiquiorum Rabbiorum, quae itaque indicare videntur, antiquiores illos Rabbinos a crisi in sacro textu facienda haud plane abhoruisse (g).

(a) Locus hic exhibetur praeter alios ab *Eichhornio*, l. c., § 115, et *Bauero*, l. c., p. 206. Conf. etiam *Iahn*, l. c., pag. 384.

(b) Vid. imprimis *G. L. Vogelii*, *epimetron ad Capelli Crit. S. Tom. I*, pag. 443, *Eichhorn*, l. c., § 117. et *Fabricey*, l. c., Vol. II, pag. 296.

(c) Vid. iterum *Vogelius*, l. c., pag. 444, ubi argumentum hoc fuse pertractatur.

(d) Etiam de his punctis accurate disserit *Vogelius*, l. c., pag. 455. cui add. *Eichhorn*, l. c., § 118 et *Iahn*, l. c., pag. 385, 386.

(e)

(e) Instar omnium vid. *Capellus, Crit. S. Lib. III, Cap. II et III*, cui iungi potest *Eichhorn, l. c., § 119*, et *Iahn, l. c., pag. 386, 387*.

(f) Vid. prae aliis *Capellus, Crit. S. Lib. III, Cap. I, XIV, XV, XVI*, quocum coniungi meretur *Waltonus, prol. ad Bibl. polygl., Cap. VIII, § 18—26*, et *G. Fabricy, l. c., pag. 298 seqq.* Exemplum differentiae codicum Mss. in *τοῖς Keri et Cetibh* vid. *Mich. I: 10.* ubi lectio **התפלישי** quae in editionibus nostris marginalis est, est textualis.

(g) De his coniecturis criticis Iudaeorum antiquioribus conf. imprimis *Capellus, l. c., Lib. VI, Cap. VIII*. Plura de iis dicentur inferius.

§ 28.

Status textus Hebraïci aetate Hieronymi, saeculo V.

Saeculo V Hieronymus multum studii in crisi aequae ac interpretatione textus sacri Hebraei collocavit: ille enim postquam primum tunc in Ecclesia Occidentali usitatam *Vulgatam* appellari solitam versionem Latinam, ex Hexaplari textu Graeco Origenis emendatam edidisset, circa annum 390 novam instituit translationem, ex ipso sermone Hebraeo, quem probe pro istius temporis ratione callebat, confectam (a). Praeterea etiam commentariis omnes Veteris Foederis libros exposuit. Hanc vero ipsius versionem, et hos commentarios si consulamus, inde haud obscure status contextus Hebraïci eo tempore potest intelligi, scilicet

1) iisdem, quibus hodie libris constabat tunc corpus librorum V. F.

2) Literae Hebraïcae figuram habebant fere eandem, ac illa est, quam nunc habent, uti apparet e. c. inde, quod Hieronymus saepe commemoret similitudinem inter כ et כ, ד et ד, ה et ה etc. sic

et tunc iam usitatas fuisse literas finales, liquet inde, quod mentionem facit similitudinis inter 7 et 7, inter □ et □ etc.

3) Prorsus ignorabantur puncta vocalia hodierna, accentus, et reliqua signa diacritica, licet, uti supra § 15 dictum est, vestigia apud Hieronymum repariantur punctulorum quorundam, quae in vocibus ambiguae lectionis, nostrarum vocalium locum tenere dici posset (*b*).

4) Distinctio in capita et versus eius aetate nondum in Codicibus Hebraëis conspiciebatur; licet maiorum sectionum aliqua distinctio eos non caruisse, immo talem iam adfuisse in versione Graeca Alexandrina, apparet e commentario eius ad *Amos* VI, 9, ubi, *in Hebraëis*, inquit, *alterius hoc capituli exordium est; apud LXX vero finis superioris*. Verba autem, saltem saepe, iam tunc distincta fuisse, apparet e dictis no. 2.

5) Lectio ipsa Codicis Hebraei, quo Hieronymus usus est, in plerisque cum textu Masorethico convenit, quamquam nec deficient diversae a textu Masorethico lectiones, sed eae nec multae, nec magni momenti (*c*).

6) Fuisse nihilominus aliquas etiam tunc in Codd. Hebraëis lectionum varietates, itidem e quibusdam locis Hieronymi liquet, ubi illius varietatis mentionem facit (*d*).

(*a*) De his Hieronymi laboribus plura dicentur § 69. Usus autem est Hieronymus in addiscenda lingua Hebraea auxilio Iudaeorum. Cf. loca hoc probantia, ex Hieronymi scriptis collecta ab *Hartmanno*, *l. c.*, pag. 43, 44, not. 11.

(*b*) Vid. *Bauer*, *l. c.*, pag. 213, et *Eichhorn*, *l. c.*, § 125.

(*c*) Exempla vid. apud *Eichhornium*, *l. c.*, § 127b.

(*d*) Etiam hoc exemplis quibusdam probat *Eichhornius*, *l. c.*, § 127a.

PERIODUS TERTIA,

*a Masoretharum tempore ad inventam
artem typographicam.*

§ 29.

Recensio textus Hebraei Masorethica.

Licet acerbissima essent post destructa Hierosolyma Iudaeorum, per varias imperii Romani oras dispersorum, fata, ea tamen non impediverunt illos, quo minus, maxime in Oriente, eruditioni, praesertim sacrae, diligentem operam darent, variasque aperirent scholas, quibus sacras literas docebant, inter quas clarum imprimis nomen adepta est Schola Tiberienfis in Palaestina, cuius iam saeculo V mentionem aliquam fecit Hieronymus (a). Huius igitur scholae doctores ineunte saeculo VI coniunctis studiis textum sacrum denuo recensendum et accuratissime edendum sibi sumserant, huncque in finem observationes, quae iam sparsim exstabant, criticas, et grammaticas, quae accurate constituendae lectioni et interpretationi facere viderentur, collegerunt unum in librum, quem appellabant **מסורת**, **מסורת** vel **מסורת**, id est, *tradi-*

ditionem quia constabat observationibus, quas ab aliis acceperant (*b*).

Labor autem Masoretharum magnam partem constabat minutiis e. c. indagatione literae mediae cuiusque libri, et universi Codicis sacri, indicatione literarum quarundam ceteris maiorum, vel minorum, inversarum, suspensarum, in quibusdam vocibus etc. (*c*).

Deinde, quod maioris erat momenti, criticas illas, observationes, quas praecedente periodo iam cognitae fuisse, dictum est § 27, collegerunt, et in iis praesertim illas, quae appellantur קרי et כתיב, ad quas retulerunt plerumque ea, quae ad lectionis vel orthographiae diversitatem spectabant, aliquando vero etiam talia, quae exegeticae sunt indolis, e. c. ubi loco vocabulorum, quae obscoena videbantur, alia supponebant honestiora visa, uti 2 Reg. XVIII, 27 (*d*).

Tandem omnibus his addiderunt novam quandam notulam, 25 vel, ex aliorum recensione, 28 locis oppositam, quam appellarunt פסקא, i. e. *frustum* vel *partem abruptam*, a reliquis *descisam*, vel etiam, licet rarius, פליגמה *hiatum*, a themate פלג *divisit*, e quo posteriores Iudaei per incitiam fecerunt פריגמה, indicatam spatio vacuo, addita ad marginem hac nota פסקא באמצע פסוק, i. e. *Piska in medio versu*, qua vero notula quid indicaverint obscurius est, licet probabile sit, illa significatum fuisse, aliquid e Criticorum Iudaïcorum sententia vel deesse, vel et mente supplendum esse (*e*).

Opus autem hoc Doctorum Tiberiensium initio separatis voluminibus sed absque iusto ordine, scriptum erat, deinde vero ex hoc opere, quod prorsus interiit, excerpta sunt confecta, quae, ad marginem notata sunt; et quidem eo modo, ut saepius non singulae notae locis responderent, ad quae proprie

prie pertinuisſent, ſed ut ad unum locum congererentur, quae ad genus quoddam obſervationum, pluribus locis communium, ſpectarent. Haſ vero obſervationes deinde alii Rabbini ad ſaeculum uſque XI continuo novis obſervationibus auxerunt, adeo ut, quid a primis auctoribus profectum, quid deinde additum ab aliis fuerit, dignoſci hodie nequeat, et magna ſit ipſius Maſorae in variis Mſſ. et editionibus diverſitas (f).

Id igitur, quod Maſorethae circa textum Hebraeum praefiterunt, huc imprimis redit, quod novam conſtituerint eius normam, qua illius e ſua opinione veram lectionem definiverunt et quidem tanta, quam ſibi ſumſerunt, et quam iis tribuere ſolent Iudaei, auctoritate, ut ad illius normam omnes deinde Codices fuerint deſcripti, qui itaque omnes ſummatim conveniunt cum lectione recenſionis Maſorethicae, exceptis ſolis calami vitiis, iisque aliquando lectionis varietatibus, quae ex ipſa Codicum Maſorethico- rum hic illic diverſitate proficiſcuntur (g).

(a) Sic nempe ſcribit *Hieronymus*, *praef. ad comment. in libris paralipom.* „Cum a me nuper literis flagitaſſetis, ut „vobis Paralipomenon Latino ſermone transferrem; de Ti- „beriaſe quendam Legis Doctorem, qui apud Hebraeos ad- „mirationi habebatur, aſſumſi, et contuli cum eo a vertice, „ut aiunt, uſque ad extremum unguem, et ſic confirmatus „auſus ſum facere, quod iubebatis.”

(b) Ita *Elias Levita* in praefatione libri *Maſoreth Ham- maſoreth.* „Quod reperitur ſcriptum in margine librorum „(Biblicorum) non eſt niſi compendium ex Maſora: con- „ſtat enim, auctores Maſorae non ſcripſiſſe verba ſua ad „marginem, ſed ſcripſerunt iſta in ſeparatis foliis, „docueruntque ea publice, donec diffunderentur exemplaria „iſta huc illuc.” Conf. etiam *Eichhorn*, *l. c.*, § 141.

(c) Facile hac de re perſuadebitur, qui inſpicit exempla quae collegit *Eichhorn*, *l. c.*, § 143—146.

(d)

(d) Vid. *Eichhorn*, *l. c.*, § 148.

(e) Vid. *Schiede*, *Biga Obs. sacr.*, pag. 155, *Vogelius*, *epimetr. ad Capelli*, *Crit. S.*, *Lib. III*, *Cap. XVIII*, pag. 458 sqq. et *Eichhorn*, *l. c.*, § 153.

(f) „Verum est,” inquit *Elias Levita* in praefatione tertia ad *Masforeth Hammasforeth.*, „auctores Masorae fuisse centenos et millenos (numero plurimos) una generatione post „aliam, annis compluribus; neque cognitum nobis est tempus principii vel finis eorum.” Conf. etiam *Bauer*, *l. c.*, pag. 217, 218, et *Eichhorn*, *l. c.*, § 154.

(g) De Masora exstat praesertim opus *Io. Buxtorfii*, cui titulus est *Tiberias*. Caeterum optime de ea egerunt *G. Fabricy*, *l. c.*, *Tom. II*, pag. 288 seqq. et *Eichhorn*, *l. c.*, § 140–158, cui iungi meretur *Waltonus*, *Prol. ad Bibl. polygl.*, *Cap. VIII*, § 1–26.

Distingui solet Masora vel potius Masorae pars iam superstes in *textualem* ac *finalem*, ac *finalis* denuo in *magnam* et *parvam*, de qua distinctione cf. imprimis *Waltonus*, *l. c.*, § 11, pag. 280, 281 edit. *Dathit.* De editionibus Masorae, eiusque summa corruptione et confusione conf. *Eichhorn*, *l. c.*, § 156 b.

§ 30.

Variantes lectiones Codicum Orientalium et Occidentalium.

Cum hac periodo, praesertim a saeculo VI ad XI scholas haberent Iudaei celeberrimas, maxime in Babylonia ac Palaestina, in earum usum utraque in regione textus sacer saepius describebatur; unde sponte orta est distinctio Codicum Orientalium, in Babylonia, et Occidentalium, in Palaestina scriptorum. Horum vero Codicum aliqui, cum aliquando, incertum a quo, inter se conferrentur, enatus est index ille variantium lectionum 216, vel 218, inter Codices Orientales et Occidentales, quem primus suae
Bi-

Bibliorum Hebraeorum editioni adiecit *R. Iacobus Ben Chaim* et qui deinceps in multis aliis editionibus repetitus est. Earum vero nulla reperitur in Pentateucho, cuius rei quae sit ratio, nos saltem latet. Praeterea versantur in foliis consonantibus, exceptis duobus tantum locis, nempe *Ier.* VI, 6, ubi Occidentales legunt עֲצָה Orientales vero עֲצָה et *Amos.* III, 6, ubi Occidentales habent עֲשָׂה, Orientales autem עֲשָׂה, unde haud improbabiler efficitur, cum quemadmodum iam observavit *Elias Levita*, varietates has iam antea collectas fuisse quam punctatio inventa fuit, saeculo circiter octavo, tum et varietates punctorum, duobus locis modo citatis, deinceps demum additas fuisse.

Caeterum varietates illae exigui plerumque sunt momenti cum, paucissimis locis exceptis, circa minutias versentur, quae nullum ipsi sensui adferunt discrimen; cui accedit etiam hoc, eum, qui indicem istum confecit vel in eo colligendo negligentissime versatum fuisse, vel usum fuisse Codice ab hodiernis nostris editionibus saepe diversissimo, utpote a quibus in annotanda Occidentalium lectione passim discedit.

Conf. imprimis *Capellus*, *l. c.*, *Lib.* III, *Cap.* XVII, qui egregie de hoc argumento exposuit, *Waltonus*, *l. c.*, *Cap.* VIII, § 27. *Kennicott.*, *Disfert. general.*, § 41. *Bauer*, *Crit. S.*, § 31. *Iahn*, *l. c.*, § 109. et *Eichhorn*, *l. c.*, § 131.

*Paraphrases quaedam Chaldaicae versio Arabica
R. Saadiæ Gaon. Punctorum systema magis
exornatum. Recensiones Ben Afcher et Ben
Naphtali.*

De studio, quod Iudaei hac periodo, in textu sacro collocarunt, testantur porro paraphrases Chaldaicae haud paucae, hoc temporis intervallo confectae, itidemque versio Arabica Codicis sacri, e textu Hebraeo facta a *R. Saadia Gaon*, Aegyptio, anno 942 mortuo, de quibus vero deinceps opportunior dicendi erit occasio.

Praeterea et per hoc temporis intervallum, maxime a saeculo VIII ad X systema punctuationis hodiernae magis magisque exornatum, et ad certas regulas exactum est, vocesque itidem omnes a se invicem in Codd. Mss. distinguere coeperunt.

Saeculo tandem XI ineunte duo Rabbinii Ben Afcher, et Ben Naphtali, quorum prior in schola Tiberiadis, alter in Babylonia floruit, de novo textum Hebraeum recensuerunt. Varietas autem inter Codices Ben Afcher et Ben Naphtali, uno loco *Cant. VIII, 6*, excepto, ad sola puncta pertinet ac nullius fere est momenti; id vero varietates hae docent eo tempore iam perfectum fuisse systema punctuationis Hebraicae hodiernae, quippe ad quod illae accommodatae sunt: immo haud improbabilis est coniectura, hos Rabbinos auctoritate sua ita constituisse hoc systema, ut ab eo deinceps non receserint Iudaei, indeque ortum esse, nullum esse Codicem MS., de quo certo probari possit, illius aetatem saeculo XI antiquiorem esse, neglectis quippe, immo repudiatis a Iudaeis omnibus Codicibus, ante constitutum punctuationis systema conscriptis. Oc-

Occidentales denique Iudaei communiter sequuntur lectionem Ben Ascher, duobus tantum locis exceptis, nempe *Gen.* XXXII, 18 et XLI, 15 ubi exprimunt lectionem Ben Naphtali, quam in omnibus sequi solent Orientales.

Conf. *Capellus*, *l. c.*, *Lib.* III, *Cap.* XVIII. *Walton*, *Proleg.* VIII, § 29. *Bauer*, *l. c.*, § 32. *Iahn*, *l. c.*, § 110, cuius etiam est coniectura in § commemorata, coll. *Eichhornio*, *l. c.*, § 133.

§ 32.

Continuata textus Hebraei historia a saeculo XI usque ad inventam artem typographicam.

Cum usque ad initium saeculi XI literarum, praesertim sacrarum, in Oriente studia apud solos fere floruisent Iudaeos Palaestinos ac Babylonios; illa ab eo inde tempore etiam ad Europam translata sunt, occasionem dante vexatione, quae miserae genti in Oriente a Saracenis subeunda erat; ea quippe urgente, sedibus suis pulsi, magno numero in Europam, maxime in Hispaniam, profecti, illuc eruditionem suam, ac praesertim sacri Codicis studium, transtulerunt, unde et ingens ab eo tempore floruit, primum in Hispania, deinde et in Italia ac Germania eruditorum in hac gente, maxime saeculo XI et XII, numerus, in quibus, qui de sacris literis bene meriti sunt, prae aliis memorandi sunt, *Aben Ezra*, *Maimonides*, *Salomo Iarchi*, *Iosephus* et *David Kimchi* aliique.

Hi quidem, licet in universum sequantur recensio-
nem Masorethicam, saepe tamen ita citant vel inter-
pretantur Codicem sacrum, ut diversas ab ea lectio-
nes vel commemorent, vel et sequantur (a). Prae-
terea utebantur etiam hac aetate Codicibus quibus-

E

dam,

dam, quos caeteris correctiores existimabant, ad quorum normam librarii Codices suos describerent, quales commemorantur Codex Hillelis, Codex Israëliticus, qui etiam Ben Ascher, Palaestinus et Hierosolymitanus vocari solet, Codex Babylonicus, sive Ben Naphtali, Codex Aegyptiacus, Codex Hierichuntinus, Codex Sinaïticus, Codex Sanbuki, et Codex Taggin (תאגין), qui vel universum textum sacrum, vel solum Pentateuchum complexi, omnes iam periere (b).

Hac autem ratione, cum omnes Codices ad quorundam Codicum normam describerentur, emendabantur quidem multa vitia, sed multa etiam Codicum illorum, quae scribendi normae inferviebant vitia, in alios Codices transferebantur.

Accedebat et alia variantium lectionum hac periodo origo, repetenda e magis exculpto Grammatices Hebraicae studio, utpote quod effecit, ut varia loca, quae a regulis Grammaticis recedere videbantur, ad earum normam aliquando corrigerentur (c).

Ceterum, cum iam diu magna veneratione Masoram prosequerentur Indaei; dubitari nequit, quin et hi Codices, qui describendis aliis normam exhibebant, in universum Masorae conformes fuerint, at vero cum Masora ipsa multa lectionis varietate laboraret, nec etiam omnes aequè superstitiose eam venerarentur, haud raro quoque lectiones Codicum hac periodo conscriptorum a Masorethica lectione dissentiant.

Comprobatur hoc labore critico, quem in emendando textu Hebraeo ineunte saeculo XIII collocavit R. Meier Hallevi Toletanus, in libro quem appellavit ספר מסורת סיג לתורה, i. e. *liber Masorae sepi legis*, quo diserte queritur, Codices Mss. suae aetatis saepissime lectiones continere, Masorae contrarias (d).

Tan-

Tandem ad hanc periodum referenda etiam est divisio textus librorum Veteris Foederis in capita, quae tribuitur a plerisque *Hugoni, Cardinali*, qui obiit anno 1260, ab aliis *Stephano Langthono*, Archiepiscopo Cantuariensi, qui circa annum Christi 1200 vixit. Illam vero saepe valde negligenter factam esse, neminem latet.

(a) Conf. *Eichhorn, l. c.*, § 136 b. Add. *Praefatio R. Iacobi Ben Chaïm* praemisfa editioni Bibliorum Bombergianae Latine exhibita apud *Kennicottum, Disf. II, pag. 222* sqq. et libellus, lectu dignissimus *Claudii Cappellani*, cui titulus: *mare Rabbinicum infidum*, editus Parisiis 1667, deinde a *Thoma Crenio* insertus *opusculis*, a se collectis, quae ad historiam et philologiam sacram spectant, *Fasc. X, pag. 263—428*, e quo Cappellani libello quaedam, huc facientia excerptit *Kennicottus, l. c.*, pag. 247 seqq.

(b) Conf. de his *Codd. Waltoni Prolegom.*, Cap. IV, § 8—11. *Kennicott.*, *Disf. gen.*, § 55, 56. *Eichhorn, l. c.*, § 136^a.

(c) Vid. *Eichhorn, l. c.*, § 135 et *Iahn, l. c.*, pag. 397.

(d) Conf. praefatio *Buxtorfii* praemisfa *Concordantiis eius Hebraicis*, *Fabricii partitiones Codd. Hebr.*, Cap. VII, pag. 263. *Eichhorn, l. c.*, § 80 a et *Storr in cl. Pauli, Repertorio lit. Orient.*, Tom. II, pag. 225 seqq.

PERIODUS QUARTA,

*ab inventa arte typographica ad nostram
aetatem.*

§ 33.

Editiones Codicis Hebraei, typis impressae.

Post inventam artem typographicam primum partes tantum quaedam Codicis Hebraei typis impressae sunt: quarum prima fuit Psalterium cum commentario Kimchii, anno 1477 sine addito impressionis loco. Dein anno 1482 editus est Pentateuchus Bononiae, postea anno 1486 Prophetae priores ac posteriores Bononiae, denique anno 1487 Hagiographa Neapoli, et aliae quaedam Codicis Hebraei partes (a).

Antiquissima autem editio integri Codicis Hebraei prodiit Soncini, anno 1488 (b).

Post hanc ex antiquissimis editionibus imprimis memorabilis est editio Brixienfis, quae etiam a nomine typographi appellatur Gersomiana anno 1494, qua Lutherus in vertendo Codice sacro usus est, et quae multas continet lectiones a nostris editionibus diversas, quas et Lutherus in suam versionem intulit, quae hac de causa saepe a vulgari nostro textu Masorethico haud parum dissentit.

Ad huius autem editionis normam etiam aliae quaedam

dam deinde expressae sunt, in quibus eminet textus Hebraïcus Bibliorum polyglottorum Complutensium, editorum, anno 1502—1517 sex vol. in fol. (c).

Insuper prae aliis antiquissimis editionibus commemoratione digna est illa, quam procuravit, operatus *Iacobi Ben Chaim*, anno 1526 *Daniel Bombergius*, quae, uti iam dictum est § 3, tantam nacta mox fuit auctoritatem, ut ad eius normam omnes quae deinde secutae sunt, editiones conformatae fuerint (d). Alias editiones, utpote dein commemorandas, hoc loco mittimus: Id solummodo observandum est, editiones antiquissimas editas fuisse secundum Codices Mss. et eorum formam etiam referre, hincque, quamquam in universum Masorae conformes, saepe tamen ab editionibus, deinde publicatis, haud parum differentes exhibere lectiones; quamquam et vitia, quae in Codicibus inveniebantur, quibus uterentur, haud raro in suas editiones transtulerunt.

Quaenam vero deinceps ad nostrum usque tempus textus Hebraïci, typis impressi, criticesque artis ope correcti, fuerint fata, ulterius hic persequi opus non est, cum id iam occupatum fuerit § 3, No. III—X (e).

(a) Conf. *Eichhorn*, l. c., § 392, Tom. II, pag. 182—191 edit. III.

(b) Conf. de hac editione *Rosenmüller*, *Handbuch für die Literatur der Biblische Kritik und Exegese*, Tom. I, pag. 189 sqq., et *Eichhorn*, l. c., pag. 91, auctoresque ab iis citati. Variantes lectiones ex hac editione collegit *B. v. D. Schulze*, *Biblioth. Hagan.*, Clasf. I, Fasc. II, pag. 205 sqq.

(c) De editione Bibliorum polyglottorum Complutensium conf. *Eichhorn*, l. c., § 393 a. citatique ab eo auctores.

(d) Vid. de hac editione editionibusque ad eam conformatis *Rosenmüller*, l. c., pag. 195 sqq. et *Eichhorn*, l. c., § 394, 395, 396.

(e) Scriptores de editionibus librorum V. F. enumerant *Bauerus, l. c., § 34* et *Eichhorn, l. c. § 390, not.*

§ 34.

Appendicis loco quaedam adduntur de Pentateucho Samaritano.

Cum etiam ad aetatem nostram delatum sit venerandum antiquitatis monumentum, nempe Pentateuchus Samaritanus, i. e. Pentateuchus Hebraïcus, literis Samaritanis exaratus, qui quantivis in critica sacra Veteris Foederis est pretii; quaedam et de eius historia dicenda sunt.

Origo huius Pentateuchi ad remotissimam adscendit antiquitatem. Scilicet, uti probabile est, post scissi regni Israëlitici ac Iudaici tempora, in utroque regno peculiaria fuisse Pentateuchi Mosaïci exempla dubitari nequit; cum ceteroquin nec cultus publicus normam haberet, ad quam dirigeretur, nec iudicia haberent leges quarum auctoritate niterentur.

Hoc assumpto, deinde ex uno alterove exemplari Pentateuchi illius Israëlitici, descriptus videtur Pentateuchus ille Hebraeus, Samaritanis literis confignatus, in gratiam novae illius coloniae, e Cuthaeis aliisque populis ex Asfyriae regionibus in terram Israëliticam, tempore eo quo in Asfyriam exsulatum mittebantur Israëlitae, traductae, quae cum uti ex historia notum est ad religionem Mosaïcam a sacerdote ex Asfyria illuc misso, institueretur, dubitari nequit, quin in illius usus describeretur universae religionis fons, Pentateuchus; dialecto quidem Hebraïca, utpote quae tunc temporis ab Asfyriaca tam parum differebat, ut facile a colonis Asfyriis intelligi pos-

posset, at literarum characteribus diversis, quippe iam tunc forte quodammodo a characteribus literarum Hebraïcarum differentibus.

Quamquam enim disertâ hic destituamur veterum testimoniorum auctoritate; nullum tamen cogitari potest aliud tempus, ad quod origo huius Pentateuchi probabiliter referatur (*a*). Saltem antiquissimum esse hunc Pentateuchum, vel inde apparet, quod non tantum crebra sit mentio Pentateuchi Samaritani apud Patres Ecclesiae antiquiores, verum etiam quod multae in hodiernis eius exemplaribus reperiuntur lectionis varietates, quae ipsae iam apud *Origenem*, *Hieronymum* aliosque commemorantur (*b*).

Cum vero per annos plus quam millenos nulla fere neque Iudaeis, quippe adversus Samaritanos omniaque a Samaritanis profecta implacabili odio animatis, neque Christianis, Orientalis quippe literaturae ignaris, esset notitia Pentateuchi Samaritani, aliqua tantum eius facta fuit mentio apud Patres quosdam Ecclesiasticos, *Origenem* nempe, *Eusebium*, *Cyrillum Alexandrinum*, aliosque, qui et aliquando varietates quasdam lectionis ex eo annotarunt.

Ipse autem textus Samaritanus cum a nemine Eruditorum, qui deinceps vixerunt visus esset; primus quidem *Ios. Scaliger* desiderium Europaeis instillavit eum ex Oriente arcescendi (*c*); cuius admonitione commotus *Nic. Claud. Fabricius Peirescius*, illius exemplar in Aegypto coëmi curavit, sed quod, cum navis, qua vehebatur, a piratis diriperetur, in Europam perlatum non fuit. Postea a *Io. Morino* de novo sollicitatus Peirescius Pentateuchum hunc ex Oriente obtinuit: ipse certe *Morinus* se tres ab eo Codices illius accepisse dicit (*d*).

Alium insuper Codicem ab ipsis Samaritanis Damasci redemptum in Europam secum adtulit illustris et eru-

ditus Periegeta *Petrus della Valle*, e quo *Morinus* typis describi Pentateuchum hunc curavit, insertum Bibliis polyglottis Parisiensibus. Ab eo autem tempore et plures huius Pentateuchi Codices in Galliam, Angliam ac Belgium allati sunt, quos accurate recensuit *I. C. Wolfius*, *Bibl. Hebr.*, P. II, pag. 425 sqq. Tandem et *Iac. Usferius* sex Codices ex Oriente accepit, quorum quinque in Anglia aservatos, *Kennicottus* vel totos, vel ex parte, contulit. Collatio autem horum Codicum docuit in iis totidem verbis reperiri citationes, quas Patres Ecclesiastici iam ex iis fecerant, in quo invictum est *ἀνθεντίας* huius Pentateuchi argumentum (e).

(a) Egrege hoc probavit *Eichhornius*, *l. c.*, § 383, 384.

(b) Exemplis quibusdam hoc comprobavit *Eichhorn*, *l. c.*, § 385. *Tom. II*, pag. 162, 163, edit. III.

(c) *De emendat. temp.*, *Lib. VII*, pag. 620—627. Imprimis pag. 627 haec leguntur: „Qui in Palaestina peregrinantur, possent et alia et Pentateuchum ab illis adipisci: „nam sane Christianae pietatis homines paullo hac in re negligentiores hactenus fuerunt, ex cuius rei cognitione uberrimi fructus in sacram historiam redundarent. Spero, „non defuturos, qui voto nostro fatis faciant.”

(d) *Conf. eius opuscula Hebraeo-Samaritana*, pag. 95.

(e) Plura de Pentateucho Samaritano *conf. apud Eichhornium*, *l. c.*, § 378 seqq. et *Bauerum*, *l. c.*, § 92, 93, 94 auctoresque ab iis citatos, quibuscum iungatur *Fabricey*, *l. c.*, *Tom. I*, pag. 75 seqq. et *Kennicott*, *Disf. II*, pag. 108—113.

CAPUT TERTIUM.

VARIANTIUM IN TEXTU SACRO HEBRAEO
LECTIONUM ORIGINES,
AC VARIAE CLASSES.



§ 35.

*Quidnam de integritate ac corruptione textus
sacri Hebraei sentiendum sit, in anteces-
sum inquiritur.*

Ex iis, quae capite praecedente dicta sunt, apparet ex una parte, textum Hebraeum, universe consideratum, *integrum* ad nos pervenisse, ex altera autem parte, haud immunem esse ab omnibus mendis ac vitiis, ope critices corrigendis; quae duo si probata fuerint, quale de statu textus Hebraei hodierni ferendum sit iudicium, haud erit obscurum.

I. - Primum itaque, quod defendimus, hoc est, textum Hebraeum integrum ad nostras manus pervenisse, *universe consideratum*, id est, exceptis quibusdam vitiis, sed talibus, quae non obstant, quo minus argumentum horum librorum universe intelligi ac teneri a nobis possit: quod enim primo loco atti-

net ad Pentateuchum, eius adeo sollicitam semper curam habuerunt Iudaei, quae omnem graviores corruptionem semper longissime abarceret: eius enim exemplar cum ad latus arcae antiquitus aservaretur, ac deinde, postquam diu latuisset, iterum repperit esset tempore Hilkiae; semper magna, immo fere superstitiosa cura habitum est hoc legum corpus: idemque Codex Samaritanus et versiones antiquae probare possunt, coll. § 21.

Porro ceterorum librorum V. F. integritas, univarse considerata, probatur itidem antiquioribus versionibus, quae, diverso tempore confectae, et e diversis Codicibus descriptae, haud raro quidem alias lectiones secutae sunt, in re tamen summa omnes cum textu Hebraeo consentiunt, dum variantium, quae in versionibus exstant, lectionum plurimae, vel manifesta sint scripturae vitia, vel ex aperta interpretum inscitia, incuria, et audacia repetendae sunt. Deinde iam ante Christi tempus Iudaei libros hos, in unum corpus collectos, summa coluerant veneratione, qua et cavebant, ne quid in iis vitaretur, coll. § 22, 23.

Post Christum natum eandem integritatem comprobant, cum citationes horum librorum in N. T. factae, tum et versiones quaedam et critici labores Origenis, coll. § 24, 25, 26. Insuper haud magnam invenisse variantium lectionum copiam illos Iudaeos, qui ante Masoretharum aetatem floruerunt, luculenter inde apparet, quod ceteroquin plures earum enotassent, quam illas paucas, easque plerumque exigui momenti, de quibus dictum est § 27. Hieronymum quoque saeculo V textu Hebraeo usum fuisse, qui in plerisque cum hodierno textu Hebraeo consentit, apparet e dictis § 28.

Denique recensio Masorethica, quam nostrae sequun-

quantur editiones, paucas tantum exhibet, si universam Codicis Hebraei molem reputemus, lectionis varietates, quae alicuius sunt momenti, quemadmodum et varietas Codicum Orientalium et Occidentalium, Codicumque Ben Ascher et Ben Naphtali adeo exigua est ut vix in censum venire possit; ne dicam et paraphrases Chaldaicas nec non versionem Arabicam Saädiae Gaon plerumque convenire cum textu Masorethico, uti apparet e dictis § 29—33 (a).

II. Uti autem e dictis luculentissime apparet, meram esse calumniam, ex inscitia profectam *Houbigantii*, pronunciare non dubitantis *tanta incuria editum esse sacrum Hebraicum volumen, quantum haud sciat, an ullus Codex editus fuerit typographiae luce cohonestatus*, similiumque eiusdem furfuris Criticorum (b); ita et ex altera parte, integritas illa non sic intelligenda est, ac si contextus Hebraeus V. F. ab omni labe purus ad nostram aetatem pervenisset: *generatim* quippe nulla ratio est, quae nos credere iubeat, alia ac reliquorum librorum fuisse fata librorum sacrorum Veteris Foederis, utpote ab auctoribus conscriptorum, qui aliquando ipsi calami errorem committere potuerint, saltem saepius descriptorum a librariis, qui vel incuria peccaverint et inscitia, vel et in summa quam adhibuerint, cura ab omni errandi periculo immunes non essent, nisi quis dicere vellet manus descriptorum ductu Spiritus Sancti gubernatos fuisse, quod et in se absurdum esset, et sola ingenti mendarum in Codicibus Mss. librorum V. F. copia erroris revinceretur.

Speciatim dein

1) Ante Masoretharum tempus mendarum immunes non fuisse Codices Hebraeos, apparet e collatione cum textus Samaritani Pentateuchi, tum et veterum versionum, ex Hebraeo fonte confectarum, itidemque

que ex ipsis illis conaminibus textum sacrum emendandi, quae instituerunt Iudaei, qui ante Masorethas vixerunt, quae enumerata sunt § 27.

2) Ipse Masoretharum labor, quamquam multis in locis genuinum contextum restituerit, haud tamen ab omnibus eum vitiis immunem praestitit: quippe ipsi erant homines, qui in delectu variarum lectionum errare potuerint: immo quos saepissime falsam elegisse lectionem, multis dein nobis constabit argumentis, cui accedit etiam hoc, ignorari iam a nobis quot et quibus usi fuerunt Codicibus, quemnam eorum fecerint delectum, et ad quarum regularum normam crisin suam exercuerint.

3) Denique nec post Masoretharum aetatem prorsus mendis vacuus haberi poterit contextus Veteris Foederis: librarii enim, qui post eos, immo ad eorum normam, Codicem Sacrum descripserunt, et ipsi erroris periculo expositi erant, et saepe, uti collatio Codicum Mss. evidentissime docuit in describendo a vero aberrarunt.

Praeterea licet plerumque Masorethicam lectionem sequuntur, haud raro tamen aliam praeferunt, a Masorethica diversam, et cum aliqua veteri versione convenientem, claro indicio librarios et correctores Codicum aliquando Masoram deferuisse. Accedit etiam hoc, non eandem ubivis Masorae auctoritatem a Iudaeis tributam fuisse, cum et Thalmudistae, et alii celebres Rabbinii dissensum suum ab ea haud raro differtis verbis declarare non vereantur, immo et eam contemnere aliquando non dubitent. Denique ipsa illa Masora, prouti hodie exstat, saepe adeo corrupta est, adeo manca vel perplexa, adeo sibi ipsi contraria, adeo in diversis Codicibus Mss. diversa, totque additamentis interpolata, ut Augiae referat stabulum, quod vix Hercules quidam Criticus depurget (c).

(a) Egregie integritatem Codicis Hebraei, hoc sensu acceptam, probavit Sacerdos, dein Cardinalis *G. Fabricy*, in libro saepius laudato, *Des titres primitifs de la revelation*.

(b) Iam antea nimiam de corruptione textus Hebraei opinionem foverant *Morinus*, *Is. Vossius*, *Rich. Simonius*, et, reliquis ceteroquin longe modestior *Capellus*. Nemo autem impudentius et saepe etiam indoctius hic grasfatus est quam *Houbigantius*, quem eximie confutavit *S. Ravius*, in *Exercitationibus ad Houbigantii prolegomena*. Lugd. Bat. 1785.

(c) Vid. *Bauer*, l. c., pag. 160 seqq.

§ 36.

Variantium lectionum notio accuratius definitur.

Cum itaque variantes lectiones in Codice Hebraeo vere reperiri, e § praecedente liqueat; iam quid earum nomine a nobis intelligatur breviter ostendendum erit.

Latiore quidem sensu hoc nomine appellari possunt quaecunque in diversis Codicibus occurrunt, scriptionis varietates; etiam illae, quae vel manifesta sunt calami errantis vitia, vel ad solam orthographiam pertinent; at verò cum talia scriptionis vitia vel tales scribendi differentiae nihil in ipso sensu mutant, *variantes lectiones* eas solummodo appellamus scriptionis differentias, quae simul sensus adferunt diversitatem, ac de iis folis hic agemus licet etiam vitia manifesta scriptionis probe observanda sint, quia ex iis haud raro discere possumus, quomodo et maioris momenti varietates ortae sint, pluresque variantes lectiones maioris momenti origine non sint nisi calami vitia, sed per plures Codices diffusa ac perpetuata.

Diversae variantium lectionum clases.

Accurata variantium lectionum consideratio quemvis docebit, eas omnes vel e meris scriptionis erroribus, vel e falsis describentium iudiciis oriri, quibus addunt aliqui malevolum textus Hebraei de industria mutandi consilium. Tres itaque praecipuae sunt variantium lectionum clases,

- 1) meri scriptionis errores,
- 2) falsa iudicia,
- 3) e quorundam opinione malevolum textus corrumpendi studium. Videamus de singulis his clasibus.

I. *Prima classis variantium lectionum, meris constans scriptionis erroribus, eiusque 4 species.*

I. Ad primam variantium lectionum classem quod attinet, quae meris constat scriptionis erroribus, hos committebant *librarii* vel descriptores librorum, cum vel ea, quae ab aliis in calamus iis dictabantur, male audirent, vel ea, quae in aliis Codicibus, e quibus suos Codices describebant, reperiebantur perverse legerent. Atque sic quadruplici modo errare potuerunt, nempe *omittendo*, *addendo*, *transponendo*, et *permutando*, literas, puncta, integrasque voces.

Eas variantium lectionum species iam constituit *Capellus*, l. c.; *Lib. I, Cap. II, § 3* seqq, quem secutus quoque est. *Iahn*, l. c., § 127 seqq. Eamque partitionem eo lubentius sequimur, quo facilius ingentem variantium lectionum, ad hanc classem pertinentium, copiam ea complecti possumus.

§ 39.

A. *Prima species errorum scriptiois, quae commissa est* omittendo.

A. Haud raro fieri solet, ut

⌘ vel vetustate literae vocesque quaedam, vel et librariorum incuria aut incitia omisae fuerint. Sic litera omittitur *Iof.* VIII, 16, ubi lectio marginalis habet בעי, pro quo in textu est בעיר. Similiter 2 *Sam.* XXIII, 20 pro חיל quod est in margine et in loco parellelo, 1 *Chron.* XI, 22, in textu legitur חי.

Aequae facile integrae voces similem ob causam aliquando omisae sunt, quod saepius factum est cum alibi, tum imprimis in catalogis longioribus nominum propriorum, in quibus omisio talis est facilissima.

ב Immo et aliquando integrae sententiae ac periodi omisae sunt, sic e *Pf.* CXLV Alphabetico integer versus, qui a litera ן incipere deberet iam ab antiquissimo inde tempore omisus est. Similiterque in *Pf.* XXXVII symmetria membrorum valde probabile facit, ante versum 8, 21, 30, 35 integra quaedam membra omisa esse. Praesertim huc pertinent frequenter occurrentes omisiones, quae dicuntur, ob ὁμοιοτέλετον, quae tunc locum habent, quando, cum eadem vox, vel plures voces eadem post breve spatium interiectum redeunt, librarii oculus, postquam illas voces semel scripsisset, mox ad sequentia transvolat, omisus intermediis. Sic in Codice Regiomontano I, collato a cl. Lilienthal, *Ief.* XI: 4 cum in textu occurrant verba לעניי ארץ והכה ארץ לעניי ארץ, repetitio illa vocabuli ארץ, intercedente tantum

uno vocabulo והכה, effecit, ut omisſa ſint verba והכה ארץ. Similiter, cum *Iof.* XXI vs. 35 et vs. 37 terminarentur iisdem vocabulis ערים ארבע, hinc factum eſt, ut in multis Codicibus omnia intermedia quae vs. 36 et 37 habentur, omiſſa fuerint (a).

ג Observandum porro eſt idem aliquando vitium commiſſum eſſe, ſi voces, non quidem eadem, ſed parum inter ſe differentes repetuntur. Haec e. c. ratio eſſe videtur, cur *Pſ.* XXXVII integer verſus omiſſus fuerit, qui a litera ע incipere deberet: ibi nempe vs. 28 poſt verba לעולם נשמרו, olim ſecuta fuiſſe videntur verba עוילים נשמרו *improbi exciſcendentur*, uti apparet e verſione Alexandrina, habente hic ἄνομοι δὲ ἐκδιωχθήσονται et *Symmachi*, habente οἱ δὲ ἄνομοι ἐξαρθήσονται, quae verba vero cum valde ſimilia eſſent verbis ἀμεσῶς praecedentibus, לעולם נשמרו, a librariis neglecta fuerunt. Similiter *Mich.* VI, 16 in verſione Alex. verſus ille incipit ab his verbis καὶ ἀφανισθήσεται τὰ νόμιμα τῶ λαῶ μου, e lectione Codicis Hebraei וישתמר, וישתמר

הקוֹת עמי quae vero deinceps e Codicibus Hebraeis exciſiſſe videtur, propter ſequens membrum literis priori admodum affine: וישתמר הקוֹת עמי et *leges Omri obſervantur*.

ד Saepiſſime ex incogitantia quadam omittebant vocabula quaedam vel particulas, quae, ſalvo ſenſu abeſſe vel adeſſe poſſent, uti ו, את, כל, etc.

ה Aliquando et litera quaedam vel plures literae abſorbentur per vocabula ſequentia aut praecedentia, ſi illa iisdem vel ſaltem ſimilibus literis conſtant, uti *Ruth.* III: 17 אל תבאוי pro אלי תבאוי *ad me non pervenietis*. *Iud.* XX: 13 בני בנימין pro בנימין. Haec et alia exempla vid. apud Cl. Venemam ad *Malach.* pag. 335 ſeqq.

(a) Plura exempla videri possunt apud *Capellum*, l. c., *Tom. I*, pag. 117, 118, edit. *Vogel.* et *Eichhornium*, l. c., § 105. Magnam exemplorum segetem ex uno Codice Cassellano adduxit *Michaëlis*, *Bibl. Orient.*, *Tom. II*, pag. 234, 235. E Novo Foedere exempla varia protulit idem V. D. *Introduct.* § 44. E Graecis vid. quae adduxit *Valckenarius*, ad *Eurip. Phoeniss.* 360—363, itidemque *Perizonius* ad *Ael.* V. H. IV, 20, pag. 375, edit. Gronov.

§ 40.

B. *Secunda species errorum scriptionis, commissa* addendo.

B. Non vero tantum ea omittendo, quae adesce debuissent, verum et addendo quae debuissent abesse, haud raro peccarunt librarii, saepius quippe literam, vocem aut syllabam addunt syllabae, vel et unam pluresve syllabas aut voces bis scribunt.

Imprimis

¶ in omittendis addendisque matribus lectionis magnam sibi sumserunt libertatem, non quidem talem, quae ex mera oriretur negligentia, vel ex arbitrio nulla lege gubernato, sed pro diversa orthographiae ratione, secundum quam alii literas has in iisdem vocibus semper mittebant, alii vero addebant. Vel etiam additio aut omisio constanter locum habet, si per eam pronuntiatio vel et generis numerive discrepantia indicari potest. Sic e. c. in Codice Helmstaedensi, cuius descriptio, facta a *Georg. Io. Lud. Vogelio*, subiuncta est *disertationi secundae Kennicottianae super ratione textus Hebr. V. T.*, Num. XV, 4, 6, 7 voces ברבעית et שלשית scribuntur ברביעית et שלשית. Pari ratione *Gen. X*, 20, tria vocabula, in textu Masorethico scripta למשפחתם, ללשנתם,

et בארצתם in textu Samaritano, ad numerum pluralem indicandum, scribuntur ללשנותם, למשפחותם, et בארצותם (a). Cum vero existant etiam Codd. in omittendis vel addendis matribus lectionis negligentiores, consequitur, ex harum literarum omissione vel additione, quae in iis aliquando reperiatur, nulum peti posse argumentum pro hac illave lectione, utrum nempe e. c. אתי legendum sit אתי, an אתי an אתי etc. Contra vero, si Codices in matrum lectionis omissione vel additione sibi constant, ea lectioni cuidam tali in casu auctoritatem quandam addere potest (b).

ב Saepissime quoque per librariorum errorem vel literae vel syllabae quaedam repetitae sunt vocis praecedentis. Hinc e. c. ortum est vitiosum illud רני Ps. XXXII, 7, quod nempe librarius per incuriam repetiit e voce praecedente תצרני. Similiter Ies. XXXV, 1 eadem de causa vitiose scriptum est יששום מרבר pro וציה (c). Saepius autem vitium hoc descriptionis ortum duxit e custodibus, qui dici solent, linearum: librarii enim Iudaei, καλλιγραφείας amore incitati, ultimam lineae vocem, si abrumpenda esset, non solebant ita dividere, ut primam eius partem in priore, secundam in altera linea ponerent, sed unam pluresve vocis literas prouti magnitudo spatii lineae residui capiebat, ad finem lineae ponebant, totumque illud vocabulum in linea sequente repetebant, quae ratione facile a scribis imperitioribus literae illae, quae custodis vicem explebant, repeti potuerunt (d).

ג Factum quoque est aliquando ut plura vocabula per errorem repeterent, quae vocabula repetita cum deinde delere negligerent, illa haud raro in alios Codices transierunt. Sic, cum Ps. XVIII, 13 haberentur verba ברך וג' הלי אש, ista male repetita sunt ren-

vs. 14, quemadmodum et ea ibi non habent locus parallelus 2 *Sam.* XXII, 14, nec LXX, nec Arabs, nec 3 Codd. Kennicottiani ac Rosfiani.

Simili fere modo 2 *Sam.* XXI, 19 post vocabulum יעיר, pro quo legendum est יעור vel יעיר, vocabulum ארגים e linea sequente ad praecedentem traductum, et sic male bis positum est, coll. 1 *Chron.* XX, 5, ubi vera habetur lectio.

ד Ex incogitantia quadam, et, leviter inspecto textu, memoriae suae nimium confidentes, aliquando textum sacrum auxerunt literis, particulis vocibusque, quae in exemplaribus suis non reperiabant, et quae ad sensum abesse aequae ac adesse poterant, sic *Ies.* XXIX, 11 pro ספר, uti in margine legitur, in textu reponitur הספר. *Mich.* III, 2 pro רע, quod habet lectio marginalis, Masorethae posuerunt רעה. Similiter saepius ואת, כל etc. addiderunt librarii (e).

(a) Conf. quae notavit *Vogelius* ad *Capelli*, *Lib. cit.*, *Tom.* I, pag. 52 seqq.

(b) Vid. *Vogelius* ad *Capellum*, *l. c.*, *Bauer*, *l. c.*, pag. 176, *Iahn*, *l. c.*, pag. 467 fin.

(c) Exempla ex auctoribus Graecis similia dederunt *Wesfelingius* et *Valckenarius* ad *Herodotum*, pag. 267, lin. 53 edit. *Wesfeling*.

E Latinis auctoribus vid. simile exemplum apud *Ernestium* ad *Cic. de Leg.* II, 8.

(d) Conf. *Capellus*, *l. c.*, *L.* IV, *Cap.* IX et X. *Eichhornius*, *l. c.*, § 104. *Bauer*, *l. c.*, pag. 176, num. 9.

(e) Conf. *Iahn*, *l. c.*, pag. 468. Eadem de causa tales voces ac particulas aliquando omisas esse, dictum est § 39 ד.

C. *Tertia errorum scriptionis species, commissa transponendo.*

C. Saepius quoque peccarunt librarii transponendis sive literis, sive vocibus, sive pericopis.

✕ Haud raro literae transpositae fuerunt. Sic *Num.* XXVI, 33 pro תחזן LXX legerunt תנה, vertentes *Tavax*. Pro רשף 1 *Chron.* VII, 25, iidem, vertentes Σαραφ, legerunt שרה, et sic alibi saepius in nominibus propriis, itidemque haud raro etiam in aliis vocibus. Sic *Deut.* XXXI, 1 pro וילך legerunt ויכל, vertentes, καὶ συνετέλεσε Μωϋσῆς λαλᾶν etc. Pro כתרו *cinxerunt* *Iud.* XX, 43, legerunt כרתו *exciderunt*, vertentes κατεκόπτον. Itidem *Iob.* XLI, 14 pro ראבה *moeror*, legerunt אבהה *perniciēs*, ἀπωλεία. Sic etiam *Eccl.* IX: 4 pro יבחר *eligitur* lectio marginalis habet יחבר *associatur*, quacum etiam LXX et paraphrasis Chaldaïca conveniunt. Immo et plures una aliquando literae transponuntur. Sic *Hof.* XIII, 15. ubi in Hebr. est ipse depredabitur אוצר *thesaurum* LXX, uti indicat eorum versio; αὐτὸς καταξηρευνεῖ τὴν γῆν αὐτῶ, pro אוצר, transpositis צ et ו, legerunt ארצו. Similiter 1 *Chron.* XVII, 16; qui ego sum? Domine Deus! et quae domus mea, כי הביאתני עד הלם, quod adduxeris me huc usque? LXX, cum vertant, ὅτι ἡγάπασάς με ἀπ' αἰῶνος, pro הביאתני vel הבאתני legerunt, literis transpositis, אהבתני et pro הלום, transposita litera ו et mutata insuper ה in ע, עולם (a).

ב Neque defunt exempla integrarum vocum transpositarum. Sic *Nahum*, II, 1. non amplius transibit per te בליעל *homo nequam*; ubi LXX, vertentes

διότι ὃ μὴ προσθήσωσιν ἔτι τῷ διελθεῖν διὰ τοῦ εἰς
παλαίωσιν legerunt על-בלי. *Hof. VII, 16 conversi
sunt לא על, non ad excessum*, ubi LXX, cum vo-
cibus transpositis legerint על לא, vertunt ἐπιγραφή-
σαν εἰς ἑδὲν, vel uti est in edit. Complut. εἰς τὸ
κένον. *Amos V, 16 (al. 9) vocabant rusticum ad planc-
tum ואל מספד יודעי נחי et planctum ad peritos
lamentationis*, ubi LXX legerunt ואל מספד יודעי
נחי et ad planctum peritos lamentationis, verten-
tes quippe; καὶ εἰς κοπετόν οἱ εἰδοτες θρήνον. Sic
et 2 *Sam. VIII, 17* verba וצדוק בן אחיטוב ואחיהמלך
וצדוק ואביתר, ita sunt transponenda, בן אחיהמלך
וצדוק בן אחיטוב, uti etiam legit *Iosephus*,
Ant. Iud. VII, 5, 4, quod ideo postulatur quia, uti
ex 1 *Sam. XXIII, 9* et 23 constat, Achimelechus fi-
lius et Abiatharus nepos erat Achitubi (b).

γ Tandem etiam integrae aliquando transpositae re-
periuntur pericopae, sive minores, hemistichia nem-
pe aut versus, sive maiores, integra scilicet capita,
integraeque librorum quorundam partes. Sic

α quod ad minores attinet pericopas; transpo-
sitionis in iis factae evidens praebet exemplum col-
latio *Pf. XCVI, 9, 10, 11* cum loco parallelo 1
Chron. XVI, 30, 31, 32: priore enim loco ordo
membrorum sic se habet:

Contremiscat a vultu eius omnis terra:

Dicite inter gentes: Iehova regnat;

Quin firmatus est orbis terrarum,

Adeo ut non commoveatur.

Iudicabit populos iuste.

Gaudeant coeli et exsultet terra;

Intonet mare et plenitudo eius.

Hic autem ordo, omisso etiam membro: *iudicabit populos iuste*, sic invertitur in altero loco:

Contremiscat a vultu eius omnis terra:

Quin firmatus est orbis terrarum,

Adeo ut non commoveatur.

Gaudeant coeli, et exsultet terra,

Et dicite inter gentes: Iehova regnat;

Intonet mare et plenitudo eius.

Similis membrorum transpositio est *Pf. XVIII, 45 coll. 2 Sam. XXII, 45.* et sic etiam in aliis locis (*c*).

β Praeterea exstant etiam exempla, maiorum pericoparum, integrorum nempe capitum, integrarumque librorum quorundam partium transpositarum, quae in Codicibus Mss. haud raro inveniunt, qui eos consulunt viri eruditi (*d*).

(*a*) Conf. *Capellus, l. c., Lib. I, Cap. V, § 11, 12, Cap. IX, § 10. Lib. III, Cap. VII, et Lib. IV, Cap. VII.*

(*b*) Vid. *Capellus, l. c., Lib. IV, Cap. XIII, § 1.*

(*c*) Plura exempla dedit *Capellus, l. c., Lib. I, Cap. XII, § 9, et Kennicottus, Disfert. gen., § 22.* Imprimis frequentia talium transpositionum exempla exhibet collatio versionis Graecae Alexandrinae cum textu Hebraeo, uti brevi conspectu ostendit *Capellus, l. c., Lib. IV, Cap. XIV, § 6.*

(*d*) Evidentissima sunt exempla, quae congescit *Kennicottus, Disfert. gen., § 23*, quibuscum omnino conferantur, quae notavit ibi *Brunsius*. De integris Prophetarum pericopis hoc negavit *Dathe* singulari disertatione, quae reperitur in *Bibl. Hag. et recensetur ab Ernestio Th. Bibl. X, p. 958.* Praesertim ordo valde turbatus fuit iam ab antiquo tempore in vaticiniis *Ieremiae*, uti docuit accurate *Eichhorn, l. c., Tom. III, § 539*, unde et in versione Alexandrina longe diversus a textu Hebraeo est vaticiniorum *Ieremiae* ordo, quam diversitatem in tabella exhibet *Capellus, l. c., Lib. IV. Cap. XIV, § 7, 8.* Probe autem observandum est nimium saepe temere Criticos audaciores aliqua ad hanc transpositionum classem retulisse, quae alio modo recte expediri potuissent.

§ 42.

D. *Quarta errorum scriptiois species, quae commissa est permutando literas, puncta, integrasque voces, de qua specie primum generatim agitur.*

D. Omnium frequentissima est quarta, quam § 38 indicavimus, errorum species, illa nempe, quae *permutando* committitur, utpote cui et visus auditusve error, et attentionis memoriaeque quaedam negligentia aliquando etiam accuratissimis, saepissime et verominus attentis librariis occasionem dare potuit, uti apparebit, si distinctim permutationes quae

- 1) in literis,
- 2) in punctis,
- 3) in integris vocibus factae sunt, paullo accuratius consideremus, ita ut praecipue attendamus ad fontes, unde illae permutationes ortae fuerunt.

§ 43.

⌘ *Conspectus permutationis litterarum, et quidem α) e figurae similitudine.*

⌘ Permutatio litterarum in Codicibus Mss. e duplici maxime causa oritur nempe

- 1) e figurae litterarum quarundam similitudine,
- 2) e soni quarundam litterarum affinitate.

α Similitudo figurae litterarum facile oculos in errorem inducit, quo literae, quadam figurae similitudine parum differentes inter se, in describendo, permutentur, unde e. c. saepius inter se mutari possunt, mutataeque sunt literae Latinorum C et G, E et F, Graecorum O et Θ, I et II, Hebraeorum ו et ב, ד et ג, י et י etc.

Quo autem rectius iudicare possumus, quae literae Hebraicae in Codd Msf. inter se aliquando permutatae fuerint, multum iuvat, ut antiquissima alphabeta Hebraica, a viris quibusdam doctis in lucem prolata, et in nummorum quorundam inscriptionibus conservata (§ 13) probe cognita habere conemur, itidem, ut conferamus varietates, quae ex hoc fonte in veteres versiones, e textu Hebraico factas, maxime in versionem Graecam Alexandrinam, derivatae sunt, denique, ut inquiramus, qualis sit figura literarum, in diversae aetatis Codicibus Msf. et in antiquissimis e Codd. Msf. confectis editionibus, utpote in quibus et literarum figurae ad figuras tunc in Codicibus obvias, accommodatae sunt. Sic enim, uti et § 13 iam a nobis observatum est, videbimus, ex una quidem parte, multas literas, iam ab antiquissimo aevo eandem, quam et nunc habent, habuisse figurae similitudinem, e. c. כ et כ, ד et ד, ו et ו, etc. alias vero, quarum figurae iam valde sunt dissimiles, olim magnam habuisse figurae similitudinem, adeoque in iis Codicibus, e quibus antiquissimae versiones confectae sunt, saepissime permutatas fuisse, e. c. א et ה, א et ד, ג et ז, ד et ו, ל et ע, etc.

Praeterea et hoc observandum est, literas aliquas, licet figura sibi sint dissimiles, aliquando tamen casu quodam sibi similes factas, et sic in Msf. inter se permutatas fuisse; quemadmodum e. c. per partem literae deletam saepius inter se permutatae sunt literae כ et ד, ד et ה, ג et ו, כ et ל, מ et כ, פ et כ, ק et כ.

Haud patitur instituti nostri ratio, ut omnes has literarum permutationes enumeremus, nedum ut illas multis exemplis stabiliamus, utpote quae longe melius usu exercitationeque, quam e doctoris institutione, discuntur. Hac de causa brevem catalogum

exhibebimus praecipuarum mutationum, quas literae Hebraeae aliquando in Codd. Mss. subierunt, propter similitudinem figurae, quam vel olim habuerunt, vel etiamnum habent; quo autem catalogo etiam illas complectemur literas, quibus iam a longo inde tempore usi sunt Hebraei ad numeros significandos, coll. § 18.

א.

- ג. *Ies.* XLIX, 21. אלמנה LXX גלמורה, *χήρα*.
 ד. *Ies.* V, 17. כאבירים LXX כדברים, *ὡς ταύροι*.
 ה. *Pf.* XXXV, 20. לא לי LXX לא שולם ידברו, *ἐμοὶ εἰρήνηκα ἐλάλουν*. Conf. *Capell.*, L. IV, C. V, § 4.
 ו. *Prov.* XXV, 13. כצנת שלג LXX כצאה שלג, *ὡςπὲρ ἐξόδος χιόνος*.
 ז. *Ies.* I, 13. צום LXX און, *νηξίαν*.
 ח. 1 *Sam.* XVII, 52. גיא LXX, omisa simul litera י, גת, Γεθ, coll. *Ios. Ant.* VI, 9, 5. Cf. *Kennicott*, *Remarques critiques sur 1 Sam.* VI, 19, pag. 34, et *Disf. nostra Acad.* in *Syll. disf. Leid.*, Tom. II, pag. 1164, 1165.

ב.

- ד. *Ios.* X', 47. in textu הגבול in margine הגרול. Conf. *Eichhorn*, Tom. II, § 96, pag. 224.
 ה. *Ies.* XXVII, 16, qui credit לא לי LXX לא יהיש, *οὐ μὴ κατασχυνθή*. *Pf.* LII, 2, et alibi אהימלך. 1 *Chron.* XVIII, 17.
 ו. 1 *Reg.* XXII, 20. ככה sic in l. p. 2 *Chron.* XVIII, 19. ככה *Pf.* XXXVII, 20. בעשן כלו LXX בעשן, *ὥσει κάπνος ἐξέλιπον*. Cf. *Capell.*, L. I, C. VII, § 1, et L. IV, C. V, § 2.

- ל. *Pf.* II, 3. עבותימו *funes eorum*, LXX, Vulg. Syr. et omnes reliqui interpretes veteres עלותימו, *iugum eorum*. *Prov.* III, 8. לשרך, LXX, בשרך vel לבשרך, τῷ σώματι σβ.
- מ. 2 *Reg.* XX, 12 rex Babylonius בראדך idem est, qui *Ies.* XXXIX, 1 vocatur מראדך. 1 *Sam.* IV, 3 בקרבנו *in medio nostro*, LXX מקרבנו, ἐκ μέσου ἡμῶν. 1 *Sam.* VI, 20. לעבר *stare* LXX לעבר, διελθεῖν, mutato simul ד in ר. Conf. *Capell.*, L. I, C. VI, § 6. Observandum vero est in quibusdam Msf. figuram literae מ parum a כ distare, uti apparet e specimine Codicis Casfellani, exhibito in titulo *Part. I, Bibl. Orient. cl. Michaëlis*. Conf. idem *Bibl. Orient.*, Tom. I, pag. 251, et *Kennicott*, *Disfert.* I, pag. 84 et *Disfert.* II, pag. 206.
- נ. *Deut.* XXII, 30 פן תנקש *ne illaquearis*, LXX פן תבקש *μὴ ἐκζητήσης*. Conf. *Capell.*, L. IV, Cap. V, § 27.
- ע. *Iob.* XXI, 24. עמיניו vulgo, *mulctralia eius*, LXX, e coniectura *H. A. Schultensii*, habentes τα ἔγκυατα αὐτοῦ, legerunt בטיניו *ventres*, seu *viscera eorum*. *Iud.* VII, 3, uti recte observarunt *Clericus* et *Houbigantius*, pro הגלעד, *Gilead*, legendum est הגלבע, *Gilboa*.
- פ. Qui 2 *Sam.* X, 16 et 18 vocatur שבך, idem 1 *Chron.* XIX, 15, 17 vocatur שפך. Observat etiam *Michaëlis*, *Bibl. Orient.*, Tom. I, pag. 253 in Msf. Casfellano simillimas esse figuras literarum כ et פ, apparetque idem e tabula Tomo isti praefixa, lin. ultima. Observandum autem est, fieri quoque aliquando potuisse, ut literae כ et פ ob soni affinitatem inter se permutatae sint, uti dictum § 45.

7. *Ezech.* III, 15 in textu **ואשר**, in margine **ואשב**.
 1 *Reg.* XXII, 32, **ויסרו עליו** *declinarunt ad eum*
 in l. p. 2 *Chron.* XVIII, 31, **ויסבו עליו** *et circumdederunt eum*.

ג.

א. Vid. א.

1. 2 *Sam.* XXIII, 36 **יגאל**, 1 *Chron.* XI, 38, **יואל**.
Conf. Eichhorn, l. c., pag. 224.

1. *Ezech.* XXV, 7 in textu **לבג**, in margine **לבו** uti
 et LXX *εἰς διαπραγήν*. 2 *Sam.* XXIV, 13 pro
שבע שנים, five **ז שנים**, LXX legisse videntur
ג שנים i. e. **שלוש שנים** vertentes *τρία ἔτη*,
 uti etiam habetur l. p. 1 *Chron.* XXI, 12.

2. Hanc literam olim simillimam fuisse literae **ג**, docet
Ravius, Exercit. adv. Houbigantium, pag. 31,
 et apparet etiam e specimine Codicis Casfellani,
 quod praefixit *Michaëlis, Tomo I, Bibl. Orient.*;
 maxime si conferantur quae adduxit ex *Pf.* XVIII,
 29 (**יגיה**) et *Exod.* XIV, 25 (**מצרים**). Permuta-
 tiones autem harum literarum nondum offendimus.

ד.

ב. Vid. ב.

1. *Hof.* XII, 2 **ושר**, LXX, **ושו** pro **ישוא** καὶ μα-
ταία. Conf. etiam Eichhorn, l. c., pag. 225.

1. *Hof.* VI, 8. civitas **עקבה מדם** *salebrofa sanguine*,
 LXX **עברה מים**, *ταράσσεια ὕδαρ. Amos*
 IX, 12. **למען ירשו** *ut possideant*, LXX **למען**
ידרשו, *ὥς ἐξητήσασι.*

ה.

- ב. ² Reg. XVI, 11 מוסך השבת, LXX מוסר השבת, θεμέλιον τῆς καθέδρας. Cf. etiam Arnoldi, zur Kritik, und Exegetik des A. T., pag. 159, 160.
- ל. Ps. LXXV, 10 אגיד *annunciato*, LXX אגיל ἀγγαλιασόμεαι. Vid. Capell., l. c., L. IV, C. V, § 28.
- ע. Iud. X, 12, מעון, LXX מדין Μαδιαμ. 1 Sam. XIV, 9, הגיענו *perveniet ad nos*, LXX הגידנו, ἀπαγγειλῶμεν.
- ר. Gen. XXII, 13, איל אחר *aries retro*, LXX אחר κριὸς ἔις. Num. XVI, 15, *non accepi* חמור אחד *asinum unum*, LXX חמור אחד *desiderabile cuiusdam*, ἐπιθύμημα ὁδενὸς. Vid. Capell., l. c., L. IV, C. IV, § 3 et 4.

ה.

- ה. Cant. I, 17 in textu רחיטנו, in margine רחיטנו. Eccles. VII, 14 חיה בטוב, LXX חיה בטוב ζῆθ' ἐν ἀγαθῷ. Conf. Capellus, l. c., L. IV, C. IV, § 5.
- ב. Ierem. XXI, 12, מעלליהם *opera eorum*, in textu, מעלליכם *opera vestra*, in margine. Obadj. col. 5. איך נרמיתה, *quomodo excisus es?* LXX, איה נרמיתה, πᾶ ἄν ἀπερρίφης; *ubinam proiectus es?* Conf. Capell., L. IV, C. V, § 29.
- מ vel ם, maxime in fine vocum. Ies. XXX, 32 in textu כה, in margine בם. 2 Reg. XI, 3 אתה, in l. p. 2 Chron. XXII, 12, אתם; etiam in initio, uti Mich VII, 12 הוה pro מהר, uti apparet e praecedenti מים. Conf. Capell., l. c., L. I, C. VIII, § 2, et L. IV, C. V, § 30.

- ק. *Psf.* XCI, 14 **בִּי חֶשֶׁק**, *me amat*, LXX, mutato simul ש in ס, **בִּי חֶסֶה**, ἐπ' ἐμὲ ἡλπισε. Conf. *Capell.*, l. c., L. IV, C. V, § 31.
- ר. 1 *Chron.* I, 33 **עֵיפָה**, nomen proprium, LXX **עֵיפָר**, Γεφάρ. 1 *Reg.* VII, 43, **עֶשֶׂר** *decem*, in l. p. 2 *Chron.* IV, 14 **עֵשָׂה**, *fecit*.
- ת. 1 *Reg.* VII, 50 **פִּתּוֹת**, *cardines portae*, in l. p. 2 *Chron.* IV, 22 **פֶּתַח**, *ianua*. Conf. *Capell.*, l. c., L. I, C. VII, § 3, et L. IV, C. IV, § 6.

ו.

- ג. Vid. ג.
- ד. Vid. ד.
- ז. *Num.* XXI, 14 **וְהָב**, LXX **זוּהַב**, Zoöβ. *Zach.* XI, 14, *ad dissipandam* **אֶת הָאָחוּהָ** *fraternitatem*, LXX **הָאָחוּהָ** *possessionem*, τὴν κατὰσχουσιν. Conf. *Eichhorn*, l. c., pag. 226, et *Capellus*, l. c., L. IV, C. V, § 10, qui tamen male adfert וְזוּ *Psf.* L; 11 et *Ies.* LXVI, 11.
- ח. Sic, qui *Gen.* XXXVI, 23 dicitur **עֵלּוֹן** is 1 *Chron.* I, 40 appellatur **עֵלִין** et ita sexenties. Conf. *Capell.*, L. I, C. VII, § 4, 5, et L. IV, C. V, § 9.
- ט. imprimis in fine. *Ruth.* IV, 14 **שִׁמְךָ** LXX **שִׁמוֹ**, τὸ ὄνομα σβ. Conf. *Capell.*, L. IV, C. V, § 32.
- י. 1 *Sam.* XXII, 7, **לְכָלכֶּם**, LXX **וּלְכָלכֶּם**, καὶ πάντας ὑμᾶς. *Cap.* XV, 22, **לְהַקְשִׁיב**, LXX **וְהַקְשִׁיב**, καὶ ἡ ἐπακρόασις. 1 *Reg.* X, 1. **לְשֵׁם**, LXX **וְשֵׁם**, καὶ τὸ ὄνομα.
- יא. *Psf.* XXXVIII, 7, **נַעֲוִיתִי** *contortus, incurvatus sum*, LXX, **נַעֲנִיתִי**, ἐταλαιπώρησα.

Et

Et in fine *Pf.* CXLIV, 13 מִן אֶלֶיךָ LXX, מִזֶּו אֶלֶיךָ, ἐκ τῆς εἰς τῆς. Conf. *Capell.*, l. c., L. IV, C. V, § 13, 14.

- ר. 1 *Sam.* XIV, 47 יִרְשִׁיעַ *improbe agebat* LXX, יִרְשִׁיעַ יִשְׁוֹזֶטוּ. *Ies.* XXVIII, 13. צוֹ לְצוֹ *praeceptum ad praeceptum*, LXX צַר לְצַר, θλίψις ἐπὶ θλίψιν. Vid. *Capell.*, l. c., L. IV, C. V, § 33.

ז.

ג. Vid. ג.

ד. Vid. ד.

- ה. *Pf.* LXII, 11, *opulentia, cum* יָנוּב *abundet*, LXX יָנוּב *affluat*, πλετος ἐὰν ῥέη. Conf. *Capell.*, l. c., L. IV, C. V, § 11, 12.

ו.

ז. Vid. ז.

ח. Vid. ח.

- ט. *Eccles.* XII, 6, in textu יִרְחֹק in margine יִרְחֹק *Pf.* XVIII, 35 נַחְתָּה, LXX נַחְתָּה, καὶ ἐθῶ. *Obadj.* vs. 16, *bibent* תַּמִּיד *iugiter*, LXX חֹמֶר οἶνον. Conf. *Capell.*, l. c., L. IV, C. V, § 7.

י.

- יא. Ex mente *Capelli*, l. c., L. IV, C. V, § 21, fed cum, quae adduxit exempla, parum probant, de hac mutatione nondum satis persuasum nobis est.
- יב. Qui, 2 *Sam.* XXIII, 26 vocatur הַפְּלִטִי, is 1 *Chron.* XI, 27 dicitur הַפְּלוֹנִי.
- יג. 1 *Sam.* XIV, 32 in textu וַיַּעַשׂ, in margine וַיַּעַשׂ.

י.

- א. Vid. א.
 ד. Vid. ד.
 ו. Vid. ו.
 ל. 1 *Sam.* XV, 4 עשרת אלפים 10000, LXX 30000
 τριακόντα χιλιάδας; pro litera nempe, numerum
 denarium notante, י, legerunt literam ל, notan-
 tem 30.
 נ. Qui *Gen.* XLVI, 10 vocatur ימואל, is appellatur
Num. XXVI, 11 נמואל, et qui *Nehem.* XII, 4
 dicitur גבתוי is vs. 16 vocatur גבתון.
 ח. 1 *Chron.* IV, 31 בחצר סוסים, LXX סוסים
 ἡμισουσῶσιν.
 ש. Urbs, *Iof.* XXI, 16 appellata עין, 1 *Chron.* VI,
 44 vocatur עשן. Qui 1 *Chron.* VI, 9 appellatur
 יואל, idem vs. 21 dicitur יואל.

כ.

- ב. Vid. ב.
 ד. Vid. ד.
 ו. Vid. ו.
 מ. 1 *Sam.* IV, 18 pro 40 (מ) LXX habent 20, (כ).
 2 *Chron.* XXII, 6 male מב 42 scriptum est pro
 כב 22, uti est in *l. p.* 2 *Reg.* VIII, 26, et in
 versione Syriaca. 1 *Sam.* XXIV, 20 pro וכי versio
 Vulg. legit ומי et quis. Observandum est in
 Codd. Mss. figuras literarum כ et מ longe esse
 similiores, quam in hodierno Alphabeto, uti ap-
 ret e tabula, *Tomo I Bibl. Orient.* cl. *Michaëlis*,
 praefixa.
 נ. *Mich.* II, 4, איך quomodo LXX אין, 32. Sic
 forte etiam *Exod.* XVII, 16 pro כס יה, quod
 nul-

nullam tolerabilem sustinet explicationem , legendum est נס' יה vel נס יה Conf. *Capell.*, l. c., L. IV, C. V, § 28.

- ע. *Pf.* CIV, 12. עכאים, LXX, כפיים, τῶν πετρῶν.
 פ. *Amos.* VIII, 6. vendemus מפל בר qui quiliās frumenti, LXX מכל פרי, ἀπὸ παντὸς γεννήματος ἐμπορευσόμεθα, de omni proventu negotiabimur. *Iud.* VIII, 18 איפה, ubi? Syr. et Chald. איכה, quomodo, et contra *Iud.* XX, 30 איכה, LXX legunt איפה, vertunt enim πῶς. Conf. etiam *Capellus*, l. c., L. IV, C. V, § 17, 18.
 ג. Ex opinione probabili *Capelli*, l. c., L. IV, C. V, § 20. *Pf.* LXXVI, 11. residuum iratorum תחגר succinges, LXX תחגך, ἐγκαταλείμμα ἐν-θυμίου ἐορτάσει σοι.

ל.

- ב. Vid. ב.
 ו. Vid. ו.
 מ. *Esr.* II, 2 רעליה, nomen proprium, *Nehem.* VII, 7. רעמיה. 2 *Chron.* I, 12 לבמה LXX מבמה, ἐκ Βάμα.
 נ. *Prov.* VIII, 26 עד לא, LXX אדוני, κύριος. *Cant.* IV, 12. גל scaturigo, LXX. גן κήπος. 1 *Sam.* VI, 18, עד אבל הגודלה, LXX אנך, ἕως λίθς τῆς μεγάλης. Conf. *Capell.*, l. c., L. IV, C. IV, § 6.
 ע. 1 *Sam.* IX, 22 in textu Hebr. ל, 30, LXX, et *Iosephus*, *Ant. Iud.*, VI, 4, 1, ע, 70. 1 *Reg.* VII, 21. בעז, LXX בלו, Βολωξ. Conf. *Eichhorn*, l. c., pag. 226, 227.
 ר. 1 *Chron.* VIII, 27 אליה LXX אריה, Ἐρια. *Pf.* CXXXVIII, 8 יגמר perficiet, LXX יגמל ἀνταποδώσει. Conf. *Capell.*, l. c., L. IV, C. IV, § 7. et *Hartmann*, l. c., p. 64.

מ.

מ.

ב. Vid. ב.

ה. Vid. ה.

כ. Vid. כ.

ל. Vid. ל.

ג. Ps. LXXX, 7 למו, LXX רנו, ἡμᾶς;

נו. Ies. XXXIII, 2 זרעם, Vulg. Syr. Chald. זרענו. Conf. Eichhorn, l. c., pag. 227.

פ. Ios. IX, 3 מצפה, LXX מצמה, Μασσούμα. 1 Sam. XXV, 1. פארן, LXX מעון, Μαων. Conf. Eichhorn, l. c., § 97, pag. 232.

ר. 2 Sam. XII, 31. ישם posuit, l. p. 1 Chron. X, 3 ישר dissecavit. E tabula aenea, praefixa Bibl. Orient., cl. Michaëlis, apparet liquido similitudo literarum מ et ר in Mss.

ם.

ף. 1 Chron. XII, 35. ם 600, LXX ף, 800. Conf. Eichhorn, l. c., pag. 228.

ש. 1 Reg. V, 16 ש, 300, LXX ם, 600. Conf. Eichhorn, l. c., § 96, pag. 228.

ת. 1 Sam. XXIII, 13. ם, 600, LXX, ת, 400.

נ.

א. Vid. א. — ו Vid. ו.

ז. Vid. ז. ט. Vid. ט. י Vid. י.

כ. Vid. כ. מ. Vid. מ.

פ. 2 Sam. XXIII, 35 פער, nomen proprium, 1 Chron. XI, 37 נערי. 2 Reg. VI, 25. פ, 80, LXX נ, 50.

ר. Esr. II, 2. רחום, nomen proprium. Nehem. VII, 7 נחום. Conf. Capell., l. c., L. I, C. VIII, § 4.

- ה. *Ios.* XXI, 18 **עלמון**, nomen urbis, eiusdem, quae 1 *Chron.* VI, 44 appellatur **עלמת**. Conf. *Capell.*, h. c., L. I, C. VIII, § 4.

ד.

מ. Vid. מ.

ע.

ך. Vid. ך. — כ. Vid. כ. — ל. Vid. ל.

צ. *Hof.* VII, 12, *castigabo eos*, secundum auditum, **לעדרתם** *coetus eorum*, LXX **לצרתם**, ἐν τῇ ἀκοῇ τῆς θλίψεως αὐτῶν. *Pf.* CXLI, 5: **ברעותיהם** *in aerumnis eorum*, LXX **ברצוניהם** ἐν ταῖς ἐνδοκίαις αὐτῶν. 1 *Sam.* IV, 15 צ 90. *Syr.* et *Ar.* ע, 70.

ק. *Gen.* XIV, 2 **בלע**, LXX **בלק** *Balak*.

ך. 1 *Sam.* XXV, 1 **פארן**, LXX **מעון**, *Μαων*. Literas ע et ך antiquitus valde similes fuisse apparet e numo, quem exhibet *Kennicottus*, *Remarques Critiques sur* 1 *Sam.* VI, 19, pag. 34.

ש. *Iud.* VIII, 16. **וידע**, LXX **וידש**, καὶ ἡλοήσε. Forte et LXX *Iob.* XIV, 16 pro **תשמר** legerunt **תעבר** *παρελθῇ*. Conf. annotatio nostra ad h. l.

פ.

ב. Vid. ב. — כ. Vid. כ.

מ. Vid. מ. — נ. Vid. נ.

ם. mutatur cum ך. Vid. ם.

צ.

ג. Vid. ג. — ע. Vid. ע.

ק.

ה.

ה. Vid. ה.

ע. Vid. ע. — ה. Vid. ה.

ר. 1 Sam. XVIII, 28. ר. 200. LXX, ק, 100. *Levit.* VII, 21. pro שקץ quidam Codd. apud *Kennicottum* et *Rossum* habent שרץ, uti etiam legunt Sam., Targum, Syrus et Arabs, coll. *Michaëlis*, *Bibl. Orient.*, Tom. I, pag. 169, 170.

ה. 1 Reg. IX, 28. ת. 400, LXX, ק, 100.

ר.

ב. Vid. ב. — ד. Vid. ד. — ה. Vid. ה.

ו. Vid. ו. — י. Vid. י. — ל. Vid. ל.

מ. Vid. מ. — נ. Vid. נ. — ק. Vid. ק.

ת. 2 Sam. XI, 3, et XII, 24, בת-שבע, LXX בר-שבע *Βηρσαβεε*. *Ezrae* II, 28, ר 200, LXX ת, 400. *Prov.* VIII, 27 תהום, LXX רוחים, *ἀνέμων*. Conf. *Eichhorn*, l. c., pag. 228.

ש et ש.

י. Vid. י. — ם. Vid. ם. — ע. Vid. ע.

ש et ש faepisime inter se permutantur. Sic *Psf.* L, 23 ושם דרך *ponens viam* LXX ושם דרך, καὶ ἐκεῖ ὁδός. *Psf.* LXVIII, 26 שרים, *cantores*, LXX שרים, ἄρχοντες. Conf. *Capell.*, l. c., L. IV, C. II, § 28.

ת.

א. Vid. א. — ה. Vid. ה. — ה. Vid. ה.

ם. Vid. ם. — נ. Vid. נ. — ק. Vid. ק.

ר. Vid. ר.

*Hac occasione quaedam adduntur de permutatione
literarum, numeros indicantium.*

Summus § 43, numeros iam apud vetustiores Hebraeos literis significatos fuisse:

Certum scilicet nobis est, numeros aliquando integris vocibus, aliquando vero literarum notis in Codicibus Mss. significatos fuisse.

Prius e quamplurimis liquet exemplis. Sic *Pf.* XVI, 11 pro שבע *satietas*, versio Alexandrina, habens ἐπὶ, legit שבע. *Nehem.* V, 11 מאת הכסף *centupla pars argenti*, LXX מאת הכסף, ἀπὸ τοῦ ἀργυρίου, et alibi (a).

Alterum vero e multis itidem liquet exemplis variantium in numeris lectionum, quarum nulla potest dari ratio, nisi hoc assumatur, numeros saepe etiam literarum notis indicatos fuisse. Talium lectionis varietatum multa exempla adducta sunt § 43, quibus longe plura addi possunt; et a multis addita sunt (b). Accedit et hoc, Iudaeorum antiquiorum, et Hieronymi testimonio, aequae ac multis Codicibus Mss. idem doceri (c). Conf. dicta § 18.

(a) Plura exempla dederunt *Hasfencamp, Erinnerungen gegen Dr. Kennicotts Anmerkungen über 1 Sam. VI, 19.* (Frankfurt und Leipzig 1770), pag. 45 seqq. et *Eichhorn, l. c., Tom. I, § 90, pag. 208.*

(b) Conf. *Kennicott, Disfert. II, pag. 204 seqq. Michaelis, Orient. Bibl., Tom. V, pag. 328—351 et Tom. VI, pag. 180—216, Eichhorn, l. c., pag. 205, 206, 207. Bauer, l. c., § 23.*

(c) Vid. *Kennicott, Disfert. II, pag. 202, 208. Disfert. Gen., pag. 54.* Alios viros eruditos, quorum eadem est sententia enumerat *Kennicottus, Disf. II, pag. II, pag. 209, et Iahn, l. c., § 130, pag. 473.* §

§ 45.

β. Conspectus permutationis literarum
e soni affinitate.

β. Frequentissime etiam soni quarundam literarum affinitas earum inter se in Mss. permutatarum causa exstitit, maxime tunc, cum, uti saepius fiebat, verba scribis in calamum dictabantur.

Triplici imprimis de causa permutatio haec fieri potuit:

1) per naturalem soni quarundam literarum affinitatem, e. c. ב et ו, ז, צ, ד, ש.

2) per diversam eiusdem literae pronunciationem. Sic *ϣ* ab aliis, uti *ε* vel *ἐ* Arabicum pronunciabatur, ab aliis, uti *λ*, e. c. a Graecis interpretibus, qui eius loco in nominibus propriis *γ* collocare solent. Sic etiam *κ*, intra duas vocales positum, aliquando, Syrorum more, ut *ʾ* pronunciabatur, denique

3) e vitio pronunciationis quarundam literarum, quo aliqui laborabant, quemadmodum e. c. Galilaei ac Samaritani omnes literas gutturales (אההע) ut *κ* pronunciabant.

Si iam Scribae, quae alii dictabant, ea in calamum exciperent, facile talia vitia committebant, neque minus facile in ea dilabebantur, si quando Codices describerent, talibus vitiis infectos.

Tabella harum permutationum, ordine alphabetico disposita, haec fit.

κ.

ה. 2 Reg. XVII: 21 in textu וידא, in margine וידה
et impulit, a themate נדה. 2 Reg. II, 14 אהיהוא,
Theodotion תפי νευφίος.

G 3

- י. ex pronunciatione Syrorum, quando collocatur inter duas vocales. Sic permutantur דואג et דויג. 1 Sam. XXII, 18, coll. vs. 22. Cf. Eichhorn, l. c., § 97, pag. 231.
- ע. Sic saepe inter se mutantur אל et על. Ps. LXXXIX, 23, לא ישיא, LXX ἐκ ὠφελήσῃ e lectione לא ישיע. 1 Reg. XII, 16. רעה LXX ראה. βουσαε.

ב.

- י. Sic Dan. VII, 10 רבון in quibusdam Codd. est רבנן.

ג.

- ב. Prov. XXV, 4 הגו, LXX ἡβη τέπτε. Gen. XLIX: 5 מכרותיהם *instrumenta eorum*, Onkelos habens, תותבתהון legisse videtur מגרותיהם *mansiones eorum*.
- ע. 2 Sam. XIX: 24 עשה, Symm. גוה ἐξείρατο. Exod. XV: 21 ותען Vulg. ותנן *praecinget*.
- ק. 1 Reg. VII, 45 מזרקות *patinae*, in l. p. 2 Chron. IV, 16 המולגות *fuscinae*, mutatis simul ל et ר.

ד.

- י. ר enim aliquando cum fibilo pronunciabatur, ita fere, ut ds sonaret, qua ratione parum differbat a sono literae י. Sic 1 Chron. XII, 33 לעדר disponendo, LXX לעזור auxiliando, τὸ βοηθῆσαι. Hab. III: 6 עד LXX עו βία. Conf. Capell., l. c., L. IV, C. IV, § 8. et Hartmann, l. c., pag. 95 not.

ט. *Hab.* III: 6 וימדד LXX וימוטט καὶ ἐσαλεύθη.

ש. *Pf.* XXXI: 3 ידעת LXX ישעת ἔσωσας.

ת. Ob eandem rationem, utpote qua faepe ut *ts* pronunciabatur, five ut *th* Anglorum. Sic *Hof.* XII, 12 עד *adhuc*, LXX עת, νῦν. Conf. *Capell.*, *l. c.*, *L.* I, C. VI, § 4, *L.* IV, C. IV, § 6, et *Eichhorn*, *l. c.*, pag. 231.

ה.

ע. *Gen.* XIV: 5. הזוים nomen gentis. Onkelos עזוים *fortes, robusti* e lectione תקיפא.

ו.

ב. Vid. ב.

פ. 1 *Sam.* XXI, 14. ויתו *et signavit*, seu *lineas duxit*, LXX ויתף καὶ ἐτυμπάνισε. Conf. *Capell.*, *l. c.*, *L.* IV, C. V, § 34.

ז.

ד. Vid. ד.

ס. 2 *Chron.* XXXV: 26. וחסדיו LXX ἡ ἐλπίς αὐτῶ forte e lectione וחזותיו prouti vocem חזות enim ἐλπίδα vertunt *Ies.* XXVIII: 18.

צ. Sic 1 *Sam.* VI, 5. בכל-עצי ברושים *cum omni genere lignorum abiegnorum*, in *l. p.* 1 *Chron.* XIII, 8. בכל-עז ובשירים *omnibus viribus et cum canticis*. Conf. *Capell.*, *l. c.*, *L.* I, C. VI, § 5.

ח.

א. Vid. א. ב. Vid. ב.

ע. Etiam ob soni vicinitatem, cum, sicut ad literam ג

observatum est, litera ע saepe uti nostra litera g pronunciaretur. Sic זרע Ps. XCVII, 11, LXX, Chald. et varii Codd. זרח. 2 Reg. XX, 13 וישמע et audivit, in l. p. Ies. XXXIX, 2. וישמח et laetatus est.

ק. Hof. VII, 6. קרבו LXX, ἀνεκαύθησαν, e lectione חרבו. Exod. XXXV, 35. חרש, LXX ἄγιος e lectione קדש, mutata simul ר in ד. Ezech. XLI, 16 שחיה tenuitas, lignum tenue, LXX διὰ-κόνειν, e lectione שקיה.

ט.

ך. Vid. ד.

י.

א. Vid. א.

כ.

ג. Vid. ג.

ה. Hof. III: 2. שערים triticum, LXX שכרים οἶνος.

ם.

ז. Vid. ז.

צ. Gen. XLII: 17. ויאסף, LXX ויצב καὶ ἔθρο:

ח. 1 Chron. XII: 17. חמס, LXX אמת ἀληθεία.

ע.

א. Vid. א. ג. Vid. ג. ה. Vid. ה.

ה. Vid. ה.

פ.

ו. Vid. ו.

צ.

י. Vid. י.

ש. ² *Sam.* VIII, 9 להשיב ידו in l. p. 1 *Chron.*
XVIII, 9. להציב ידו.

ק.

ג. Vid. ג.

ה. Vid. ה.

ש.

ך. Vid. ך. ץ. Vid. ץ.

ת. *Iob.* XXVIII, 18. משר, Aq. γλυσῖ, e lectione מתק.
את. *Ies.* XXXVI, 22, LXX אש, πυρὸς.

ת.

ך. Vid. ך.

ש. Vid. ש.

(a) Conf. *Eichhorn*, l. c., § 97, et *Iahn*, l. c., § 132.
Librarios iam ab antiquissimo tempore saepius calamo exce-
pisse, quae alii male dictabant, variis argumentis docuit *Hart-*
mann, l. c., pag. 33 sqq. quamquam inter exempla quae
adfert plura sint haud idonea.

§ 46.

2. *Conspectus permutationis punctorum.*

2. Postquam dictum a nobis est de permutatione literarum, in Codicibus Mss. saepius facta, § 43—45 sequitur, secundum partitionem § 42 institutam, ut videamus, qua ratione et puncta aliquando mutata fuerint.

Puncta infinitis vicibus inter se mutata esse, nemo mirabitur, qui ingentem minutae istius supellectilis numerum consideraverit.

Nullius vero utilitatis esset opera in conquienda et examinanda accentuum aliorumque punctorum, quae Grammaticorum Iudaeorum diligentia invenit, varietate collocata. Ad solam autem varietatem illorum punctorum, quorum differentia sensus differentiam affert, sedulo attendendum est, nempe Dagesch forte, Schevata, et imprimis Vocales.

Observandum autem est, varietatem punctorum, maxime vocalium, esse permagnam, quod fere quavis pagina invenient, qui veteres versiones consulunt, et prae aliis magna exemplorum copia ostendit *Cappellus*, *Crit. S.*, *L. IV*, *C. II*, § 3—29. *L. V*, *C. II*, § 2. *C. IV*, § 1—9. *C. VIII*, § 1—7. Immo et postquam punctuationis systema a Masorethis constitutum est, multas adhuc reperiri punctorum, imprimis vocalium, in Codicibus Mss. varietates, eorum collatio evidentissime docet.

Cum vero, uti dictum est § 15, systema punctuationis, prouti illud nunc sese habet, soli debeatur Grammaticorum Iudaicorum ingenio, ac non, nisi periodo temporis, quae a saeculo VI ad XI procedit, a Doctoribus Iudaeorum Masorethicis expolitum, atque ad eas, quibus iam adstrictum est, re-

gu-

gulas exactum fuerit; consequitur, punctuationem illam ex una parte haud esse mutandam pro solo lubitu, aut in gratiam quarundam singularium opinionum, quas quis absque tali mutatione sustinere nequeat, uti e. c. in gratiam systematum quorundam metrices Hebraeae, fecerunt *Meibomius*, *Fr. Haze*, et *cl. Greve*, cum, uti ibidem dictum est, haec punctuatio univérse nobis exhibeat pronunciationem antiquiorem, traditione propagatam; ex altera vero parte non eam huius punctuationis esse auctoritatem, quae nos impediat, quo minus, si validae adsint rationes, aliquas in ea faciamus mutationes: qua de causâ optandum est, ut in collatione non tantum veterum versionum, verum et Codicum Mss. Editionumque principum, non solum literarum sed etiam punctorum, maior, quam huc usque plerumque factum est, ratio habeatur.

§ 47.

1. *Conspectus permutationis integrarum vocum.*

1. Tandem vero non literae tantum (§ 43, 44, 45) et puncta (§ 46), verum etiam, uti § 42 iam praemonitum est, *integrae* aliquando *voces* in Codicibus Mss. inter se permutantur. Fit autem hoc praecipue quadruplici de causâ.

α. Vitio memoriae et attentionis haud raro scribae inter se permutabant voces idem significantes, quâ ratione crebro inter se permutantur e. c. לא et בל. אל et ל, מן et מ, ויאמר et וידבר, etc. Sic et *Mich. I, 4, 2 Codd. K. et R.* vitio memoriae pro והגבעות posuerunt vocem והעמכים, utpote quod alibi cum הרים saepius coniungitur. Sic et ibid. vs. 6, 17 Codd. Kenn. pro שמרון habent ירשלם, quemadmodum et ibidem pro ויסודיה, unus Cod. K. habet

bet ויסודותיה. *Ier.* XXIX, 18 pro ולשרקה. multi Codd. K. et R. habent ולקללה, per negligentiam mutando voces parum differentes (a).

β. Alter talium permutationum fons in eo est, quod haud raro aliter pronunciarent, quam legendum esset, unde saepissime nomina יהוה, אדני et אלהים inter se permutarent. Etenim pro nomine יהוה semper אדני, vel pro יהוה אדני semper dicebant אדני אלהים (b). Hinc etiam varia vitia orthographica in textum irruperunt. Sic ex pronunciatione 2 *Reg.* IX, 15 pro להגיד scribitur לגיד.

γ. Accedebat aliquando etiam, quod nonnulli scribae in textum inferrent orthographiam in ea usitatam dialecto, qua forte uterentur vernacula. Hinc e. c. in Mss. pro את aliquando invenitur particula Chaldaïca ית. Similiter י aliquando, ad vocalem praecedentem Tzeri vel Segol indicandam, ex usu Rabbino- rum additur; uti *Exod.* XXV, 31. תיעשה pro תעשה, etc. (c).

δ Fieri etiam potuit ut vitia pronunciationis aliquando in textum irrepererent. Sic cum multi Iudaei Kamets fere ut Cholem pronuncient, facillime etiam illas vocales in scribendo inter se permutare potuerunt librarii.

(a) Largam exemplorum, hoc probantium, segetem adduxit *Vogelius*, not. ad *Capelli*, *Crit. S.*, Tom. I, pag. 45 seqq. Conf. *Rosfi*, ad h. l.

(b) Conf. *Tychsen*, *tentamen de variis Codd. Hebr. Mss. generibus* (Rostochii 1772) pag. 278 seqq. et *Kennicott*, *Disfert. Gen.*, § 25, pag. 48, edit. Brunsvii.

(c) Conf. *Eichhorn*, l. c., § 107.

§ 48.

II. *Secunda clasfis variantium lectionum, orta e falsis iudiciis.*

II. Sequitur iam, secundum § 37, altera, variantium lectionum clasfis, quae *e falsis iudiciis* eorum orta est, qui Codices describerent, utpote qui eo aliquando in casu versabantur, quo ad contextum ex iudicio suo corrigendum impellerentur. Pertinent autem ad hanc classem, — mutatio facta e locis parallelis, — ignorantia vel expletio haud raro erronea compendiorum scribendi, — glossemata e margine in textum illata, — additamenta, ex aliis fontibus, textui inserta, — perversae vocum divisiones, — correctiones quaedam textus arbitrariae.

§ 49.

A. *Prima variantium lectionum, e falsis iudiciis ortarum, species, mutatio, facta e locis parallelis.*

A. Cum variae sint in Codice sacro pericopae, quae vel verbotenus, vel saltem, quod ad rem attinet summam, plus semel in Codice sacro essent (a), consuetudo librariorum, loca parallela inter se similia reddendi, haud exiguam saepe peperit lectionis varietatem, uti multis probari potest. Sic verba 2 Reg. XX, 7, 8. inserta sunt textui Iesaeae Cap. XXXVIII, 21, 22, sed loco minus commodo, cum potius collocanda fuissent inter versum 6 et 7. Res autem sic se habuisse videtur, ut ea primum ad marginem posita sint, dein vero e margine in textum, sed loco parum apto, pervenerint. Gen. XLIII, 8, uti iam notavit I.

I. H. *Michaëlis*, לאבי in quibusdam Msf. legitur pro לך, ex *Gen.* XLIV, 32. — *Ies.* LXI, 4 post בנו Codex Regiomontanus secundus, auctore cl. *Lilienthalio*, *Descript. Codd. Regiomont.*, pag. 346 inserit ממך, sine dubio quia sic legitur in loco simili *Ies.* LVIII, 12. — *Ier.* XXXIII, 15, in editione Gersoniana leguntur verba ומלך מלך והשכיל, sed quae addita sunt e loco, qui huic valde similis est, *Ier.* XXIII, 5, 6 (b).

(a) Loca talia sunt notissima. Eorum plurima exhibet *Eichhorn*, l. c., § 93, pag. 212.

(b) Plura exempla videri possunt apud *Eichhornium*, l. c. *Iahnium*, l. c., § 133, et imprimis *Vogelium*, not. ad *Capell.*, *Crit. S.*, Tom. I, pag. 50, 51.

§ 50.

B. *Secunda species*, ignorantia vel expletio erronea compendiorum scribendi.

B. Cum porro haud quidem saepe, attamen aliquando in Codd. Msf. aliquae voces per compendium scribantur, five, ut dicunt, *abbrevientur* (a); fieri vix aliter potuit, quin illorum ignorantia, vel et erronea expletio, quibusdam varietatibus lectionis ansam dederit. Quod variis exemplis illustrari potest.

Sic per ignorantiam compendiosae scriptionis באר scriptum est בארץ 1 *Reg.* IX, 18 pro בארם צובה, coll. 1. p. 2 *Chron.* VIII, 3. *Pf.* XXXI, 7 legitur שנאתי, pro quo omnes veteres interpretes legerunt שנאת י"ה^ר quod compendiose scriptum fuerat שנאת^י. Et sic, ne alia exempla cumulemus, haud raro ם in terminatione plurali in Msf. omittitur unde e. c. *Pf.* XLV, 9 est מני pro מנים (b).

(a)

(a) Sic e. c. מוֹשִׁי, אָמַר pro יִשְׂרָאֵל, אָמַר pro מוֹשִׁי etc. saepius in Msf. occurrit. Conf. *Baueri*, l. c., pag. 177, 178.

(b) Plura exempla dederunt *Eichhorn*, l. c., § 102, *Iahn*, l. c., § 134, *Bauer*, l. c., pag. 178.

§ 51.

C. *Tertia species*, glossemata e margine in textum illata.

C. Aliquando et perverso iudicio glossemata, quae margini codicum Msf. adscribi solebant, in textum inferebantur. Sic *Ies.* VII, 17 verba אֶת מֶלֶךְ אֲשׁוּר quae ibi prorsus importuna sunt, e glossemate in textum illata fuisse *Houbigantius*, *Lowthus*, aliique iam saepius animadverterunt. *Ies.* IX, 15 verba *caput seniores sunt et auctoritate praediti, cauda autem est propheta, docens falsa*, manifestum continent glosfema verborum *Iehova caput et caudam abscindet col.* 14. Multa talia glossemata sunt in penta-teucho Mosaïco, ad complendam historiam primum margini apposita, deinde vero textui ipso inserta vel adiecta, uti *Deut.* II, 10, 11, 12. III, 9, 10, 11. X, 6—9, etc. Quaedam verba autem glossematum loco habenda esse, inde dignoscitur, quod cum reliqua oratione nullo modo cohaereant, quod a scriptoris stilo prorsus sint aliena, quod frigidam efficiant tautologiam, quod omnino sensum turbent, denique duae quod occurrant phrasae, quae quidem idem significant, sed quarum una alterâ est perspicuior.

Conf. *Bauer*, l. c., pag. 174, 175, et *Iahn*, l. c., § 135. Interea summam esse prudentiam adhibendam, ne glossematum loco ea habeamus, quae talia non sunt, recte monet cl. *Heringa*, *Over het gebr. en misbr. der kritiek*, pag. 446 seqq. quamquam inter exempla, quaedam sint, e nostro iudicio aliena.

§ 52.

D. *Quarta species*, additamenta ex aliis
fontibus textui inserta.

D. Fieri etiam potuit, et factum aliquando revera est, ut unius eiusdemque historiae diversae essent relationes, sive scripto mandatae, sive per traditionem propagatae, quo in casu aliquando una narratio ad alterius marginem ponebatur, ac deinde etiam, narratione marginali in textum illata, ipse textus interpolabatur.

Sic ea, quae leguntur 1 *Sam.* XVII, 12—31, 50, 55—58. XVIII, 1—5, 9—11, 17—19 ex alia quadam narratione primum margini apposita, deinde e margine in textum illata videntur. Etenim talia continent, quae narrationis filum saepe abrumpunt, et reliquae historiae sunt contraria, quemadmodum et in multis exemplaribus versionis Graecae Alexandrinae non reperiuntur (a). Similiter *Ier.* X, 11 pericope Chaldaica, ex alio quodam libro desumpta videtur, primum forte margini adscripta ad explicanda verba *vs. 15, idola varia sunt et ridicula, peribunt quando Deus in illa animadvertet*, deinde vero, loco valde importuno, in textum inserta (b). Itidem pericope *Gen.* XXXVI, 31—43, quae a Mose conscribi non potuit, desumpta est ex 1 *Chron.* I, 43—54, unde primum margini libri Geneseos adscripta, deinde in textum illata est (c).

(a) Conf. Kennicott, *Disfert.* II, *super ratione textus Hebr.*, pag. 407 seqq. et *Disfert. Gen.*, pag. 30 seqq. edit. Bruns. itidemque Iahn, *l. c.*, pag. 480, 481 et quem ille citat, *Michaëlis*, cum in *notis ad vers. Germ. tum, in Bibl. Orient. Append. Tom. XII, pag. 196*, et *Tom. XX, pag. 31* seqq.

(b)

(b) Eodem fere redit sententia cl. *Venemae*, probata etiam a cl. *Dathe*, coniicientis, hunc versum, ab alio quodam viro divino scriptum, et textui insertum esse, ut Iudaei eo, tamquam confessionis formula, contra Chaldaeos uterentur. Haud improbabile est, hoc consilio verba haec primum ad marginem posita fuisse, verum tamen simul observandum est, versum 15 huic additamento ansam dedisse, illudque locum deinde in textu occupasse valde importunum, talem nempe, qui orationem Prophetæ prorsus interrumpat.

(c) Conf. *Kennicott*, *Disfert. Gen.*, pag. 29, 30, ubi et addit illustrem *Michaëlis*, idem existimasse de loco *Ier. XXXIII*, 14—26.

§ 53.

E. *Quinta species*, perversae vocum divisiones.

E. Cum, uti probatum est § 17, Hebraei antiquissima aetate literas vocesque sine ulla divisione continua serie scribere solerent; mirum non est iudicium descriptorum, postquam divisim scribi voces coeptum est, saepius dubitabundum haesisse, quomodo voces essent dividendae: immo et saepe in hoc iudicio eos non variasse tantum, sed a vero etiam aberrasse. Itidemque hinc liquet, mirum non esse, in vocibus dividendis saepe valde discrepasse illos veteres interpretes, qui translationes suas confecerunt e Codicibus, in quibus voces una serie continua conscriptae erant, saltem paucissimae vocum divisiones reperiabantur (coll. § 18.)

Aliquas ex hoc fonte ortas lectionis varietates, vocum nempe coniunctim scriptarum sed divisim legendarum, vel divisim scriptarum sed coniunctim legendarum, annotarunt Masorethae (a).

Plura exempla addi possunt: sic *Ps. XLII*, 6, 7

H

pro

pro **ישועות פני אלה** legendum est cum LXX, Syro et multis Codd. Msf. **ישועות פני ואלהי**. Itidem Hof. VI, 5 pro **ומשפמיך אור יצא** cum LXX, Syro, Arabe, et Chaldaeo legendum est: **ומשפמי כאור יצא** *iudicium meum tamquam lux emicabit*, quibus exemplis multa similia quivis attentus et critices peritus Codicis Hebraei lector facile inveniet (b).

(a) Fufe de illis lectionis varietatibus egit *Capellus*, l. c., L. III, C. IV et V.

(b) Conf. *Bauer*, l. c., § 179, 180. *Eichhorn*, l. c., § 103. *Iahn*, l. c., § 136.

§ 54.

F. *Sexta species*, correctiones textus arbitrarie.

F. Tandem etiam iudicium criticorum Iudaeorum aequè ac Scribarum quorundam se exercuit correctionibus quibusdam textus sacri, factis ex arbitrio, id est, propter rationes e solo ingenio suo depromptas, et quidem quadruplici de causa.

✱ Studium allegoricae interpretationis quam Iudaei appellant **מדרש**, in causa fuit, ut saepe per ineptum quendam ingenii lusum literas quasdam demerent, adderent, transponerent, aliter dividerent, voces cum aliis eiusdem soni vocibus permutarent, similibusque aliis ineptiis oleum et operam perderent (a). Iam autem facile fieri potuit, ut e Codicibus, a Doctoribus Iudaeorum ad istas ineptias accommodatis, quales aliqui exstant, qui Codices *Midraschischi* appellari solent, argutiae quaedam in ipsum textum, librariorum, has esse veras lectiones arbitrantium, culpa irrepserint. Locorum ex hoc fonte in quibusdam Codicibus mutatorum iam in ipso *Thalmude*, aliisque antiquioribus Iudaeorum libris

bris mentio fit. Sic in *Bereschit Rabba*, sect. IX, fol. 7, col. 1, lin 7, edit. Venet. 1605 commemoratur lectio Codicis cuiusdam; legentis *Gen. I, 31. והנה טוב מות* et ecce mors est bona, pro *והנה טוב מאד* et ecce valde bonum erat, ex lusu nempe cuiusdam doctoris allegorici, qui *מאד* converterat in vicinae pronunciationis vocabulum *מות* (*b*). Hinc quoque ne plura adferamus exempla, ortum est, quod iam LXX *Iud. XVIII, 30* invenerint scriptum *מנשה* pro *משה*, itidem e lusu inepto Iudaei, qui ita nomen Mosis mutaverat, ne filius Mosis in idololatram converteretur (*c*).

ב Magistrorum Iudaeorum cura, pro vocibus vel phrasibus immundioribus et obscenioribus reponendi ad marginem voces phrasisque, quae ipsis videbantur mundiores et castiores, effecit, ut haud raro in quibusdam Codicibus illae in textum transierint, quemadmodum sic e. g. 2 *Reg. XVIII, 27* et *Ies. XXXVI, 12* pro *שיניהם* lotium eorum ad marginem posuerant *מי רגליהם* aqua pedum illorum, *Deut. XXVIII, 30*, *Ies. XIII, 16*, et *Zach. XIV, 12* pro *שגל*, ipsum actum venereum notante reposuerunt verbum honestius *שכב* cubare, et sic etiam in aliis locis quibusdam (*d*).

ג Aliquando etiam aliam quandam habebant, vel sibi saltem fingeant, normam, ad quam hic illic lectionem immutandam censebant.

Scilicet

α. Postquam Iudaei paraphrasibus Chaldaïcis textum sacrum explicarunt, iisque plerumque eo magis uti coeperunt, quo identidem veteris dialecti Hebraeae facti sunt ignotiores, mirum non est, Masorethas ac librarios, si quando differentiam lectionis inter paraphrases illas et textum Hebraeum reperi-

rent, illum secundum paraphrases Chaldaïcas fere mutasse, id quod variis probari potest exemplis, imprimisque tunc locum habere videtur, quando, uti saepe fit, cum omnes vel pleraeque versiones antiquae a textu Masorethico dissentiunt, sola cum illo convenit paraphrasis Chaldaïca (e).

β. Sunt etiam exempla mutationum quarundam lectionis factarum secundum aliquas Doctorum expositiones, (פרשים) vel ideo, quod illas inter scribendum animo praesentes habebant, vel etiam, quod eas e margine, cui aliquando adscriptae erant, in textum inferebant. Sic *Deut.* XXIII, 3 unus Codex Kenn. pro מִמּוֹר legit מוֹמּוֹר, forte, quod praelector animo vel margini adscriptam habebat explicationem Maimonidis, qui מִמּוֹר idem esse existimat ac מוֹם זר (f).

γ. Denique, postquam Iudaei grammaticae veteris sermonis Hebraei eo maiorem dederant operam, quo magis vivus illius usus in desuetudinem abierat, haud raro veteres et exquisitiores voces dictiones constructionesque ad recentiora illa grammatices praecepta immutarunt. Hinc e. c. multi Codd. apud Kennicottum et Rossum 1 *Chron.* II, 48, pro יִלְדָּה habent יִלְדָּה et 1 *Sam.* XXV, 27 הִבִּיא mutant in הִבִּיאָה, item *Deut.* XXII, 23 יִהְיֶה iu תִּהְיֶה, ut nempe, secundum grammaticen genus verbi et nominis convenire facerent, non cogitantes in veteri lingua convenientiam illam non esse perpetuam coll. *Synt. Schroed. Reg.* LVI, et sic in multis aliis.

δ. Haud defunt tandem etiam exempla, quae saepius probabile immo et aliquando certum efficiant, soluisse Iudaeorum Criticos ac librarios etiam ibi, ubi nullum aliud remedium iis ad manus erat, per coniecturam ex ingenio textum corrigere. Apparet hoc

hoc ex lis, quae de Iudaeorum סבירין i. e. *coniecturis* dicta sunt § 27. Et sunt etiam alia exempla, quibus hoc probari potest. Pertinet huc, quod aliquando correxerint ea, quae haud satis accurate scripta putarent, uti *Gen. VII: 3, 4. etc. (g)*.

(a) Ingentem exemplorum copiam adduxit O. G. *Tychsen, Tentam. de Codd. Hebr. V. T., pag. 198 seqq.*

(b) Plura exempla dedit *Tychsen, l. c.*

(c) Conf. praeter *Tychsenium, l. c.* et *Etchorn, l. c., § 95^a.* annotationes nostrae philol. et crit. ad *Pf. XV, 4.*

(d) Plura exempla dat *Capell., l. c., L. III, C. VI.*

(e) Exempla suppeditat *Eichhorn, l. c., § 95^b.* et praefertim § 218. Conf. etiam *Michaëlis, Orient. Bibl., Tom. I, pag. 141.* Plura videbimus capite sequente.

(f) Conf. *Eichhorn, l. c. § 95^b.*

(g) Exempla dat *Eichhorn, l. c., § 95^b,* et praefertim *Vogel, ad Capell., Crit. S., Tom. I, pag. 48.*

§ 55.

III. *Disquiritur, an etiam tertia detur variantium lectionum clasfis, orta e malevolo textus corrumpendi studio.*

III. Quaeritur tandem, utrum aliquando etiam malevolo Iudaeorum studio textus Hebraicus corruptus fuerit?

Patres quidem Ecclesiae Iudaeos incusarunt corrupti studio textus Hebraei; sed omnino male; cum enim Patres Ecclesiastici versionem Alexandrinam censerent divinitus inspiratam, Iudaei autem in suis cum Christianis disputationibus semper provocarent ad textum Hebraeum; illi omnia, quae in versione illa exstabant, nec tamen in textu Hebraeo reperiabantur, a Iudaeis ex eo ablata sibi falso imaginabantur (b).

Porro et recentiore tempore fuere, qui huius criminis Iudaeos accusarent, et in his praecipue *Whistonus* et *Kennicottus* (b); verum tamen et reverentia, qua Iudaei semper libros sacros profecuti sunt, et insufficientia exemplorum, quibus hoc Eruditi quidam probare conati sunt, tale crimen Iudaeis impingere vetant (c).

Quamquam negandum non videtur, Iudaeos in locis, ubi varietas lectionis quodammodo Iudaëae ac Christianae doctrinae discrimen attingat, eam lectionem praetulisse, quae Iudaëis opinionibus aliquid praesidii subministrare posse videretur, uti *Pf.* XVI, 10. חסידך pro חסידך. *Pf.* XXII, 17. כארי pro כאר. *Ies.* LIII, 8 נגע למו pro נגע למות (d). Illa autem loca et paucissima esse, et facile expediri simul est certissimum.

(a) Conf. *G. Fabricy*, l. c., *Tom.* I, pag. 139 seqq.

(b) *Whistonus* nempe in libro Anglico *de vero textu V. T.* (*Essay on the true text of the Old Testament*) *Lond.* 1722. et *Kennicottus*, *Disfert.* II *supra* *ratione textus Hebr.* *Cap.* I.

(c) Conf. *Bauer*, l. c., § 7, pag. 101, et § 22, pag. 184, itidemque *Eichhorn*, l. c., auctoresque ab iis citati.

(d) Est haec coniectura non improbabilis *Iahnit*, l. c., *Tom.* I, § 138.

CAPUT QUARTUM.

ADMINICULA, QUIBUS IN DIIUDICANDA
LECTIONUM VARIETATE UTI POSSI-
MUS, MODUSQUE, QUEM IN IIS REC-
TE UTENDIS OBSERVARE OPOR-
TEAT.



§ 56.

Connexio huius capituli cum praecedentibus.

Cum quae antea dicta sunt quam luculentissime doceant, numerum variantium lectionum in textu Hebraeo, quamquam nimium a quibusdam exaggeretur, haud esse exiguum, textumque haud ita purum esse, quin aliquando quadam opus habeat emendatione, quae primam auctorum scripturam, variis de causis, Capite praecedente enumeratis, hic illic deperditam, vel certo vel saltem probabiliter restituat; ante omnia inquirendum est, utrum sint adminicula quaedam, quibus adhibitis, feliciter in emendando textu Hebraico versare possimus, et, si illa sint, quomodo iis convenienter huic consilio utendum sit. Huic itaque magni in critica sacra momenti materiae pertractandae hoc caput impendemus.

§ 57.

Adminicula critica summatim enumerantur.

Ut rite enumerentur haec adminicula, qualia plura adesse grato erga divinam providentiam animo agnoscimus, omnino distinguendum est tempus quod recensionem Masorethicam antecedit et illud, quod eam consequitur: quippe recensione Masorethica ita constitutum esse textum Hebraeum, ut haud raro vera lectio ipforum auctorum sacrorum prorsus perierit, omniaque, quae ab eo tempore ad manus sunt, adminicula critica, proxime tantum illi recensionis vitiis purgandae inserviant, e dictis § 29, coll. § 3, quam clarissime liquet. Tandem et hoc observandum est, non quidem frequenter, sed tamen aliquando dari casus ubi commemorata adminicula nullum praestent subsidium, ubi adeoque res ad solam ex ingenio depromptam coniecturam redeat.

Distinctim ergo tres hae adminiculorum species a nobis considerabuntur.

§ 58.

I. Prima adminiculorum criticorum species, pertinens ad restituendum textum, qualis fuit ante recensionem Masorethicam, summatim exhibetur.

I. Ut in dissenso lectionis, quae textum Hebraeum ante Masorethicam recensionem occupavit, illam vel certo vel probabiliter lectionem reperire possimus, quae a prima manu profecta sit, imprimis subsidium nobis subministrant.

1) Pentateuchus Hebraeo samaritanus,

2)

- 2) collatio locorum parallelorum,
- 3) Scripta Iosephi et Patrum quorundam Ecclesiasticorum,
- 4) Versiones quaedam antiquiores, ex ipso fonte Hebraeo confectae,
- 5) Talmud,
- 6) Masora. Videamus de his adminiculis figillatim.

§ 59.

A. *Exponitur usus criticus Pentateuchi Hebraeo Samaritani.*

A. Ad textum antiquissimum Pentateuchi, si quando affectus sit restituendum, et ad eius in ceteris integritatem defendendam imprimis utilis est Pentateuchus Hebraeo Samaritanus, cuius historia exposita est § 34, quem vero usum praestet in emendando textu Hebraeo, si accuratius definire velimus, omnino in antecessum cavendum est, ne in iudicio de eius valore critico a vero aberremus ad duos extremos errores cum *Morini*, *Kennicotti*, aliorumque, qui fere semper lectiones textus Samaritani lectionibus textus Hebraïci anteferunt, tum *Buxtorfii* aliorumque immoderatorum textus Masorethici patronorum, qui Samaritanum textum tamquam impurum fontem, reiciunt, indeque semper praeferunt lectionem textus Hebraïci. Subscribimus itaque sententiae cl. *N. G. Schroederi*, hoc de Pentateucho Samaritano iudicium ferentis: „Largior equidem lubens, eum „Iudaïco Codice, quo omnes utimur, minus esse „emendatum, asumentis, quae alienam prodant manum, interpolatum, et forte nonnullis in locis, „correctorum audacia depravatum. Verum tamen

„adeo venerandae antiquitatis ille est, ut origine
 „sua ipsius Ezrae aetatem antecedit, et hoc prae-
 „sertim nomine in pretio habendus, quod certi fi-
 „mus, eum ad-arbitrarias, et saepe superstitiosas Ma-
 „foretharum leges non esse accommodatam. Quare
 „ubique ille Iudaico cum Codice conspirat, quod
 „facit plerumque, lectionis veritatem luculento tes-
 „timonio confirmat; ubi autem discrepat, eo dili-
 „gentiore dignus est examine, quod admodum pro-
 „babiles interdum exhibeat lectionum varietates,
 „quae antiquissimae versionis Graecae tam perfecta
 „consensione comprobentur, ut fuerint, qui puta-
 „rent, hanc ex illo fonte fuisse derivatam (a).

Hoc in antecessum observato, in usu critico Pen-
 tateuchi Samaritani animadvertenda sunt sequentia.

1) Cum Samaritani literas gutturales omnes **אהחע**
 pari ratione pronunciare soleant, fere ut א, hinc
 saepe factum est, ut scribae Samaritani illas inter
 se permutarunt, uti e. c. *Gen.* III, 8, 10 pro
יִתְחַבֵּא est **יִתְחַבֵּה**, *Cap.* XXVI, 26 pro **מִרְעָהוּ** est
מִרְאָהוּ et sic in quam plurimis aliis locis; unde con-
 sequitur in talibus locis vitium esse textus Samari-
 tani, non vero lectionis varietatem (b).

2) In textu Samaritano matres lectionis ך et ך
 non semper eo loco reperiuntur, ubi exstant in
 textu Hebraeo, et ubi, ad figendam vocum signifi-
 cationem necessario postulantur, quemadmodum et
 contra aliquando ibi reperiuntur, ubi linguae He-
 braeae indoles eas non admitteret. Sic *Gen.* I, 26,
 ubi vocis significatio postulat **כְּדִמּוֹתֵנוּ**, textus Sam.
 habet **כְּדִמְתֵּנוּ** et contra *Gen.* XI, 3 **חִימֵר** ponitur
 pro **חֹמֶר** (c).

3) Sunt et pauca in textu Samaritano, quae ac-
 commodate ad praeconceptam aliquam opinionem,
 aliter se habent, ac in textu Hebraeo, quo imprimis

mis pertinet differentia textus Samaritani ab Hebraeo in numero annorum vitae patriarcharum, quem haud parum studiose diminuit, et in eo quod *Deut.* XXVII, 4 pro monte *Ebal*, reponit nomen *Gerizim*. Plura tamen exempla nobis se non obtulere (*d*).

4) Aliqua etiam in textu Samaritano e coniectura mutata esse videntur, quae itaque aequè minus ac ea, quae studio mutata sunt (n. 3.) variantium lectionum numero accensenda sunt. Sic *Gen.* II, 2 השביעי coniectura haud felici, mutatum videtur in הששי. *Gen.* XXXI, 53 ישפט mutatum est in שפט quia minus conveniens videbatur, Labanis instar idolatrae loquentis, mentio, et sic alibi saepius (*e*).

5) Varia quoque habet Pentateuchus Samaritanus asfumenta, quae ex aliis locis desumpta sunt, adeoque verae sunt textus sacri interpolationes, *Exod.* VI, 9. VII, 18. VIII, 4, et alibi (*f*).

6) Sunt et quaedam in Pentateucho Samaritano, a dialecto Hebraïca aliena, a scribis profecta, alia dialecto tamquam vernacula utentibus, coll. § 47. Sic *Gen.* XVI, 16 ית legitur pro את. Sic etiam affixum secundae personae singulare masculinum ante ך saepe habet ך, uti femininum saepe ante se habet ך (*g*).

Omnia haec suadent summam prudentiam in colligendis variantibus lectionibus e textu Samaritano et in emendando inde textu Hebraeo, et hoc quidem eo magis cum huc usque tantum XI Codices Mss. iidemque iuniores textus Samaritani collati fuerint, adeoque et ipsa eius lectio in variis locis adhuc dubia sit et incerta (*h*).

(a) Sumta sunt haec verba ex oratione cl. *Schroederi*, inserta a cl. *Scheidio*, opusculis de ratione studii, Tom. III, pag. 446.

(b) Conf. *Michaëlis*, *Or. Bibl.*, Tom. XXI, pag. 178 sqq. *Bauer*, l. c., pag. 422. *Lahn*, l. c., pag. 416.

(c)

(c) Vid. *Michaëlis*, l. c. pag. 183 seqq. *Iahn*, l. c. pag. 416.

(d) Conf. *Bauer*, l. c. pag. 422, 423, et *Iahn*, l. c. pag. 407.

(e) Conf. praesertim *Michaëlis*, l. c. Tom. XXI, pag. 189 seqq. Tom. XXII, pag. 185 seqq. et *Einleit. in das A. T.* pag. 331.

(f) Vid. omnino *Kennicott*, *Disfert. I, super ratione textus Hebr.* pag. 380—394, et *Disfert. gen.* pag. 47 seqq., qui tamen male illa asfumenta habet tamquam genuina, et *Michaëlis*, *Bibl. Or. Tom. XXI*, pag. 177—193. *Tom. XXII*, pag. 185—203, et *Einleit. in das A. T.* pag. 322 seqq.

(g) Plura exempla dat. *Michaëlis*, *Bibl. Or. Tom. XXII*, pag. 191, 192.

(h) Lectu digna sunt, quae hanc ad rem notavit *Michaëlis*, *Einleit. in das A. T.* pag. 310 seqq.

§ 49.

B. Docetur, quem usum praestet collatio locorum parallelorum.

B. Varia exstant in Codice sacro V. F. loca parallela id est, talia quorum unus ex altero sumtus est, sine sint genealogiae, sive narrationes historicae, sive leges, carmina, vaticinia, sententiae et proverbia (a).

Ut autem prudentes versemur in emendando e locis parallelis textu sacro ante omnia observandum est, locorum parallelorum numero non semper ad censenda esse quae tales primo adfpectu videntur: praeterquam enim quod nimia similitudo aliquando vitium est, in textum illatum a librariis, loca parallela prorsus similia sibi reddere conantibus; uti dictum est § 49, varia esse possunt, in quibus diversi scriptores, licet unus sua ex altero haureat, re, quam pertractent, salva, dissentiant, sic e. c. diversa vo-
cum

cum quarundam scribendarum uti possunt ratione, voces quasdam, quae salva linguae ratione omitti addi, transponi, cum aliis permutari queunt, pro lubitu omittere, addere, transponere, cum aliis permutare possunt. Fieri sic quoque potest, ut, maxime in argumento historico, diverso utantur narrandi modo, ut e. c. differant ordine, ac maiore minoreve narrandi brevitate vel amplitudine, ut in nominibus propriis hominum, quae multi inter Hebraeos duo gerebant, unus hoc alter alio nomine utatur et quae sunt similia, in quibus itaque bonus Criticus nullam quaeret lectionis varietatem.

Simili prudentia opus est in iis locis parallelis, quae continent scripta ab auctoribus bis edita, qualia sunt *Pf.* XIV et LIII. *Pf.* XVIII et 2 *Sam.* XXII. *Pf.* XL, 14 etc. et *Pf.* LXX. *Pf.* CV, et 1 *Chron.* XVI etc, quippe in quibus aliquando ipsi auctores aliqua vel e sua mente emendarunt, vel ad alias occasiones accommodarunt (*b*).

Nec denique opus esse, ut omnia conveniant si in loco quodam tantummodo ad alium respicitur, ipsa res ac ratio docet.

Haec si observemus, vix opus est ut regulas de conferendis et ex se mutuo emendandis locis parallelis tradamus, sanum enim critici iudicium semper satis clare docebit, quaenam duarum lectionum vera sit, quae minus (*c*).

(*a*) Omnium locorum Veteris Foederis parallelorum, in certos clasces digestorum catalogum exhibent *Eichhorn*, l. c. § 139^b. et *Bauerus*, l. c. § 37, pag. 236 seqq.

(*b*) Talia exempla varia in locis parallelis attentus ac peritus lector offendet. Sic *Pf.* XVIII, 5. pro **חבל מות** *funes mortis* 2 *Sam.* XXII, 5 est **משברי מות** *fluctus mortis*, quae mutatio est ab ipso auctore. Similis ratio est lectio-
nis **מים השבת** *obscuritas aquarum*, *Pf.* XVIII, 12 et
מים

והקותיו לא *conspisatio aquarum*, 2 Sam. XXII, 12. similiter ab ipso auctore est, quod verba *vs. 23* והקותיו לא *אסור ממנה* in l. p. psalmorum *vs. 23* leguntur *אסיר מני*, et sic in aliis, quamquam saepe, quidnam a prima manu, quid ex emendatione auctoris sit, a nobis, tam subtilem non habentibus linguae eiusque elegantiarum notitiam, ac fuit in ipsis auctoribus, saepe parum liqueat uti vel ex ipsis his exemplis apparet.

(c) Conf. omnino ad hoc argumentum *Cappellus l. c. L. 1. C. III—XIV*, et *Bauer, l. c. § 37 et 132*.

§ 61.

C. *Inquiritur, quid scripta Iosephi, et Patrum quorundam Ecclesiasticorum ad emendandum textum Hebraicum conferre possint.*

C. Tertio loco in numero adminiculorum criticorum haud negligenda sunt scripta Iosephi et quorundam Patrum Ecclesiasticorum.

N. Iosephus quidem an usus fuerit in contexenda archaeologia sua textu Hebraico, num vero versione Graeca Alexandrina, dissentiant eruditi. Immo multi hoc tempore illum sua e versione Graeca, non vero e textu Hebraico, nisi forte perpaucis in locis, desumfisse existimant (a).

Nobis vero contra probabile videtur, Iosephum, ut plurimum usum fuisse ipso textu Hebraico, quamquam et aliquando, versionem Graecam ab eo consultam fuisse, non est quod negemus: etenim

Primo nihil iam in se probabilius videtur, cum Iosephus omnino Hebraice doctus fuerit, non tantum enim hoc iam docere poterit conditio eius, ac solum natale Palaestinae quippe ubi in vivo adhuc usu erat lingua Hebraea, licet multis modis depravata, et ubi legebantur sola Codicis sacri exemplaria Hebraica,

ve.

verum et ex ipso quod de se edidit testimonio, luculenter constat; ipse enim diserte declarat *Ant. Iud.* XX, 11, 2, se patriarum literarum scientia popularibus suis multum antecellere: immo et hoc ex universo eius stilo clare apparet; non potuisset enim, si vel Alexandrina versione usus fuisset, illius Hebraïsmos tam bene in dictionem pure Graecam convertere, nisi Hebraïcae dictionis indolem probe cognitam habuisset. Iam hinc igitur probabile fit, hominem Iudaicum, Hebraïce tam doctum, qui adeoque opus non habuerit, neglecto fonte, e rivulis haurire, praeterito textu originali, versione usum fuisse.

Augetur haec probabilitas inde, quod non eo in honore apud Iudaeos Palaestinenfes erat versio Graeca, ut eam textui Hebraeo praetulissent, cum alieniores plerumque, quam Alexandrini, essent, Palaestinenfes, ab omnibus quae ad linguam et mores Graecorum pertinerent. Neque enim huic adsertioni obmovendum est, Iosephum Graeca versione usum forte fuisse ideo, quod Graeca exemplaria, magis quam Hebraïca essent in manibus Iudaeorum, Iosephum enim hos libros non Iudaeis sed Graecis scripsisse, ipse satis manifesto declarat Prooem. *Cap.* II, 111, dicens, se imitari Eleazarum, qui Regem Ptolemaeum lege Iudaïca impertire voluerit per versionem eius Graecam: immo ne potuit quidem hos libros scribere Iudaeis, utpote, qui res sacras stilo Graeco elegantiori quali Iosephus utebatur, potius profanari, quam exornari putabant, coll. *Ant. Iud.* XX, 11, 2.

At *secundo* non tantum probabile verum et certum putamus, fontem, unde Iosephus expositionem historiae Iudaeorum sacrae hausit, fuisse Codicem Veteris Foederis Hebraeum, consulta tantum hic illic versione Graeca Alexandrina: etenim docet hoc *primo* di-

diserta ipsius Iosephi confessio, dicentis quippe se antiquitatum Iud. opere comprehensurum fore omnem Iudaeorum ἀρχαιολογίαν, καὶ τὴν διατάξιν τῆ πολιτεύματος, ἐκ τῶν Ἑβραϊκῶν μεθερμενευμένην γραμμάτων id est *antiquitatem et reipublicae constitutionem, ex Hebraeis literis translata*. Iosephum autem verbo μεθερμενευσθαι veram intelligere translationem male quidam negant (*b*); cum pro translationis notatione non usus tantum militet linguae, verum et ipsa expositio Iosephi, opus suum mox, uti iam dictum est, comparantis cum opere Eleazari, qui legem in linguam Graecam transtulerit, cui itaque in tantum se similem pronunciavit, quod operis sui materiam ex Hebraïcis Iudaeorum libris repetiit, quippe ceteroquin nullo modo verbo μεθερμενευσθαι uti hoc in argumento potuisset.

Accedit et multa esse in Iosephi opere loca, quibus ille sic mentem suam explicat, ut clare appareat, eum non versionem Graecam Alexandrinam, sed textum Hebraicum sequi. Sic, ut e multis pauca seligamus, *Gen. VIII, 7* secundum textum Hebraicum, quem et sequitur Iosephus, *Ant. I, 3, 5*, Noachus corvum ex arca emisit, qui continuo ad eum redierit, usque dum terra esset desiccata, cum secundum versionem Graecam non redierit. *Gen. XIV, 15* in textu Hebraeo est ויחלק עליהם לילה quod versio Graeca habet καὶ ἐπέπεσεν ἐπ' αὐτὰς τὴν νυκτὰ, Iosephus autem cum in textu Hebraico pro לילה legerit ליל habet πέμπτην ἐπιπέσων νυκτὰ. *Exod. XVII, 15* in textu Hebr. legitur יהוה נסִי quod Iosephus ante oculos habuit, cum vertit Θεὸν νικαιὸν, non vero quod habet versio Graeca κύριος καταφυγὴ μου. *1 Sam. VII, 12* secundum textum Hebraicum Samuel

la-

lapidem, quem erexerat, vocabat אבן העזר *lapidem auxilii*, huc enim, aiebat Iehova עזרנו *adiuvit nos*, et sic etiam LXX, ἐκάλεσε τὸ ὄνομα αὐτοῦ (λίθου) Ἀβεν-εζερ· λίθος τῆ βοηθοῦ, καὶ εἶπεν, ἕως ἐνταῦθα ἐβοήθησεν ἡμῖν ὁ Κύριος, Iosephus autem Ant. VI, 2, 2, haec ita narrat: καὶ καταπηξὰς ἐκεῖ λίθον.... ἰσχυρον αὐτὸν προσαγορεύει, συμβολὸν τῆς παρὰ τῆ Θεῷ γενομένης αὐτοῖς κατὰ τῶν ἐχθρῶν ἰσχυρός: indicio valde probabili eum legisse אבן העזר vel אבן עזר et dein Iehova עזרנו *fuit nostrum* pro עזרנו.

His plura exempla addi possent, nisi brevitati studendum esset (c).

Neque in contrarium adferatur, Iosephum quamplurimis locis convenire cum versione Graeca, vel iis in locis quibus haec discedit a textu Hebraico; nam

1. Iosephum aliquando consuluisse textum Graecum, quem, ubi e sua sententia recte interpretabatur, sequeretur, sententiae nostrae non obstat.

2. Iam a multis viris doctis observatum est, textum Iosephi a Christianis variis locis ad exemplum versionis Graecae mutatum fuisse, cuius rei cum alia exstant exempla, tum unum est illustrissimum in chronologia antediluviana, quae iam in Iosephi exemplaribus I, 3, 4, et *contra Apionem*, I, 3, prorsus convenit cum versione Graeca, cum tamen ex VIII, 3, clare appareat, Iosephum secutum fuisse textum Hebraicum (d).

Quod si itaque verum est, Iosephum suam historiae sacrae descriptionem ex ipso derivasse textu Hebraico, haud spernendi e collatione eius ad crisin sacram redibunt fructus:

1) Enim aliquando conservavit indicia melioris lectionis. Sic, ut hoc utar, 2 Sam. VIII, 17 prava est lectio: Zadocus, filius Achitubi, et Achimelech, filius Abiathari erant sacerdotes; cum, uti ex 1 Sam.

XXIII, 9 et 23 constat, Abiathar Achimelechi, et hic iterum Achitubi fuerit pater. Iosephus autem cum *Ant. Iud.* VII, 5, 4 narret, a Davide Zadocum una cum Abiathare creatum esse sacerdotem, multo rectius verba Hebraica ita transposita legisse videtur: *Zadokus et Abiatharus, filius Achimelechi, filii Achitubi erant sacerdotes.* Similiter 1 *Sam.* VI, 19 Iosephus in textu Hebraeo non legit verba sine dubio spuria, et iam in versione Graeca reperta אֵלֶּךָ; dicit enim *Ant.* VI, 1, 4, Deum e Bethfemefitis interemissee LXX viros, et sic alibi saepius.

2) Saepissime Iosephus hoc saltem diversa, quam sequitur, lectione indicat, quibus de causis iam suo tempore lectionis varietates ortae fuerint. Sic crebro alios ac in textu Hebr. numeros habet, ideo quod diversas legit literas, numeros designantes. Sic e. c. *Ant.* VI, 9, 1 dicit longitudinem statuae Goliathi fuisse cubitorum quatuor, quia nempe in textu Hebr. 1 *Sam.* XVII, 4 qui habet *sex cubitos*, pro אַ *sex* legit דָּ *quatuor*. Hoc modo aliae variationes, apud Iosephum repertae, docere possunt, quaenam imprimis inter se literae permutatae fuerint, ne de aliis variantium lectionum fontibus dicamus, quorum exempla ex Iosepho repeti possunt haud pauca (e).

3. E Patribus quoque Ecclesiasticis lectionis varietates haud paucae repeti possunt, e scriptis Origenis et Hieronymi (f), itidemque e commentariis Ephraïmi Syri, qui licet plerumque uti soleat versione Syriaca, aliquando tamen consuluit textum Hebraeum (g).

(a) Ita *Eichhornius*, l. c., § 339a, ubi et alii viri eruditi, idem opinantes, adducuntur.

(b)

(b) Uti *Eichhornius*, *l. c.*, pag. 5, qui verbo *μετέφρα-
νεύσεσθαι* latiore tribuit significationem cuiuscunque *ex-
plicationis*, sed e solo ingenio suo exsculptam, nullaue ful-
tam linguae Graecae auctoritate.

(c) Plura exempla attulit *Michaëlis*, *Bibl. Orient.*, Tom. V, pag. 328 seqq. et Tom. VII, pag. 180 seqq. et ipse *Eichhornius*, *l. c.*, pag. 7, not.

(d) Conf. *Ernesti*, *Opusc. phil. crit.*, pag. 372 sqq. et *Michaëlis* in *Comment. de chronologia antediluviana*, in *Syntagm. commentat.*

(e) Plura exempla dedit imprimis *Michaëlis*, *Bibl. Or.*, licet inter ea quaedam sunt, minus recte allata.

(f) Conf. *Eichhorn*, *l. c.*, § 113, et 121—127.

(g) Vid. *Eichhorn*, *l. c.*, § 339^a, pag. 7, 8, 9.

§ 62.

D. De usu critico versionum veterum quaedam generatim monentur.

D. Cum nullos habeamus textus Hebraici Codices Mss. saeculo X aut XI antiquiores, Codicesque, quos habemus, omnes ad Masoram accommodati sint; laudanda omnino est providentia divina, quae nobis reservavit antiquas aliquas versiones, ex ipso fonte Hebraico, eodemque nondum ad recensitionem Masorethicam composito, factas, quae non tantum istorum vicem supplent, verum et optimo nostrorum Codicum Mss. longissime praeferendae sunt.

Has autem versiones ut rite crisi sacrae adhibeamus, observanda sunt generatim sequentia.

1. Cum aliae sint veteres versiones *ἀμεσῶς* ex ipso Hebraico textu confectae, aliae, quae ex antiquiore versione derivatae fuerunt; priorem speciem solam usui nostro inservire posse, ipsa res ac ratio docet; cum altera versionum species tantum

adhiberi possit diiudicandae lectioni illius versionis unde illae profectae sint.

II. In diiudicando valore lectionum, quas haec illave versio exhibet, probe attendendum est, a quo, et quando versio talis confecta sit; qualis fuerit, in quantum hoc e versione concludi poterit, indoles Codicis Hebraei, unde illa confecta sit; qualis fuerit ratio versionis; utrum preslius verba Hebraïca sequens, an liberius; denique qualem quantamque linguae Hebraeae notitiam quivis interpret habuerit; quippe e quibus omnibus valor singularum versionum antiquarum pendet, sed quae longe melius usu et exercitatione, quam praeceptis intelligi poterunt.

III. Quo preslius versio quaedam antiqua exprimit verba textus Hebraïci, eo certius inde constitui potest lectio Codicis Hebraei, unde confecta est; quam ob rem e. c. minor in re critica usus est interpretis Graeci libri Iobaei; utpote qui erudite quidem, at saepe liberrime immo et poëtice convertit textum Hebraeum; quam ceterorum interpretum Graecorum, immo quam ipsius Aquilae, qui ad ineptiam usque verbis textus Hebraïci inhaeret.

IV. Priusquam iudiciùm feratur de dissenso a textu Hebraico, qui in versione quadam antiqua reperiatur, ratione et auctoritate, ante omnia inquirendum erit, utrum ipsa ea versionis illius lectio sana sit, an suspecta aut falsa.

V. Quo plures versiones antiquae in lectione quadam, a textu Hebraico diversa, consentiunt, eo maior talis est lectionis auctoritas.

VI. Omnino observandum est, nonnunquam fieri ut diiudicari non possit, utrum interpretes veteres aliquam habuerint, in textu quem expresserint, lectionis diversitatem, an minus. Etenim

A. Saepe haud levis est suspicio illos sensum magis expressisse, quam verba. Sic cum *Ies.* VI, 10, lectionem nostram, רפא לו, *sanatio ipsi erit*, vertant LXX, καὶ ἰάσονται αὐτοῦς, forte solum respexerunt sensum; similiter cum *Ies.* III, 25 LXX pro vocabulo Hebraeo גבורתך habeant ἰσχυόντες ὑμῶν, certum inde non est eos legisse גבוריך, sed fieri potuit ut גבורה sumserint pro גבורים, abstracto posito pro concreto. Pari modo cum *Ies.* XIII, 8 eadem versio verbum יאחזון transferat αὐτοῦς ἔξου, forte hoc non inde est, quod legerit יאחזום, sed quod affixum subintelligendum esse putaverit. Parique ratione etiam aliquando circumscripserunt sensum, uti quando *Hieronymus* verba *Eccles.* I, 15, quae verbotenus ex Hebraico fonte sic essent reddenda: *distortum quis poterit rectificare? et defectus non possunt numerari*, solum respiciens sensum, quem verba illa ex eius mente habent, liberius convertit: *perversi difficile corriguntur, et stultorum infinitus est numerus*.

B. In particulis vel aliis vocibus minutioribus vel exprimendis vel omittendis summa usi sunt haud raro libertate, immo vero licentia, quam in librariis iam notavimus.

C. Porro veteres interpretes aliquando vel satis certo, vel saltem probabiliter, voci cuidam significationem dederunt, nobis iam minus cognitam, at cuius ignoratio *Houbigantio* similibusque linguae Hebraeae eiusque dialectorum rudibus criticis suspicionem movit variantis lectionis. Sic e. c. multi critici *Ies.* XXVIII, 16, pro לא יהיש, LXX legisse putant לא יביש, quia vertunt, οὐ μὴ καταίσχυνηται. attamen sic etiam vertere potuerunt hodiernam lectionem si forte ante oculos habuerint notionem pudoris, quo quis aufugiat ab aliis, aliorum conspe-

tum evitans. Hanc enim reservat dialectus Arabica. Similiter ibidem vs. 18 וּכְפַר בְּרִיתְכֶם ותִּכְפֹּר בְּרִיתְכֶם, *rumpetur foedus vestrum*, et sic legisse LXX, vertentes καὶ ἀφέλη ὑμῶν ἐν διαθήκῃ, putat *Houbigantius*, non cogitans, verbum כִּפַּר, proprie *linere*, *oblinere* habuisse olim notionem *linendo delendi*, et hinc *abolendi*, adeo ut, si spectetur sensus, recte verterint LXX. Idem obtinet aliis in locis quamplurimis. Quapropter saepissime inquirendum est, utrum forte interpretes veteres aliam verborum notionem ante oculos habuerint, ante quam eos aliter legisse definiamus.

VII. Neque etiam improbable est, et ipsos veteres interpretes aliquando, ubi aliter se expedire non posset, coniectura usos fuisse. Sic v. c. interpres Graecus Alexandrinus *Ies.* X, 15 non intelligens phrasin difficiliorem לֹא עֵץ, forte coniectavit legendum esse עֵץ אֹר אוּ *lignum*, eamque coniecturam versioni suae intulit, reddens ῥάβδον ἢ ξύλον. Similiter interpres Syrus, cum *Pf.* I, 1, *eundi* notio cum *consilio improborum*, *standi* autem cum *via peccatorum* coniungatur, per coniecturam criticam, transpositis verbis הֵלֵךְ et עָמַד, ita vertit: *beatus ille, qui in via improborum non ambulat, nec in consilio peccatorum stat.*

VIII. Denique et hoc observandum est, fieri potuisse immo et saepius factum esse, ut ipsi interpretes verba quaedam male legerint, adeoque vitio attentionis a vera Hebraïci textus lectione aberraverint, e quo fonte varii in versionibus antiquis exstiterunt errores, iique saepe turpes.

Ad varia quae hac § continentur, conf. *Iahn*, l. c., § 119, et *Bauer*, l. c., § 134.

§ 63.

*Exponitur usus criticus versionis Graecae
Alexandrinae.*

His generatim de usu critico versionum veterum, e fonte Hebraeo profectarum, praemonitis, de singulis versionibus in quantum instituti nostri ratio postulabit, breviter agendum erit.

Omnibus igitur, sive antiquitatis, sive multiplicis in re critica usus rationem habeas, omnibus inquam palmam praeripit versio Graeca Alexandrina, cuius quae-
nam origo fuerit, quonam tempore sit confecta, dictum est § 23.

Confectam esse ex ipso fonte Hebraeo, nemini, qui vel fugitivo oculo eam inspiciat, esse dubium potest (a).

Plures vero fuerunt diversique diversorum librorum interpretes, uti e diversa qua polluerunt linguae sive Graecae, sive Hebraeae, notitia, e diversa orthographia, et e diversa vertendi ratione luculenter apparet (b).

Quae vero etiam cunque horum interpretum sit differentia; illud tamen inter se commune habent, quod Graeca utantur lingua, Hebraïsmis refertissima, nec non quod omnes verbis Hebraïcis ita inhaerant, ut plerumque verbum de verbo reddiderint; ita tamen, ut alii aliis pressius verba Hebraea expriment (c).

Patriam eorum Aegyptum fuisse, haud pauca docent indicia satis luculenta (d). Neque tamen dubium esse potest, quin Hebraeae linguae peritissimi fuerint, si quidem eorum laborem cum textu Hebraeo diligenter conferamus. Quae res imprimis etiam inde apparet, quod, sicut dictum est, quamplurimis vocabulis Hebraeis significationes tribuant, quas, licet iam minus cognitae, veras esse, dialectorum collatio luculenter docet (e).

Si autem singuli interpretes inter se comparentur, eorum valor diversimode aestimandus est. — Omnes linguae Hebraeae et Graecae peritia vincit interpres Pentateuchi. Post quem iisdem nominibus laudari meretur interpres Proverbiorum Salomonis, etiam ibi haud raro ingenium suum ostendens, ubi manifesto a vero aberrat. Iobi interpres Graece quidem peritissimus est, immo saepius sese in legendis Poëtis Graecis hospitem non fuisse ostendit; Hebraicae vero linguae notitiam habuit valde imperfectam. Interpretes Psalmorum ac librorum poëticorum omnium et Prophetiarum omni carent genio Poëtico, ac plerumque verbotenus textum interpretati sunt. Interpres imprimis Ecclesiastae tam presse sequitur verba Hebraea, ut et ipsam accusativi notam אין inepte per Graecum $\sigma\upsilon\nu$ reddiderit. Quae vero omnia latius exponere, et exemplis firmare, instituti nostri ratio non permittit (*f*). Danielis praesertim versio tot abundat vitiis, ut Ecclesia Graeca illius loco usa fuerit versione Theodotionis (*g*).

Cum vero versionis huius, utpote a Christianis, immo et ante saeculum secundum a Iudaeis maximi aestimatae, quotidianoque immo et iam sacro usu receptae (*h*), multa describerentur exemplaria, fieri non potuit, quin multa in eam irrepererent vitia (*i*); qua de causa *Origenes* editionem tunc vulgatam, quam νοιν\eta\nu appellabant, denuo cum textu Hebraico contulit, omnesque ab eo dissentientes lectiones accurate notavit insigni Hexaplorum opere, de quo dictum est § 26. Opus autem hoc, licet non nisi in fragmentis superstes sit, ex eo tamen tempore textus Graecus, prouti ab Origene descriptus fuit, cura *Pamphili* et *Eusebii* publicatus fuit; at vero parum medelae sic allatum est textui huius versionis, cum *Origenes* ipsum textum intactum reliquerit, et ex
aliis

aliis versionibus addiderit quae deficerent praefixo asterico, redundantia denique obelo ÷ notaverit. Praeterea saeculo III ac IV *Hesychius*, *Lucianus*, *Basiliius Caesareensis* aliique recensendo textui Graeco eumque ad textum Hebr. emendando manus admo-verunt: sed illarum recensio-num vel fragmenta vel et nomina solummodo nostram aetatem attigerunt (*k*).

E tribus autem editionibus, Hexaplari, a Pamphilo et Eusebio edita, Hesychiana et Lucianea deinde omnia exemplaria tam manu scripta, quam typis impressa orta sunt, licet quam editionem quivis sequatur, indicari vix possit (*l*).

Ceterum editiones versionis Alexandrinae principes, unde reliquae omnes fluxerunt, sunt numero quatuor

1) *Complutensis*, e pluribus Codicibus, sed quos editores ne verbo quidem nominarunt, adornata, inserta Bibliis polyglottis Complutensibus, anno 1515 editis,

2) *Aldina* edita in aedibus *Aldi Manutii*, ab *Andrea Anselano*, Venetiis 1518, cuius textus itidem e variis Codd. descriptus dicitur, at vero ex aliis versionibus saepe interpolatus et ad citationes in N. T. factas compositus est,

3) *Vaticana*, seu *Romana*, Romae 1587 expressa ita ut saepius multa sint mutata,

4) *Alexandrina* a *Io. Ern. Grabe*, et eo mortuo a *Francisco Lee*, edita Oxonii, 4 voll. in fol. annis 1707, 1709, 1719 et 1720, in qua expressus est textus Codicis antiquissimi Alexandrini, sed saepe multum immutatus. Ex omnibus autem editionibus ad usum aptissima est illa, quam, maxime ad fidem Codicis Vaticani adornavit *Lamb. Bos*, Franequerae 1709, 4^{to} (*m*).

Editores autem hi multum adhuc ad emendandum textum reliquerunt. Praedicanda igitur est aevi no-

firi felicitas, qua plures iam ab aliquo tempore emendando textui versionis huius manus admoverunt, qua praesertim *Holmesius*, Anglus eruditus, textum hunc denuo, adhibitis omnibus, quae immenso sumtu ac labore sibi acquirere potuit, subsidiis criticis, eodem modo edere coepit, quo textum Hebraeum edit *Kennicottus* (n).

(a) Novam quidem hypothesin excogitavit anno 1772 *Olav. Gerh. Tychsen*, Philologus ista aetate Butzovienfis, edito libro, saepius iam a nobis citato, *Tentamine de variis Codicum Hebraeorum Vet. Test. Mss. generibus*. Illos enim, qui LXX interpretes dici solent, a Ptolemaeo arcesitos, Codicem Hebraeum non in linguam Graecam transtulisse aiebat, sed tantum Hebraeum textum literis Graecis descripsisse; ex quo textu deinde demum confecta sit versio, quae iam Alexandrina, seu Septuagintaviralis appellatur. Hanc vero sententiam multi viri eruditi refutarunt, uti *Ernesti*, *Neueste Theol. Bibl.*, T. II, pag. 357 seqq. et pag. 451 seqq. *Michaëlis*, *Orient. und Exeget. Bibl.*, Tom. V, pag. 1 seqq. *I. F. Hirt*, *Orient. und Exeget. Bibl.*, Tom. III, pag. 70 seqq. *I. A. Dathe*, in praefatione primae editioni versionis Prophetarum minorum praemisssa, sed quae, licet lectu sit dignissima, in secunda editione non reperitur: et *Hasjenkamp* in libello adversus Tychsenium conscripto: *Der entdeckte wahre Ursprung der alten Bibeluebersetzungen* (*Minden* 1775), ne alia de hoc argumento scripta eristica commemoremus, enumerata ab *Eichhornio*, *l. c.*, pag. 384, not. b. Breviter vero sed simul accurate hanc sententiam examinavit *Eichhornius*, *l. c.*, § 182. 183, et *Bauer*, *l. c.*, § 45, pag. 254 seqq.

(b) Exempla, hoc luculenter probantia, se offerunt cuivis, versionem Graecam Alexandrinam accurate legenti. Eorum aliqua exhibuit *Iahn*, *l. c.*, § 34, pag. 152.

(c) Exemplis idoneis hoc probavit *Eichhornius*, *l. c.*, § 165.

(d) Probant hoc praesertim vocabula quaedam Aegyptiaca, quae in versione hac reperiuntur, uti *ougi* pro *איפה*,

Αχι

Αχι pro ערות, *Πεμφαν* pro כיון etc. Conf. *Eichhorn*, l. c., § 165, pag. 346, 347.

(e) Variis exemplis hoc confirmatum inveniet quicumque ad versionis huius attentam lectionem adferat aliquam linguae Hebraeae et dialectorum eius peritiam. Sic. e. g. nomen פדות, *Exod.* VIII, 19, plerique male vertunt *liberationem*; interpret Alex. recte vertit διαβολήν, *separationem*, quae verbi פדה notio conservata est in dialecto Arabica. Verbum וישמחו. 2 *Chron.* XXIV, 10 vertit Graecus interpret: καὶ ἔδωκαν, e notione *liberalitatis*, *liberaliter donandi*, quam notionem habet Arabicum سَمَّ، et sic in multis aliis.

(f) Conf. de diversis interpretum horum characteribus *Eichhorn*, l. c., § 165, *Bauer*, l. c., § 43, *Iahn*, l. c., § 36.

(g) Ita de versione septuagintavirali libri Danielis scribit *Hieronymus*, *Praefat. in Dan.* „Danielem iuxta LXX interpretes Domini Salvatoris Ecclesiae non legunt, utentes Theodotionis editione. et cur hoc acciderit nescio.” Dein quibusdam de rationibus cur hoc acciderit coniecturis interpositis, addit: „hoc unum affirmare possum quod multum a veritate discordet, et recte iudicio repudiatus sit.” Hac vero de causa versio Alexandrina Danielis rarissime descripta est, adeo ut adhuc unus modo eius Codex Mss. cognitus sit, nempe Chisianus, in Bibliotheca Vaticana asservatus, e qua typis edita est haec versio Romae, anno 1772, quae editio deinde repetita est Gottingae, 1774 et cuius textum, eruditis annotationibus locupletatum anno 1775 Traiecti ad Rhenum edit cl. *Car. Segaar*.

(h) Vid. *Eichhorn*, l. c., § 166. *Bauer*, l. c., § 46. *Iahn*, l. c., § 37.

(i) Varia exempla, quae multis aliis augeri possent, dedit *Eichhorn*, l. c., § 167.

(k) Conf. de his recensionebus *Hodius*, de *Bibl. text. Orig.*, L. IV, C. 2 et 3, et eruditum *Usferii Syntagma de LXX interpretum versione*.

(l) Hinc multum, sed plerumque absque fundamento, hac de re dissentiunt Critici. Vid. *Bauer*, l. c., § 51, pag. 269.

(m) Editiones has enumerarunt praeter alios *Eichhorn*, l. c., § 181 et *Bauer*, l. c., § 52.

(n)

(n) Conf. *Eichhorn, l. c., § 179*, et prae ceteris cl. *Iacobi Amersfoordt, Disf. de variis lectionibus Holmesianis locorum quorundam Pentateuchi. Lugd. Bat. 1815.*

§ 64.

De fragmentis superstitibus reliquarum versionum veterum Graecarum agitur.

Praeter versionem Graecam Alexandrinam et aliae olim exstiterunt versiones quaedam Graecae, illa iuniores, quarum tantum fragmenta quaedam ad nos pervenere, quae vero et ipsa haud exiguum in critica sacra exhibent auxilium. In his principe loco collocamus fragmenta versionum *Aquilae, Theodotionis et Symmachi, Hexaplis ab Origene insertarum*, de quarum auctoribus, origine, et indole iam dictum est § 25. Ex his Aquilae versio eo maiorem habet, in variantibus lectionibus diiudicandis utilitatem, quo prescius textui Hebraeo adhaeret (a).

Neque huic utilitati quidquam demit accusatio, quam in Aquilam coniecerunt Patres quidam Ecclesiastici, ac si ille, cum Iudaeus fuerit, saepius textum Hebraeum de industria ad convenientiam cum opinionibus Iudaicis mutasset; cum accusatio illa sit iudicium haud idoneorum, utpote Hebraicae linguae imperitorum, exempla autem, quae huius criminationis firmandae causa adferunt, valde sint inepta, *Hieronymus* denique, qui versionem Aquilae cum textu Hebraeo contulit, nihil in ea invenerit, quo talis criminatio probaretur (b). *Theodotionis*, cum exiguum habuerit linguae Hebraeae notitiam, et plerumque versionem Alexandrinam sequatur, minus in diiudicandis lectionibus textus Hebraici, quam in examine critico textus antiqui versionis Graecae Alexandri-

drinae, est momentum (c). Denique *Symmachi* versio, licet perspicua fuerit ac pura, cum tamen, uti testatur Hieronymus, et fragmenta quae supersunt, evidenter comprobant, *non verbum e verbo, ut Aquila, sed sensum ex sensu transtulerit*, ad crisin textus sacri adhibenda est magna cum circumspectione, ne forte liberiores eius translationem pro indicio diversae in textu Hebraeo lectionis habeamus (d).

Praeter has autem Origenes in Hexaplorum opere, etiam tres commemorat alias versiones, ex Oriente deportatas, et ab ignotis ipsi auctoribus, ex Hebraeo fonte confectas, non quidem universi Codicis Hebraei, sed quorundam librorum eius, quas a columna, quam in Hexaplis occupabant, vocabat *quintam, sextam et septimam*, quarum vero, cum prior maxime interpretes Alexandrinos ac Theodotionem, secunda eosdem et Aquilam ac Symmachum sequi soleat, tertia denique nimia utatur interpretationis libertate, adeo ut saepe paraphrasin potius quam versionem exhibeat, exigua est ad crisin textus Hebraei utilitas (e).

Tandem praeter fragmenta haec versionum, Hexaplis Origenianis insertarum, ad marginem etiam multorum Codicum versionis Graecae Alexandrinae aliae quaedam commemorantur versiones veteres Graecae, ex Hebraeo fonte factae, quarum vero usus, cum valor e fragmentis superstitibus satis certo diiudicari nequeat, in re critica est exiguus: vocantur illae, ὁ Ἑβραῖος, ὁ Συρος, το Σαμαρείτικον, ὁ Ἑλληνικός, et denique ὁ ἄλλος vel ὁ ἀνεπιγραφος (f).

(a) Conf. I. A. Dathe, *Disputatio philologico-critica in Aquilae reliquias interpretationis*, Opusc., pag. 1 seqq.

(b) Evidenter praeter alios hoc probavit *Eichhornius*, l. c., § 187.

(c) Conf. imprimis *Iahn*, l. c., § 41.

(d)

(d) Vid. auctores citati ad § 25, not. (c).

(e) Egregie de tribus his versionibus egit *Eichhornius*, l. c., § 201—204, quem compilavit *Bauerus*, l. c., § 56.

(f) Etiam de his versionibus vid. imprimis *Eichhorn*, l. c., § 205—209, *Bauerus*, l. c., § 57. et *Iahn*, l. c., § 44.

§ 65.

Exponitur usus criticus paraphrasium Chaldaicarum.

Versiones Graecas antiquiores, quae principem in subsidiis criticis locum obtinent, excipiant paraphrasae Chaldaicae, ab Iudaeis תרגומים, *interpretationes*, appellatae, quarum antiquissima, Pentateuchum complexa, et ab Onkeloso confecta, iam commemorata est § 25.

Huic paraphrasi deinde et aliae in omnes libros Veteris Foederis, a diversis auctoribus, diversaque aetate conscriptae, additae sunt, e quibus autem quae huc usque cognitae sunt non comprehendunt *Ezrae*, *Nehemiae* ac *Daniëlis* libros, qui forte hic illic in Bibliothecis latent. Ex iis vero, quae typis impressae exstant, hae decem numerantur.

1) *Onkelosi Targum in Pentateuchum*, quod cum prescius textui Hebraeo inhaereat, paucasque contineat fabulas et excursiones, lingua insuper satis pura sit conscriptum, denique haud paucas contineat variantes lectiones, auctoritate veterum versionum confirmatas, haud parvi in critica sacra est momenti.

2) *Targum*, adscriptum *Ionathani* cuidam *Uzielis* filio, in *Prophetas*, cum priores, tum posteriores, incertae aetatis, lingua compositum minus pura, quam *Targum Onkelosi*, variis itidem fabellis mixtum. Aliquod eius est in re critica momentum, cum, etsi plerumque cum textu Hebraeo conveniat, quas-

dam

dam tamen, easque aliquando melioris notae, exhibeat lectionis varietates.

3) *Targum in Pentateuchum*, ab Iudaeis eidem *Ionathani* adscriptum, sed, quemadmodum nomina in eo obvia Constantinopoleos, Longobardiae, Turcorum, et mixtura vocum Latinarum, Graecarum, Perficarum, clare docent, recentis aetatis, saltem sexto saeculo haud antiquius, stilo prorsus impuro conscriptum, fabulis, digressionibus, futis colloquiis, similibusque ineptiis pluribus plenissimum, in crisi itaque nullius fere utilitatis.

4) Eadem est indoles *Targumi Hierosolymitani in Pentateuchum*, varia e variis libris absque iudicio congesta comprehendentis collectanea, recentissimaeque originis.

5) *Targum in Hagiographa*, vulgo ab Iudaeis tributum *Iosepho* cuidam *coeco*, sed quemadmodum diversitas stili, dictionis ac methodi docet, diversorum auctorum opus, exiguaeque propter easdem, quae iam datae sunt, rationes, utilitatis, excepto *Targum in Proverbia Salomonis*, utpote quod mire consentit cum versione Syriaca, quaecum itaque forte haud inutiliter conferri potest.

6) *Targum in quinque Megilloth*, quo nomine ab Iudaeis vocantur libri Ecclesiastae, Cantici canticorum, Threnorum, Ruthae et Estherae, eiusdem iterum ac praecedentia furfuris.

7, 8, 9) *Tria Targumim in librum Estherae*, quorum primum contractius, duo reliqua diffusiora, sed omnia ineptiis scatentia, vix ullam praestant utilitatem.

10) *Targum in libros Chronicorum*, primum e Ms. Erfurtenfi editum a *Matthia Friderico Beckio*, Augustae Vindelicorum 1680, 4to, deinde accuratius e Ms. Cantabrigiensi a *Davide Wilkens*, Amstelada-

dami, 1715, 4^{to}. Verum et hoc Targum, licet eruditius a Beckio notis locupletatum, haud magni tamen est valoris (a).

Apparet itaque ex his tantum eorum Targumim aliquam esse utilitatem, quae primo et secundo loco commemorata sunt.

Caeterum et hoc ad usum criticum harum paraphrasium observare iuvat, eas primum absque punctis conscriptas; deinde vero a Grammaticis Iudaeis diversarum aetatum ac temporum punctis instructas esse, unde magna erat in punctatione diversitas, donec tandem *Buxtorfius* in sua Bibliorum editione punctationem earum, ad eam conformavit, quae in Chaldaicis Danielis et Ezrae partibus reperiuntur (b).

Porro et hoc observandum est, postquam vetus dialectus Hebraea apud Iudaeos cum Dialecto Chaldaica permutata fuisset, atque hinc paraphrases Chaldaicae non tantum frequentius, quam textus Hebraeus, legerentur, verum et cum textu Hebraeo coniungerentur, saepius factum fuisse, ut vel hae paraphrases ad textum Hebraeum conformarentur, vel textus Hebraeus ex his paraphrasibus emendaretur; unde orta fuit multis in locis textus Hebraei cum paraphrasibus Chaldaicis convenientia (c). Hinc autem efficitur, eas critica opus habere elaboratione, antequam multis saltem in locis, emendando textui Hebraeo, adhiberi possint.

(a) Conf. de paraphrasibus his praeter alios *Fabrice*, l. c., Tom. I, pag. 96—118. *Eichhorn*, l. c., § 213—244, *Bauer*, l. c., § 52—81. Variantium lectionum specimina ex iis collegit *Capellus*, l. c., Lib. V, Cap. II, in quibus vero eum saepius errare in notis subiectis docet *Io. Scharfenburgius*.

(b) Conf. *Michaëlis*, *Gramm. Chald.* (Gott. 1771.) § 3, qui et pag. 103 seqq. excerptis e Codice Casellano clare demonstravit hanc punctationis diversitatem.


(c)

(c) Hoc perspicue imprimis ostendit *Eichhorn*, l. c., § 217, 218.

§ 66.

Declaratur usus criticus versionis Syriacae, quae Peshito, seu simplex appellatur.

Cum iam satis mature Ecclesia Christiana in Syria floruerit, mirum non est, plurimas illic olim existisse versiones librorum sacrorum, non Novi tantum, verum et Veteris foederis, vel e fonte Hebraeo, vel e versione Alexandrina Graeca confectas (a).

Ex iis, quae e fonte Hebraeo derivatae sunt, prima ad nos pervenit, quae Syriace , id est *simplex*, *literalis* appellatur, cuius nominis ratio hodie difficulter investigari potest.

Illam saeculo IV iam esse antiquiorem, dictum est § 25. Fuisse illam ex ipso textu Hebraeo ductam, non e disertio tantum testimonio *Barhebraei* seu *Abulpharagii* (b), verum et e collatione ipsius textus Syriaci cum textu Hebraeo luculentissime apparet (c).

Huic autem asserzioni non obstat magna quae variis locis reperitur inter textum Syriacum et textum versionis Graecae Alexandrinae, etiam illic, ubi ea a textu Hebraeo dissentit, convenientia,

1) enim convenientia haec longe est rarior, quam consensus cum textu Hebraeo.

2) Negari nequit multis locis convenientiam hanc inde oriri potuisse, quod et Syrus et Graecus interpretes quisque eandem in Codicibus suis Hebraeis invenerunt lectiones.

3) Varia exstant argumenta, quibus certum est,

K

ver-

versionem Syriacam, testantibus etiam ipsis scriptoribus Syris, multis in locis ad conformitatem cum textu versionis Graecae, utpote cuius magna esset ubique veneratio, immutatam fuisse (*d*).

Differentia porro rationis interpretandi, quae in diversis libris reperitur, quae cuique, hanc versionem accurate legenti, in oculos incurrat necesse est, multos in opinionem adduxit haud improbabilem, versionem hanc a pluribus auctoribus esse profectam (*e*).

In usu autem huius versionis critico ad examinandum textum Hebraeum, observandum omnino praeter hoc, quod textus aliquando, uti modo dictum est, e versione Graeca Alexandrina interpolatus est,

1) eam saepe esse liberiores (*f*),

2) textum eius cum in aliis libris, tum maxime in Psalmis aliquando haud improbabiler ad liturgias Ecclesiae Syriacae et Psalteria in cultu publico Syrorum usitata, haud parum immutatum fuisse (*g*).

Licet haud pauci Codices Mss. huius versionis in Bibliothecis Europaeis exstarent, edita tamen demum fuit primo in polyglottis Parisiensibus 1629—1645, deinde correctius in polyglottis Londinensibus. Psalmi saepius editi sunt separatim, imprimis secundum 2 Codd. Mss. ab *Erpenio* Lugd. Bat. 1625, 4to, quam editionem denuo recensuit, variantibus lectionibus polyglottorum Londinensium, notisque philologicis et criticis adiectis *I. A. Dathe*, *Halae* 1768. 8o mai. Pentateuchum Syriacum e polyglottis Londinensibus edidit *Georg. Gulielmus Kirsch*, *Hofae* et *Lipsiae* 1787, 4to (*h*).

(*a*) Has versiones plenius aliis enumerat *Eichhorn*, *l. c.*, § 246, easque descripsit § 258—274.

(*b*) Vid. *Assemanni*, *Bibl. Orient.*, Tom. II, pag. 274 et *Abulfaragii Hist. Dynast.*, pag. 100.

(*c*)

(c) Evidenter imprimis hoc probavit *Eichhorn*, l. c., § 253 *Semlerum*, infirmis admodum argumentis probare conatum, versionem hanc ex Hexaplis Origenianis factam esse, docte refutavit *Dathe*, *Praefat. ad Psalterium Syr.* pag. X seqq. quocum conf. *Eichhorn*, l. c., § 249 et *Bauer*, l. c., pag. 313, 314.

(d) Conf. *Eichhorn*, l. c., § 254 et brevius, *Bauer*, l. c., pag. 320.

(e) Vid. *Eichhorn*, l. c., § 250, *Bauer*, l. c., § 84. Cadit hinc quaestio, quae et ceteroquin vana est, num auctor versionis fuerit Iudaeus, uti putabat *Rich. Simonius*, an ex Iudaeo Christianus, quae *Michaëlis* et *Dathii* erat opinio, de qua quaestione vid. *Eichhorn*, l. c.

(f) Exemplis hoc probavit *Bauer*, l. c., pag. 316.

(g) Probavit hoc imprimis *Dathe*, *not. ad Psalterium Syr. Ps. LVI, LXXIII, CIX*, et *Praefat.*, pag. 27 seqq.

(h) De editionibus huius versionis conf. *Eichhorn*, l. c., § 257 et *Bauer*, l. c. § 82. De editione Psalmorum Erpeniana conf. *Dathe*, *Praef. ad Psalt. Syr.*, pag. 33 seqq. et de editione in polyglottis Londinensibus, *Michaëlis*, *Abhand. über die Syrische Sprache*, pag. 59, 60.

§ 67.

*Considerantur versiones antiquiores Arabicae e
textu Hebraico factae, imprimis Arabica
versio Pentateuchi Samaritani.*

Cum iam diu ante Mohammedem multi in Arabia et Iudaei essent, et Christiani; immo et Iudaeorum in Arabia seculo V florentissimum esset regnum; iam hinc probabile est, varias fuisse etiam Arabicas versiones, cum e textu Hebraeo, tum et e versione Graeca Alexandrina, tum forte etiam e Syriacis versionibus confictas. Deinde vero postquam Mohammedani fere omnem, quae Indicum et Atlanticum mare interiacet, regionem armis subegissent, Ara-

bicaeque etiam linguae usum per omnes illas regiones propagassent, mirum non est, per amplissimum regionum istarum intervallum, numerum versionum Arabicarum haud parum auctam fuisse. Ex quibus, quae ad manus nostras pervenit, ea facta est cum e textu Hebraico, tum et ex aliis versionibus, Syriaca, Graeca Alexandrina, Coptica, et vulgata Latina (a). Nulla vero alia ad nostram pervenit aetatem praeter unam versionem Arabicam Pentateuchi Samaritani, sed cuius, adhuc in Manuscriptis latentis, tantum descriptiones quasdam et fragmenta ediderunt viri eruditi (b). Reliquae versiones Arabicae, omnes, quas nunc habemus, e textu Masorethico ductae sunt, de quibus dicetur § 73.

(a) Recenset omnes has versiones, et describit *Eichhorn*, *l. c.*, § 275 seqq.

(b) De hac versione conf. omnino *Eichhorn*, *l. c.*, § 286-289, auctoresque ab eo citati.

§ 68.

De versione Pentateuchi Samaritana quaedam dicuntur.

Est quoque in Polyglottis Parisiensibus et Londinensibus descripta versio in dialectum Samaritanam, quae dialectus est Aramaea inter Chaldaicam et Syriacam intermedia, Pentateuchi Hebraeo-Samaritani, de cuius auctore et aetate quae a multis olim dicta sunt, omnia sunt incerta, praeter hoc unum, eam antiquiorem esse saeculo VIII, quo tempore invasio Saracenorum vivum dialecti Samaritanae usum, introducto usu linguae Arabicae, fere universum delevit.]

Se-

Sequitur haec versio exacte fere ad verbum textum Hebraeo-Samaritanum, eo tantum excepto quod, more Samaritanorum, immo et Iudaeorum, nomina יהוה et אלהים notione *angeli Dei* exprimit. Ceterum, licet plerumque cum Pentateucho Hebraeo-Samaritano conveniat, aliquando tamen ab eo, aequae ac a textu Hebraeo, diversas habet lectiones. Varias quoque in hanc versionem irrepperunt interpolationes; immo et aliquando duas interpretationes simul in textu habet, claro indicio, earum unam e margine in textum illatam fuisse. Tandemque et hoc observandum est, eam saepe cum paraphrasi Chaldaica Onkelosi convenire, indicio, auctorem ea usum fuisse.

Conf. de hac versione *Eichhorn*, l. c., § 303, 304, 305. *Bauer*, l. c., § 95. *Iahn*, l. c., § 45.

§ 69.

Versio Latina Hieronymi, eaque, quae hodie vulgata appellatur.

Latinae linguae usus cum per universum fere occidentem increbuisset, nemo mirabitur, iam satis mature varias factas fuisse Codicis sacri versiones Latinas, easque, cum a Christianis conficerentur, Hebraicam linguam ignorantibus, e versione Graeca Alexandrina derivatas.

Probabilem hanc coniecturam auctoritate sua tamquam veram confirmat Augustinus, clare indicans ingentem sua aetate fuisse versionum Latinarum numerum (a). Ex iis vero versionibus una erat, confecta ad editionem *κωννη* versionis Graecae Alexandrinae (§ 63), eaque de causa appellari solita *vul-*

gata, vel et *vetus*, quae publici in universa Ecclesia Occidentali usus auctoritatem habebat (*b*).

Versio haec, cuius confectae aetas seculo secundo haud antiquior esse videtur (*c*), et quae ubi confecta sit itidem ignoratur (*d*), ad verbum sequebatur versionem Alexandrinam (*e*). Hodie vero illa tantummodo integra reservata est in libris *Iobi*, *Psalterium* et quorundam Apocryphorum, ceterorum vero librorum sola quaedam exstant fragmenta in scriptis Patrum Ecclesiasticorum dispersa, et a variis viris eruditis collecta (*f*).

Cum contextus versionis illius Latinae crebra descriptione multorumque descriptorum correctionibus et interpolationibus miserum in modum corrumperebatur (*g*), *Hieronymus* primum, a *Damaso*, Episcopo Romano, rogatus, circa annum 383 *Psalterium*, cuius in cultu sacro maximus esset usus, ad versionem Graecam correxit, sed non nisi, uti ipse dicit *cursim*, et *magna ex parte*, haud etiam additis correctionis suae signis: quod *Psalterium*, cum in Ecclesia Romana publico usu reciperetur, *Psalterium Romanum* dictum est. — Postea cum et huius *Psalterii* editionis textus interpolatione e veteribus corruptus exemplaribus nova vitia contraxisset, denuo *Psalterium*, maiore quam antea ei cura adhibita, additisque correctionum signis, obelis et asteriscis, et consulto etiam aliquando textu Hebraico, edidit. quae editio, cum in Ecclesias Gallicas ad usum sacrum reciperetur, *Psalterii Gallici* nomine insignita est.

Tandem vero anno 390 vel 391 totum textum Latinum ad fidem versionis Graecae correxit, additis etiam correctionis signis. Huius autem editionis tantum sex libri sacri ab Hieronymo editi fuerunt, *Psalmi*, *Iobus*, *Proverbia Salomonae*, *Ecclastes*,
Can-

Canticum canticorum, et *Paralipomena*, cum pleraque alia illius laboris, uti ipse dicit, *fraude cuiusdam amisisset*. Ex his vero etiam sex libris huius editionis, quae magnam mox in Ecclesia nacta est auctoritatem, tres tantum libri superstites, ad nostram aetatem pervenerunt, *Iobus*, et utrumque *Psalterium*, cum *Romanum*, tum *Gallicanum*; reliqui forte adhuc in Bibliothecis latent (*h*).

Neque hic substituerunt labores critici Hieronymi, in quibus, si plures nobis eorum superessent reliquiae, egregium haberemus emendandae versionis Graecae Alexandrinae subsidium. Verum etiam, eo praecipue consilio, ut Iudaeis, criminantibus, versionem Graecam Alexandrinam, qua sola in disputationibus cum Iudaeis utebantur Christiani, haud raro a textu Hebraeo dissentire, os obstrueret, per varia temporum intervalla novam confecit librorum V. F. ex ipse fonte Hebraeo versionem, ita tamen, ut, ne nimia novitate offenderet, ad versionem LXX interpretum, Aquilae, Symmachi, et Theodotionis, ubi illi textum Hebraeum e sua opinione bene expressissent, suam versionem quodammodo accommodaret (*i*).

Quamquam vero multos annos in conficienda hac versione occupatus fuisset Hieronymus, ac revera optime hoc labore de Codice sacro meritus esset, multis tamen opus hoc displicuit, in quo conatum videre sibi viderentur nimium deprimendae versionis Graecae Alexandrinae, cuius, uti supra dictum est, summa esset in universa Ecclesia auctoritas (*k*).

Aliis vero etiam valde placuit versio haec, adeo ut sensim multae eam reciperent Ecclesiae, tandemque tantam in universa Ecclesia Latina nacta sit auctoritatem ut vetus vulgata penitus fere submoveretur (*l*).

Quo communior autem huius versionis usus fieret, eo pluribus corruptionibus fuit infecta. Vel enim, inscite hanc e veteri vulgata corrigebant, vel locis, ubi eadem res narratur, e. c. libris Regum et Paralipomenis, sibi invicem ad verba etiam et minutias similibus reddendis male sedulam operam collocabant, vel textum ex aliis scriptoribus, e. c. ex Iosepho, refingebant, vel et loca aliqua libris liturgicis accommodabant, vel denique alia vitia textui inferebant (*m*).

Haec itaque versionis huius corruptio *Carolus Magnus* permovit, ut eius contextum corrigendum demanderet *Alcuino*, viro ea aetate eruditissimo. Postea *Lanfrancus*, Archiepiscopus Cantabrigiensis, saeculo XI, et *Nicolaus*, S. Damasi Diaconus Cardinalis, saeculo XII eidem operi vacavit. Eodem fere tempore Theologi Parisienses ac Dominicani, nec non *Hugo a S. Caro* editis *correctoriis Biblicis* textum emendare conati sunt: quibus omnibus forte et alia huiusmodi conamina, quorum periit memoria, accesserunt (*n*); sed quae omnia, cum auctores a veri critices scientia essent imparatiores, parum utilitatis attulerunt; immo forte aliquando textum magis depravarunt, quam emendarunt.

Inventa deinde arte typographica, multi quoque saeculo XV et XVI versionis huius textui corrigendo manus admovent, tam editionibus criticis, quam libris, ad crisin versionis huius facientibus publicatis (*o*).

Tandem haec versio Hieronymiana, cuius iam a multis saeculis summa fuisset in Ecclesia Latina auctoritas, concilio Tridentino declarata est *sola authentica*, id est, quae publice in Ecclesia Romana adhibenda esset (*p*). Huic vero usui quo melius inserviret, concilium mox Patres quosdam de-
pu-

putavit, qui curarent, ut versio illa emendate ederetur; sed cum opus istud a *Paullo* III, P. R. tamquam ad se pertinens, impediretur, Pius IV viris quibusdam doctis provinciam demandavit editionem versionis vulgatae castigandi et emendatissime edendi, idemque institutum, eo mortuo, prosecutus est *Pius* V. Parum vero opere hoc effectum est, donec Sixtus V anno 1589 delectis a se viris eruditis mandaret ut novam, eamque e Codicibus Mss. immo et, si Codices ac doctorum consensus auxilium negarent, ex ipso textu Hebr. emendatam huius versionis procurarent editionem, ita quidem ut et ipse manum operi huic adhiberet, eligens id quod e pluribus optimum censeret, suaeque manu corrigens, si qua praelo vitia obrepisissent (q). Quod Sixti opus mox tanta imperfectione laborare videbatur *Gregorio* XIV, ut eodem anno novam confici curaret editionem, in qua plus quam 2000 loci ad fidem Codicum Mss., citationum a Patribus factarum, itidemque textus Hebraei corrigebantur, quae vero editio publicata, et, abrogata editione Sixtina, tamquam sola authentica declarata fuit a *Clemente* VIII, anno 1592. Atque haec ista est editio *vulgatae versionis Latinae*, qua uti solent Pontificii quae vero non universa est Hieronymi versio, utpote quae Codicum defectu et corruptione restitui non potuit, sed e tribus versionibus conflata est: nam

I. E versione veteri vulgata ante Hieronymum redditi sunt libri Baruchi, Sapientiae Salomonis, Iesu Sirachidos, librorumque Maccabaeorum.

II. Psalmos non e textu Hebraeo, sed e versione Graeca Alexandrina fuisse conversos, cuivis eos inspicienti patebit; unde multi eos continere putant

partem versionis, quam Hieronymus ex Hexaplis confecit, et quidem *Psalterium Gallicanum*.

III. Reliqui libri exhibent versionem Hieronymi, ex Hebraico fonte factam, sed multis modis immutatam et interpolatam, adeo ut saepe quid ab Hieronymi manu, quid recentioris sit originis, diiudicari non possit (r). Haec itaque sola clasfis versionis vulgatae Latinae alicuius in crisi textus Hebraïci usus est; licet prudenter in usu isto versari oporteat, propter depravationem, quam et auxerunt Papae Sixtus V ac Clemens VIII, saepius ad textum Hebraeum versionem hanc conformantes, qua ratione haud raro convenientia cum textu Hebraeo e solo arbitrio criseos Pontificiae repetenda est (s). Profecto adhuc tanta est versionis illius, tanta ipsorum Codicum Mss. depravatio, ut Augiae referat stabulum, quod vix Hercules aliquis Criticus purgare queat.

Eximium vero usum ad restituendum saltem in quibusdam locis Hieronymi ipsius textum praestabit S. *Hieronymi divina Bibliotheca*, edita a *Martianaeo*, Parisiis 1693, ac praefixa etiam editioni operum Hieronymi, a Benedictinis S. Mauri procurata (t).

(a) Ita dicit *Doctr. Christ.*, Lib. II, Cap. II. „Qui „scripturam ex Hebraea lingua in Graecam verterunt, numerari possunt, Latini vero nullo modo. Ut enim cuiquam „primis fidei temporibus in manus venit Codex Graecus, „et aliquantulum facultatis sibi utriusque linguae habere videbatur, ausus est interpretari.”

(b) Conf. praeter alios *Eichhorn*, l. c., § 320. Sunt et qui hanc versionem appellatam quoque fuisse putant *Italiam*, argumentum ducentes ex loco *Augustini*, de *Doctr. Christ.*, II, 15. „In ipsis autem interpretationibus Itala „ceteris praeferatur; nam est verborum tenacior cum perspicuitate sententiae.” At cum nusquam alibi versionis

Ita.

Italiae mentio fiat, plures viri docti vocem hanc corruptam esse putant, eamque variis modis emendant, uti apud *Eichhornium*, l. c., not. y videri potest. Nobis vero ratio ista non tanti videtur, ut auctoritati omnium Codicum Augustini, huc usque collatorum, qui omnes *Italia* habent, opponi possit.

(c) Comprobat hoc imprimis *Eichhorn*, l. c., § 322.

(d) *Eichhornius*, l. c., § 323 cum aliis ex argumentis; tum et e Latinitate huius versionis minus pura suspicatur, eam in Africa confectam esse. Nobis quidem nihil certi hac de re constat: saltem argumentum e Latinitate parum nobis probare videtur, cum interpres forte data opera in id incubuerit, ut verbotenus redderet, versionem Graecam Alexandrinam. Conf. nota sequens.

(e) Hoc, quod vel levisimum examen quemvis docebit, argumentis quibusdam probavit *Eichhorn*, l. c., § 324, 325.

(f) Hos praeter alios enumerat *Eichhorn*, l. c., § 326. In iis autem eminet opus *Sabatierii*: *Biblorum sacrorum Latinae versiones antiquae, seu vetus Italica, et ceterae, quaecunque in Codicibus Mss. et antiquorum libris reperiri potuerunt, quae cum vulgata Latina et cum textu Graeco comparantur*. Rhemis, 1743, quamquam et hoc opus multis defectibus laborare, aliorum qui diligentia emendandi sint, doceat *Eichhorn*, l. c., pag. 713.

(g) Hoc mirum non erat, cum et Codices versionis Graecae, unde haec versio conficiebatur, multis vitiis laborarent, quae vitia non tantum in versionem Latinam transferebantur, verum et inde augebantur, quod multi, prouti exemplar Graecum haberent, ad illud identidem textum Latinum corrigerent.

(h) Conf. huc *Eichhorn*, l. c., § 328—331.

(i) Conf. Hieronymi *Opp.* Vol. I, Col. 835. Vol. II, Col. 563 et *Praefat. in Ecclesiasten, et Proverb.*

(k) Displicuit Hieronymi versio ipsi *Augustino*, maxime vero *Rufino*, Presbytero Aquileiensi, cuius vero reprehensionibus respondit *Hieronymus*.

(l) Conf. testimonia, quae collegit *Hodius*, de *textibus Bibl. Orig.*, L. III, P. II, C. IV, et *Martianay*, *Prolog. Hieron.* Tom. I, § 3, 4.

(m)

(*m*) Conf. loca, quae adtulit *Eichhorn*, *l. c.*, § 335, quibus add. *Rogerus Baco* apud *Hodius*, *l. c.*, pag. 421. „Textus est pro maiori parte corruptus horribiliter in exemplari vulgato, et ubi non habet corruptionem, habet tamen dubitationem..... Et haec dubitatio nascitur ex contentione correctorum, quia quot sunt lectores per mundum, tot sunt correctores, seu magis corruptores, quia quilibet praesumit mutare quod ignorat, quod non licet facere in libris Poëtarum: nam antiqua vocabula et sermones figurati non mutantur, cum leguntur Poëtae, non libri aliarum facultatum: sed hic quilibet lector mutat secundum caput suum.”

(*n*) Conf. *Eichhorn*, *l. c.*, § 336. auctoresque ibi citati.

(*o*) Recenset varias has editiones hosque libros imprimis *Rosenmüller*, *Handbuch für die Literatur der Biblischen Kritik und Exegese*, Tom. III, pag. 199—276.

(*p*) Recte et liberaliter hoc decretum explicavit ipse sacris Pontificiis addictus *Iahnus*, *l. c.*, § 65. Historiam huius decreti accurate enarravit *Hodius*, *l. c.*, Lib. III, Part. II, Cap. XIV, pag. 488 seqq.

(*q*) Conf. praefatio, huic editioni a Sixto V praemissa, quam exhibet *Hodius*, *l. c.*, pag. 495 seqq.

(*r*) Conf. imprimis *Iahn*, *l. c.*, § 66, 67.

(*s*) Hoc imprimis probavit *Kennicott*, *Disf. II super ratione textus Hebr.*, pag. 187 seqq.

(*t*) Multas varias lectiones e vulgata Hieronymi versione collegit *Capellus*, *l. c.*, L. V, C. VIII—XI.

Ceterum de versionum Latinarum historia conf. etiam *Kennicottus*, *l. c.*, pag. 417 seqq. et *Capellus*, *l. c.*, Cap. VII.

§ 70.

E. Quisnam sit usus criticus Talmudis, disquiritur.

E. Quintum adminiculum, pertinens ad restituendum textum, qualis fuit ante recensionem Masorethicam, secundum § 58 est *Talmud*. Talmud nempe

pe, seu corpus traditionum ad res Iudaeorum sacras ac civiles pertinentium, duabus constat partibus, *Mischna* et *Gemara*, quarum prior a Rabbi *Iuda sancto* saeculo II vel III aerae Christianae, collecta est, altera autem, *Gemara*, q. d. *perfectionem*, *Mischnae* continens prioris explicationem ac supplementa, itidemque doctorum super ea disputationes, iterum dividitur in *Hierosolymitanam*, et *Babylonicam*, quae utraque pars, saeculo VI, adeoque et *Masorethica* recensione, antiquior est.

Inveniri aliquas in hoc religionis Iudaicae recentioris corpore variantes textus Hebraïci lectiones, cum Doctores quidam Iudaei, tum et Christiani, adductis etiam luculentis exemplis, certissime comprobant (*a*).

Quae autem huc usque e Talmude collectae sunt lectionis varietates sunt perpaucae, cuius rei ratio est, quod descriptores Talmudis, post recensitionem *Masorethicam*, et editores, textum locorum, e Codice Hebraeo citatorum, ad convenientiam cum *Masora* correxerunt; unde factum est, ut paucae tantum lectiones variantes, quae Criticorum Iudaïcorum diligentiam effugerunt, in editionibus Talmudis remanserint (*b*).

Qui itaque in posterum novam locorum scripturae S. in Talmude citatorum collationem instituiere velit, debeat hanc ad rem plures huius operis Codices Mss. conferre.

Tandem et hoc observandum est, in Talmude saepe ita citari loca Codicis sacri, ut primo adspectu varietas lectionis adesse videri possit, quae tamen talis revera non est, cum e. c. tantum alludatur ad hunc illumve locum, vocibus quibusdam de industria mutatis, cum initium tantum loci citatur, reliquis ad supplendum lectori relictis, cum denique quaedam
ex

ex ingenio citantis ad illustrationem locorum citatorum adduntur. Immo phrasis in Talmude saepius, quando locus quidam Codicis sacri citatur, obvia, *ne legas sic, sed sic*, non lectionis varietatem denotat, sed interpretationem tantum allegoricam ingeniiq; lufum, mutandis quodammodo vocibus quibusdam captatum (c).

(a) Ex Iudaeis huc pertinet imprimis R. *Iacobus Ben Chaiim*, in *praefat. ad Biblia Bombergiana*, § 18 seqq. versionis Latinae apud *Kennicottum*, *Disfert. II super ratione textus Hebr.*, pag. 323 seqq. cui et alii Rabbini addi possunt, citati ab *Eichhornio*, *l. c.*, *Tom. II*, pag. 10, not. n. E Christianis primus, quantum novimus, *Cappellus*, *Crit. S. L. V*, C. XII, § 3 professus est, aliquam et forte non raram reperturos fore lectionis discrepantiam, qui citata in Talmude loca Codicis sacri cum textu sacro consulant. Deinde et *Buxtorfius*, *Anticrit. P. II*, C. 12 se aliquas in Gemara lectionis varietates invenisse, dicit, e qua et quasdam exhibuit *Claudius Cappellanus* in libello, *Mare Rabbini-cum infidum*, quem *Th. Crenius* inseruit *Fasciculo X opusculorum*, quae ad *Historiam ac Philologiam sacram spectant*. E *Mischna* deinde variantes aliquas lectiones congescit *Frommannus*, *Opusc.*, *Tom. I*, pag. 1—46. Tandem et *Io. Gill*, denuo Talmudem univervum contulit pro *Kennicotto*, in cuius lectionum variantium catalogo Talmud notatur num. 650.

(b) Sic *Frommannus*, *l. c.* in universa *Mischna* duodecim tantum lectionis varietates invenit, *Gillius* ex universo Talmude *Kennicotto* mille quidem exhibuit, sed plerasque ad minutias tantum orthographicas pertinentes. De causis huius varietatum paucitatis conf. *Frommannus*, *l. c.*, § 8, 9, pag. 26 seqq.

(c) Exempla eorum, quae hic dicuntur, suppeditat *Frommannus*, *l. c.*, § 7, pag. 24 seqq.

§ 71.

F. *Inquiritur, quisnam sit usus criticus
Masorae.*

F. Ultimum denique, quod ad restituendum textum Hebraeum, prouti ante Masoram se habuit, adhiberi potest subsidium, secundum § 58 ipsa est Masora, de cuius origine, indole et consilio latius dictum est § 29, ubi quae dicta sunt in memoriam sunt revocanda, quo rectius et certius teneantur, quae hic dicenda sunt.

Probe ante omnia observandum est, labori huic critico Iudaeorum iustum pretium esse statuendum, quod eius valorem neque nimium extollat, neque nimium deprimat.

Nimium sane non extollet Masoram, qui observaverit magnam eius partem in minutiis versari, eiusque contextum cum in Codicibus Mss. tum et in editionibus adeo esse corruptum et confusum, ut de eius plenaria ad integritatem restitutione penitus desperandum sit, uti itidem iam § 29 indicatum est.

Ex altera vero parte neque contemnet Masoram, qui observaverit ea contineri lectiones, quarum aetas non Hieronymi tantum, utpote cum cuius lectionibus plerumque conveniat, verum et forte ipsius Iesu et Apostolorum aetatem antecedit; adeoque hoc nomine omnibus nostris Codicibus Mss. longe est praeferenda (a).

Imprimis praeter alias lectionis varietates, quas Masorethici collegerunt, § 27 recensitas, ingens est valor illarum variantium lectionum, quae קרי et כתיב appellantur, de quibus iam verbulo dictum est § 27, no. V. in quibus autem recte diiudicandis a vero aberrant cum Iudaei, et qui eos se-

sequuntur, qui in omnibus locis Keri $\tau\tilde{a}$ Cetibh praeferunt, unde et in editionibus puncta $\tau\tilde{o}\tilde{v}$ Cetibh semper ad literas $\tau\tilde{o}\tilde{v}$ Keri pertinent, tum et ii, qui semper Cetibh praeferunt, a quo vitio ne ipsa quidem antiquior schola Schultensiana immunis fuit (b). Contra etiam hic medium tenere praestabit, adeo ut utramque lectionem iudicio critico subiicientes, illam eligamus, quae secundum illud optima videatur.

(a) Conf. omnino *Eichhorn*, l. c., § 157, 158 et praesertim *Fabrice*, l. c., Tom. II, pag. 302—307, qui Masoram imprimis contra indignas criminationes quorundam recentiorum criticorum, uti *Morini*, *Houbigantii*, *Kennicotti* aliorumque defendit. *Ravii*, *Exercit*, pag. 18 sqq. Coll. *Ernesti*, *Bibl. Theol.*, Tom. V, pag. 166.

(b) Putabat enim *A. Schultensius*, primique eius discipuli, originem $\tau\tilde{a}\tilde{v}$ Keri, quaerendam esse in critica Masoretharum censura, suis ipsorum auspiciis suscepta, indeque nata, quod voces quasdam invenissent, quarum vel formam vel veram significationem ignorassent, quae igitur corrigendae iis visae sint. Sententiam hanc imprimis propugnavit *Franciscus Tsepregi*, in *Disfert.* praeside A. S. habita, *De authenticia selectiorum Cethibim*, inserta *Syllogi Disfert. Leidenfi*, Tom. I, pag. 121 seqq. quacum iungantur duae disertationes *I. I. Schultensii*, *De utilitate dialectorum Orient. ad tuendam Codicis Hebraei integritatem*, ibidem, pag. 329 seqq., et *D. Mesinghii*, *Disfertatio de authenticia quorundam Cethibim*, *ibid.* Tom. II, pag. 883 seqq. qui et in praefatione sententiam hanc breviter ac perspicue exponit. Eam vero probandam non esse, ex iis, quae antea ad historiam textus Hebraei dicta sunt, ex ipsa harum variantium lectionum examine, et e contorta quorundam Cethibim a schola Schultensiana facta explicatione, luculenter apparet.

§ 72.

II. *Summatim exhibetur secunda adminiculorum Criticorum species, pertinens ad restituendum textum, qualis fuit post recensio-
nem Masorethicam.*

II. Expositis adminiculis criticis, quae inservi-
ant restituendo textui Hebraeo, qualis fuit ante re-
censio-
nem Masorethicam § 58—71, iam secundum §
57 videndum erit de illis adminiculis Criticis, quae
conducant restituendo eidem textui, prouti recensio-
ne Masorethica secundum § 29, constitutus est.
Huc pertinent

- 1) versiones quaedam secundum recensio-
nem Masorethicam ex Hebraico textu confectae,
- 2) citationes aliquae locorum quorundam Codicis
Hebraei in scriptis Rabbiorum,
- 3) codices manuscripti,
- 4) editiones principes.

§ 73.

A. *De usu critico agitur versionum quarundam,
secundum recensio-
nem Masorethicam ex He-
braico textu confectarum.*

A. Primo itaque hic in censum veniunt versiones
quaedam, ex Hebraico textu, secundum recensio-
nem Masorethicam constituto, factae, de quibus genera-
tim observandum est, eas, licet plerumque cum tex-
tu Masorethico convenient, aliquando tamen lectio-
nes sequi meliores, e diversis Codicum Mss. Maso-
rethiorum exemplaribus profectas. Pertinent huc

ℵ. versiones quaedam Arabicae, e quibus

L

α.

α. princeps est versio, quam confecit *R. Saadia Gaon*, anno 942 mortuus, de qua iam verbulo dictum est § 31. Trāstulisse eum universum Codicem V. F., secuti auctoritatem *Erpenii* et *Pocockii*, multi existimant, sed argumentis nixi omni dubio haud maioribus.

Primum habemus ex hac versione Pentateuchum, quae vero paraphrasis potius est, quam versio, multis insuper aucta interpolationibus, potissimum e versione Arabica Pentateuchi Samaritani profectis. Editus est hic Pentateuchus primum *Constantinopoli* figuris literarum Hebraïcis, deinde e Codice Ms. in polyglottis Parisiensibus, e quibus, collata simul editione Constantinopolitana, in polyglottis Londinensibus repetitus est.

Porro exstat versio libri Iesaiæ eadem ratione a Saadia confecta, quam anno 1790 et 1791, Ienae e Codice Mss. Bibliothecae Bodleianae edidit cl. *H. G. Paulus*. Cum vero Saadias textum Masorethicum presse sequatur, multisque eius versio aucta sit interpolationibus, exiguus eius est in critica usus (*a*).

β. Exstat porro versio Arabica Pentateuchi, quam e Ms. Arabico, Hebraicis literarum figuris conscripto, quod exstat in Bibliotheca Lugduno Batava, anno 1622 edidit Erpenius, quae a Iudaeo quodam Mauro facta, textum Hebraeum serviliter sequitur, recentissimaeque est aetatis, exigui igitur valoris (*b*).

γ. Neque melioris indolis est versio libri Iosuae, in polyglottis Parisiensibus ac Londinensibus edita, ex ipso textu Hebraico facta, cuius vero et auctor et aetas proflus adhuc latent.

δ. Vix etiam commemoratione digna est versio, e textu Hebraeo, ab Iudaeo quodam Maroccano, *Saadia Ben Levi Asnekoth*, saeculo 17 facta, et a textu Masorethico numquam recedens (*c*).

ε. Addi potest versio Arabica Pentateuchi Samaritani, auctore quodam *Abu Said*, mortuo anno 1237 in Mss. adhuc latens, ac non nisi per fragmenta aliqua, a quibusdam viris eruditis edita, cognita, quae e Codice Hebraeo-Samaritano confecta, eum presse sequitur, ac scholia quaedam auctoris adiecta habet, et cuius universae editio ad crisin Pentateuchi Samaritani haud exigui esset momenti (*d*).

ζ. Versio Rabbinica eorum, quae in libris Danielis et Ezrae Chaldaice exstant, Masorethico textui serviliter adstricta, aetatis incertae, et nullam fere in re critica utilitatem praestans. Edidit illam *I. L. Schulze*, Halae 1782, 8°. (*e*).

η. Exstat quoque in Bibliotheca S. Marci Veneta versio quaedam Graeca Pentateuchi, librorum Salomonaeorum, libri Ruthae, Threnorum Ieremiae ac Danielis, ex ipso textu Hebraico, forte tempore, quod sextum inter ac decimum saeculum intercescit, saltem haud prius, confecta; quam, cum diu latuisset, ediderunt, *Io. Baptista Casparus d' Anse de Villoison*, Argentorati, anno 1784 et *Christ. Frid. Ammon*, Erlangae, 1790, 1791. Versio autem haec cum alia habet vitia, quae ad dictionem interpretandique rationem pertinent, tum et plerumque, paucissimis tantum lectionis varietatibus exceptis, presse sequitur textum Masorethicum, adeoque in diiudicanda lectionum varietate textus Masorethici auctoritatem habet, Codicis vetustissimi auctoritati parem (*f*).

θ. Possemus his addere paraphrases quasdam Chaldaicas recentiores, nisi de iis iam dictum esset § 65.

(*a*) Vid. de hac versione *Fabrizy*, *l. c.*, *Tom. I*, *pag.* 366, 370, not. 377 et *Tom. II*, *pag.* 242 seqq. nec non *Eichhorn*, *l. c.*, § 277—283, auctoresque, ab iis citati.

(b) Conf. *Eichhorn*, *l. c.*, § 284, et *Bauer*, *l. c.*, § 90.

(c) Vid. *Eichhorn*, *l. c.*, § 285 et *Bauer*, *l. c.*, § 91.

(d) Late de hoc versione egit *Eichhorn*, *l. c.*, § 286—289, qui et alios auctores excitat, huc conferendos.

(e) Vid imprimis erudita *Schulzii* praefatio, huic versioni praemisfa.

(f) De hac versione conf. omnino *Eichhorn*, *l. c.*, § 211 et *Bauer*, *l. c.*, § 58, auctoresque ab iis citati.

§ 74.

B. *Indagatur usus criticus citationis locorum quorundam Codicis Hebraei in scriptis Rabbinorum.*

B. In scriptis Rabbinorum, utpote qui a saeculo XI ad XV floruerunt, qui igitur antiquioribus plerumque non usi sunt Codicibus Msf. quam ii sunt, qui adhuc restant, aliquae quidem, sed haud multae, eaeque magnam partem exigui momenti reperiuntur deviationes a textu Masorethico, quae ut non adeo ex editis Rabbinorum libris, utpote saepe ad convenientiam cum textu Masorethico correctis, quam e Codicibus eorum Msf. colligerentur, optandum esset. Imprimis autem varietates lectiones colligi possunt e *Davidis Kimchii libro Radicum*, ex editione Neapolitana, anno 1490 a *Samuele Latipho* procurata; in reliquis enim editionibus citata loca e Codice sacro semper fere ad textum Masorethicum correcta sunt (a).

Interim et hoc observandum est, quod et de citationibus Talmudicis dictum est § 70, non omnia, quae speciem habent variantium lectionum, pro talibus vere habenda esse, cum illi, aequae ac Doctores Thalmudici, saepe, vel e memoria citent, vel ad loca quaedam tantum alludant, vel per lusum allegoricum textum aliquando immutent (b).

(a)

(a) De usu critico citationum a Rabbiniis e libris sacris factarum, exiguo quidem, licet haud prorsus spernendo, conf. *Eichhorn, l. c.*, § 341. *Iahn, l. c.*, § 123. *Bauer, l. c.*, § 129. E *Raschii* commentariis variantes quasdam lectiones contulit *Tychsenius, Repert. Eichhorn, Tom. I, pag. 169.* Itidem, ex Rabbiniis varias quasdam lectiones collegit *De Rossi*, uti et exemplis quibusdam probat *Bauerus, l. c.* Alia quaedam variantium lectionum exempla sup-
peditat *Cappellus, l. c., L. V, C. XII, § 21—29.*

(b) Conf. *Bauer, l. c.*, § 137.

§ 75.

C. *Exponitur usus criticus Codicum manuscriptorum, quorum divisio generalior et forma externa consideratur.*

C. Tertium emendandi textus Masorethici subsidium praebent Codices manuscripti. Si librorum sacrorum *autographa* ad manus nostras pervenisissent, illa et *apographa* primariam constituerent Codicum Mss. divisionem; autographa vero cum, communi omnibus libris vetustissimis forte, perierunt, sola nobis restant apographa. Atque ex his iterum caremus Codicibus antiquioribus, utpote quibus, praeter temporis iniuriam, iam satis cito interitum pararunt crebrae nationis Iudaicae migrationes ac vicissitudines, imminutumque hinc per longam temporis periodum librorum sacrorum studium (a).

Codices Mss. nempe, qui ad nostram aetatem pervenerunt, non tantum omnes Masorethica recensione sunt recentiores, verum et saeculo ad summum X vel XI antiquiores non sunt, cuius rei causa haud improbabilis quatenam sit, iam dictum est § 31.

Codices autem illi sunt vel *Synagogici*, vel *privati*. *Codices Synagogici* nempe sunt volumina illa, quae

Iudaei iam a longo inde tempore in usum Synaggarum describere et in iis praelegere solent, Pentateuchus nempe Mosaicus, porro quaedam Prophetarum pericopae, quas הפטרות appellant, et Estherae liber, quem in festo *Purim* praelegunt. Horum voluminum nullum est punctatum; in iis porro character literarum est quadratus: suntque illa conscripta secundum regulas quasdam, ex una quidem parte superstitiosam minutamque, liberali ingenio indignam diligentiam indicantes, ex altera vero parte tales, quae gravioribus vitiis omnem occasionem praecidunt (*b*); quamquam simul fatendum est, etiam sic antiquiora quaedam vitia in textu relictis fuisse, et inveniri etiam quosdam, licet pauciores Codices Synagogicos, e. c. Codd. Kenn. 105, 124, 229, 382, qui haud raro lectionem Masorethicam deferunt. Antiquiora autem volumina synagogica rariora sunt, cum soleant Iudaei iam a longo inde tempore exemplaria, quando vetustate aut usu detrita sunt, seorsum deponere, vel et sepelire.

Codices privati, quorum longe maiori numero gaudemus, tales sunt, qui in privatos usus descripti sunt. Hi plerumque libri sunt compacti, universos libros sacros complexi, et character literarum exarati plerumque quadrato (*c*), ac punctis ut plurimum instructo. Character autem ille quadratus in universum idem est, qualem et hodie videmus in exemplaribus impressis, licet figurae literarum eam, qua nunc ornantur, non habeant, elegantiam, unde aliqua in quibusdam literis, licet levior, differentia a nostris hodiernis conspicitur, eaque talis, quae aliquando eam mutationibus literarum in Msc. ansam dat, qualis iam quidem accidere non posset (*d*). Idem observandum est de *punctis*, in quorum et figuris et situ quaedam etiam aliquando ab hodierno usu

usu cernitur differentia, quamquam in universum eadem sunt, ac nostra hodierna (e).

In quibusdam insuper Codicibus, sed plerumque recentioribus, voces quaedam per compendia scribuntur, nempe

1) voces quaedam saepius una in serie repetitae, prouti sic *Ps.* CXXXVI pro verbis, quovis versiculo reperitis **כִּי לְעוֹלָם הָסֵדוֹ** in quibusdam Codd. est **כ' ל' ה'.**

2) In fine linearum aliquando quaedam voces decurtantur **אלה' ישראל' ישר' מות' מו'** pro **אלהים** etc.

3) In aliis quibusdam vocibus, saepe occurrentibus quaedam literae decurtatae praecedenti literae annectuntur, uti **מה' מה' ש' ש' אשר' אשר'** pro **אשר' אשר' אשר' אשר'**. quo etiam pertinet, quod aliquando ad finem lineae litera **ש'** ita posteriore sua parte decurtatur, ut similitudinem referat literae **ע'**, qua ratione in quibusdam Codd. est **שלעת, משה' מעה'** pro **שלשת** (f).

Praeterea cum Iudaei, utpote *καλλιγραφίας* studiosissimi, omnes paginarum lineas ad finem aequales facere soleant, saepe si vox ad finem lineae abrumpenda esset, priores tantum eius literas ponunt, ita tamen, ut in sequente linea repetant totam vocem; licet aliquando etiam, spatium quod in linea restat, suppleatur signis quibusdam, quae literis **ה'**, vel **מ'**, vel **ע'** quodammodo similes sunt (g).

Porro, licet spatium, quod singulas inter lineas intercedit, purum servare conarentur, aliquando tamen illud impendebant vel omisissis in textu matribus lectionis (1 et 2) vel emendationibus, vel et ad finem linearum literis, quae e voce, quae abrumpenda esset, remanebant: denique sunt etiam Codices, in

quibus spatium hoc deinceps a Christiano librario impletum conspicitur versione Latina (*h*).

Distantia quoque inter diversos libros, inter Paraschas et Haptharas vel spatio quodam vacuo, vel aliis modis notantur (*i*); eo solo excepto quod in omnibus Codd. Msf. duo libri Samuelis, duo Regum libri, duo libri Chronicorum, denique Ezrae ac Nehemiae libri non seiunguntur, sed iuncti exhibentur.

Haec praecipua sunt, quae de externa Codicum Msf. forma tenenda sunt, cetera, quae minoris sunt momenti, quae et ab aliis exposita sunt, tuto mittimus (*k*).

(*a*) Latius has deperditorum codicum antiquiorum causas exposuit *De Rosfi, Proleg.*, § 5.

(*b*) Regulas has, in compendium redactas, exhibet *Bauerus, l. c.*, § 104. Plene autem illae exhibentur in libro **מסכת סופרים** (*liberi scribarum seu de scribis*) qui Thalmudi annexus est, sed auctoritate et aetate Thalmude est inferior.

(*c*) Excipiuntur aliqui Codices, a *Kennicotto* collati, conscripti caractere literarum, vel Rabbinico, vel saltem proxime ad illam accedente, de quibus conf. *Eichhorn, l. c.*, § 377, et loca e *Kennicotti, Disf. Gen.* ibi citata.

(*d*) Hoc quibusdam exemplis iam a nobis probatum est § 43. Accurate autem hanc literarum in Codicibus Msf. a nostris hodiernis differentiam multis exemplis alphabetice dispositis, ostendit *Eichhorn, l. c.*, § 352.

(*e*) Exempla videantur apud *Eichhornium, l. c.*, § 353 et *Bauerum, l. c.*, § 107.

(*f*) Conf. *Eichhorn, l. c.*, § 356, et *Bauerus, l. c.*, § 108, pag. 360. In Codicibus antemaforethicis scribendi compendia frequentiora fuerunt, multisque ansam dederunt lectionis varietatibus, uti probatum est § 50.

(*g*) Simile quid in Codicibus Msf. iam ante recensionem Maforethicam factum esse, dictum est § 40, **ב**. Ceterum conf.

conf. *Eichhorn*, *l. c.*, § 357, et *Bauer*, *l. c.*, pag. 361, 362, qui et alios quosdam exhibet modos, quo in Codd. Msf. lineae suppleuntur.

(h) Vid. *Eichhorn*, *l. c.*, § 358.

(i) Varios illos modos accurate exhibent *Eichhorn*, *l. c.*, § 359, et *Bauer*, *l. c.*, § 112.

(k) Accuratissime, immo ad minutias usque de forma codicum Msf. externa egit *Eichhorn*, *l. c.* § 347—377. Auctores, qui de Codd. Msf. egerunt, vel illos collatos descripserunt, exhibet *Bauer*, *l. c.*, § 102.

§ 76.

Codicum Manuscriptorum scriptores.

Conscriptio Codicum Hebraeorum ita plerumque perfecta est, ut uni Codici in formam suam redigendo plures manum admovent. Scilicet, uti vel ex diversa scriptarum literarum forma, vel ex atramenti diversitate, vel e Codicum quorundam subscriptionibus apparet,

1) plerumque alii literas consonantes pinxerunt, סופרים i. e. *scribae* appellati, alii consonantibus puncta addiderunt, dicti נוקדים, *punctatores*, qui simul vitia, quae scriba forte commiserat, corrigebant.

2) In multis Codd. a scriba et punctatore diversus est quoque is, qui Masoram adscripsit.

3) Sunt et Codices quorum marginibus vel unus vel plures notas adscripserunt, quae non tantum expositiones, verum et vitiorum correctiones continent.

4) Reperiuntur quoque Codices, in quibus literae vocesque, vel et earum partes, vetustate, vel alia de causa deletae, ab alio restitutae fuerunt (a).

Illos autem, qui scribendis Codicibus Hebraeis adhibiti sunt, fuisse Iudaeos, saepissime ex scriba-

rum subscriptionibus, quibus religionem confitentur, apparet, et in iis, quibus subscriptio non est adiuncta, e similitudine cum Codicibus subscriptis idem colligitur.

Hoc vero licet ita se habeat, negari tamen nequit, fieri saltem posse, ut inter Codd. Msf. sint quidam, licet paucissimi, qui vel a pueris vel a feminis Iudaicis scripti, adeoque minoris momenti sint, vel et a Christianis, imprimis ab illis, qui ex Iudaismo ad Christianum religionem se converterint, conscripti sint, quorum tamen numerus valde est exiguus, et quibus etiam, si sint, omnis valor abiudicandus non est (b).

(a) Conf. ad haec illustranda *Eichhorn*, l. c., § 364, 366—370 et *Bauer*, l. c., § 113.

(b) Anno scilicet 1772 *Ol. Gerh. Tychsen*, Philologus Orientalis eo tempore Butroviensis, libellum edidit, quem inscripsit: *Tentamen de variis Codicum Hebraïcorum Vet. Test. Msf. generibus, a Iudaeis et non-Iudaeis descriptis*, quo probare conatus est, multos Codices Msf. Hebraeos, quibus iam utimur, vel a pueris, ut se in arte scribendi exercerent, vel et a Non-Iudaeis, non tantum profelytis, verum et Monachis Christianis esse conscriptos, qui libellus paradoxus quidem, at eruditissimus multis Tychsenium inter et alios controversiis ansam dedit, quae tandem hunc habuerunt exitum, ut ex una parte haud quidem prorsus negari possit, quod Tychsenius defendit, ex altera autem parte constiterit, eius sententiam ad valde exiguum Codicum Msf. Hebraïcorum numerum applicari posse. Prae ceteris de sententia hac Tychseniana conferatur censura libelli commemorati, instituta ab Ill. *Michaëlis*, *Orient. und exeget. Bibliothek*, Tom. II; pag. 357—381 et pag. 451—466 et qui brevius, licet haud minus accurate argumentum hoc pertractat, *Eichhorn*, l. c., § 365.

§ 77.

Codicum Mss. Hebraeorum patria, et recensiones.

Optandum esset, ut certae definiri posset notae, quibus patria Codicum Hebraeorum dignosci posset, seu regio, ubi conscripti sunt: imprimis hoc optandum esset de Codicibus Hispanicis, Germanicis, et Italicis, quippe in aliis regionibus scriptos Codices huc usque non habemus. At vero, si excipiantur Codices, quibus addita subscriptio patriam indicat, signa patriae, quae huc usque eruditi collegerunt, nondum sunt tam certa, ut iis semper tuto confidere possimus (*a*); quae tamen, si certa essent, forte eo multum adiuvaremur in digerendis Codicum classibus; cum haud improbabile sit, Iudaeos pro diversitate regionum, quo se receperunt, diversos habuisse Codices principes, e quibus diversae Codicum classes seu recensiones profluxerint (*b*).

Immo in universum optandum foret, ut accuratius, quam huc usque factum est, institueretur examen, *recensionum* illorum Codicum Mss. quos iam habemus, et qui forte deinceps detegentur, id est, ut inquireretur, qua cognatione plures codices secum sint coniuncti, seu quinam Codices ex aliis descripti sint; hoc enim nisi constet, saepe plures Codices in unam lectionem conspirantes pro totidem testibus habemus, cum, si de recensionibus Codicum certius constaret, plurium codicum, qui e communi fonte descripti essent, in lectionem quandam consensio, non nisi pro uno teste esset habenda, utpote quae consensio sic tantum confirmaret lectionem principis illius Codicis, e quo omnes reliqui ducti essent. Diligens itaque et accuratum hoc solo consilio instituendum est examen Codicum Hebraeorum, quamquam

quam et eos, quibus Codices ipsis inspicere non licet, multum etiam iuvare potest usus accuratus collationis Kennicottianae et Rosfianae; quippe quando sic reperiemus Codices plures, qui plerumque, etiam in minutiis, inter se consentiunt, ex uno eodemque fonte, seu ex uno quodam Codice derivatos esse, adeoque illos non nisi unius testis auctoritate pollere.

(a) Signa haec diiudicarunt *Eichhorn*, l. c., § 371, *Baumerus*, l. c., § 115, et *Iahn*, l. c., pag. 433, 434. Specimen Codicum Hispanicorum, nempe Kennicottianorum 290, 293, et 682 dedit *Brunsius*, in tabula aenea *praefationi* ad *Disfert. Gen. Kennicotti* subiuncta. Codicis Italici specimen conspicitur ibidem sumtum e Codice 1 Kennicottiano, et specimen Codicis Germanici e Codice Kennicottiano 96.

(b) Sic Hispanici Codices plerumque sequi dicuntur Codicem Hillelianum, de quo dictum est § 27, utpote quem, excepta parte in Africa vendita, Toleti aservatum, ipsum se vidisse dicit *R. Zacutus*, addens Hispanos Iudaeos ex eo corrigere omnes Codices suos, in Tractatu *Thalm. Iuchasin*, fol. 132, col. I. Similiter forte et Iudaei, inter alias nationes dispersi, suos habuere Codices originarios, ad quos omnia reliqua exemplaria conformarent.

§ 78.

Aetas Codicum Msf.

In Codicibus Msf. omnino est *aetas* consideranda.

I. Magni est momenti, ut de *aetate* singulorum Codicum constet: quo enim antiquior est Codex Msf., eo propius accedit ad aetatem ipsius auctoris, ac deinde magnam praestat utilitatem antiquitatis Codicum notitia, si quando examinandum est utrum Codices ex aliis descripti sint, an minus,

nus, quippe sic apparebit, quinam Codices sint primi, quinam autem e primis derivati.

Interim summae est difficultatis opus veram Codicum Hebraeorum aetatem indagare; etenim, quamquam sint Codices, in quibus subscriptio aetatem clare designat; habet tamen haec ipsa etiam aetatis nota haud raro multum incerti; nam praeterquam, quod Codices existant, qui aetatis significationem non exhibeant in subscriptione, sed iam quasi recondant in loco quodam Masorae ad marginem textus, ubi eam haud facile quaesieris, sunt etiam Codices, qui pluribus olim tomis constiterunt, sed quorum ille tomus, cui forte subscriptio addita fuit, periit. Praeterea etiam aliquando contigit, possesores Codicum quorundam, quo maiori illos pretio venderent, subscriptionem addidisse, quae antiquiorem indicaret aetatem, qua Codex scriptus esset, erasa etiam, vel mutata si qua adesset, subscriptione legitima. Alii porro exstant Codices, quibus anni quidem cuiusdam nota est addita, sed ita ut omisa sit mentio aerae, secundum quam ille computandus sit; Iudaei quippe annos semper vario modo computarunt, vel a creatione mundi, vel ab Alexandri ad urbem Hierosolymorum adventu, quae aera contractuum dicitur, incidens in annum 332 ante Christum natum (a), vel et ab excidio templi secundi, seu destructa republica Iudaica. Denique sunt et Codices, quorum vel scriba vel punctator nomen suum exhibent, sed absque ulla temporis, quo vixerint, vel Codicem scripserint, mentione, quod itaque tempus ne tunc quidem certo cognosci potest, quando scriba vel punctator eiusdem nominis additaque aetatis significatione alio in loco invenitur, cum fieri potuerit, ut idem nomen pluribus, aetate licet a se invicem distantibus, fuerit commune (b).

Haud

Haud minus saepe dubiae et fallaces sunt aetatis Codicum Mss. notae *internae*, quas *Iablonfskius*, *Houbigantius*, *Kennicottus*, *Rossius* alique protulerunt, quales sunt, scripturae ruditas et simplicitas, Masorae paucitas vel absentia, absentia punctorum vocalium, literae detritae vel alio atramento obductae, atramenti pallor, absentia literarum maiuscularum, minuscularum, similiumque superstitionis Iudaicae signorum, et quae sunt similes notae aliae, utpote quae haud raro vel antiquioribus et recentioribus Codicibus communes sunt, vel et ab aliis causis, quam a vetustate oriri possunt (c).

(a) Alii aeram contractuum computant a Seleuco, Babyloniae Rege, quando annis 312 anterior erit Christo nato, quod vero 20 annorum discrimen hoc saltem in argumento parvi est momenti.

(b) *I. C. Wolfius*, *Bibl. Hebr.*, Vol. II, pag. 537 contexit aliquem scribarum punctatorumque Iudaicorum catalogum, sed quo propter idem nomen saepe pluribus commune parum adiuvamur.

(c) Ostendit hoc imprimis *Tychsenius*, *lib. cit.*, Sect. III, pag. 258 seqq. *Schnurrer*, *Disfert.*, pag. 1 seqq. *Eichhorn*, § 372. *Bauer*, § 116—119 et *Iahn*, § 116, pag. 426 seqq.

§ 79.

Eorundem bonitas.

II. Praeter aetatem in censum venit Codicum Mss. *bonitas*: haud enim semper quo antiquior eo melior et quo iunior eo peior est Codex; contra possunt Codices antiquiores si e corruptioribus exemplaribus descripti, aut a negligente librario exarati fuerint pessimae esse notae, et contra Codices iuniores, si ex accuratioribus Codicibus sint descripti, et ab accu-

curato librario confecti, haud raro antiquioribus sunt praestantiores.

Antiquior itaque Codex tum demum maioris praestantiae laudem habebit, quando simul multas bonas offert lectiones.

Neque etiam certo bonitas Codicum Mss. Hebraeorum diiudicatur ex aliis quibusdam criteriis, quae huc usque protulerunt Critici plerique, Hispanicos e. c. Codices praeferentes Germanicis, et maiorem praestantiam adscribentes Codici, qui vel in gratiam illustrium virorum, vel a docto quodam librario, vel eleganti conscriptus sit literarum caractere. Haec enim et similia criteria vel talia sunt, quae saepe difficulter diiudicentur, uti v. c. num Codex sit Hispanicus vel Germanicus, vel talia quae tot habeant secum coniunctas restrictiones exceptionesque, ut iis nunquam tuto fidere liceat (a).

Vere autem bonitas Codicum censetur

1) accurratione scriptoris, quae imprimis apparet paucitate talium vitiorum, quae ex ignorantia aut incuria oriuntur.

2) copia maiore variantium lectionum memoratu digniorum, quae a Masorethica lectione dissentiant, et praecipue talium, quae cum lectionibus Pentateuchi Samaritani et veterum interpretum consentiant. Hoc enim indicium est, Codices tales ex antiquioribus, qui non prorsus ad recensitionem Masorethicam conformati sint, originem ducere.

Nec tamen nullius sunt usus Codices vitiosi, quippe uti in iis manifesta vitia facile a variantibus lectionibus distinguuntur, ita saepe fieri potuit ut e melioribus imo optimis Codicibus derivati sint, adeoque haud paucas contineant bonae notae lectiones.

(a) Hoc imprimis accurate probarunt *Eichhornius*, § 373 et *Baücker*, § 120.

Collationes Codicum Msf. Hebraeorum huc usque institutae. Earum utilitas, et quid porro desideretur.

Quinam Codicibus Msf. conferendis manum admo-
verint, iam dictum est § 3, no. VII—X. Ibi dicta
si conferantur, simul apparebit, maxima hac in re
merita fuisse *Kennicotti* et *Rosfii*, qui utrique contu-
lerunt Codices Hebraeos aequae ac Samaritanos 1346,
quorum autem codicum catalogum contexere nedum
descriptionem exhibere, instituti nostri ratio non pa-
titur: utiliter tamen, qui aliquos in critica sacra
profectus facere cupiat, recensiones et descriptiones
Codicum Msf. consulat, datas a Kennicotto, Ros-
sio et aliis quibusdam viris doctis (a).

De harum collationum utilitate in re critica ea
quae dicta sunt § 75—79 dubitare non sinunt:

1) quippe haud paucas ex iis colligere possumus
observationes grammaticas de punctis, de vocibus
plane vel defective scriptis etc. in quibus magnam
esse Codicum Msf. varietatem, eorum usus quemvis
docebit.

2) haud parum utilitatis praestant in emendando
textu Hebraeo Masorethico, utpote ad quem con-
formatos esse omnes Codices Msf. supra dictum est,
ad cuius itaque restitutionem proxime spectant.

3) Haud raro quoque in diiudicandis iis lectioni-
bus variantibus opem praestant, quae in Pentateucho
Samaritano et apud antiquissimos interpretes reper-
iuntur, cum et Codices Masorethici non ita inter se
convenient, quin et multas lectiones antiquiores qui-
dam saltem eorum conservaverint.

4) Si lectiones Codicum Msf. cum textu typis im-
pres.

presso, et cum antiquioribus interpretibus comparemus, certo definire poterimus, quid de integritate ac corruptione textus Hebraei sentiendum sit, nempe ex una parte, eum ad rem summam esse adhuc integrum, ex altera autem parte vitiis quibusdam, sed quae integritati non obstant, infectum, coll. § 35 (b).

Multum vero est, quod in usu critico codicum Mss. adhuc desideretur:

1) enim utilissimum esset, si omnium, quotquot huc usque collati sunt, Codicum descriptio plenior et collatio denuo institueretur, et vitia, quae sine dubio in collationibus praecedentibus aliquando commissa sunt, corrigerentur.

2) Codices nondum collati, quales adhuc plures latent cum in quibusdam Bibliothecis, tum et forte in aliis mundi partibus remotioribus, quo Iudaei dispersi sunt (c), aut qui aliis modis conquiri possunt (d), sollicitè conferendi sunt.

3) Denique omnis hic labor eo imprimis consilio est instituendus, ut notae cum aetatis, tum bonitatis Codicum accuratius, quam huc usque factum est, figantur, quo via paretur ad eam Codicum in classes suos distributionem, quae singulorum valorem clariore, quam huc usque nos collustravit, in luce collocet.

(a) Kennicottus et Roscius suos Codices descripserunt, ille in dissertatione sua generali, una cum additamentis Brunsi edita Brunovici anno 1783, hic in *prolegomenis*, operi suo critico praemisit. Praeter hos et alii fuerunt, qui singulares quosdam Codices descripserunt et contulerunt, quos recensuit Rosenmuller, *Handb. für die Literatur der Bibl. Kritik und Exegese*, Tom. II, pag. 22—34 et Iahn, *l. c.*, pag. 435, 436, not.

(b) Conf. Eichhorn, § 375 et Bauer, § 123:

M

(c)

(c) Prouti et alia *κειμήλια* e Bibliothecis locupletioribus depromta et in lucem edita sunt, quae in iis reperiri, nemo olim sciverat, ita et multos adhuc in iis Codices Hebraeos laterè hactenus incognitos, haud improbabile est. Praeterea cum Iudaei per omnes fere orbis terrarum partes dispersi fuerint, valde est probabile, et in remotioribus quibusdam terrae oris, e. c. Arabia, Africa, Persia et alibi, varios adhuc incognitos esse Codices Mss., quorum collatio maximam rei criticae praestaret utilitatem. Saltem in regno Sinensi habere Iudaeos Codices Mss. notum est, de quibus vid. *Eichhorn*, § 376 et *Bauerus*, § 124 auctoresque ab iis citati, qui Codd. licet optimae notae non videantur, neque omnes libros sacros contineant, ac denique ad Masoram sint correcti, digni tamen forent, qui conferrentur, ut saltem valor eorum accuratius, quam hactenus factum est, aestimari possit.

(d) Sic cum Codices Synagogici Pentateuchi, detriti vel mendis quibusdam gravioribus infecti, a Iudaeis abscondi soleant, uti ante dictum est, haud forte omni utilitate careret, si tales Codices reprobati a Iudaeis acquiri possent; utpote inter quae, quin esse possint, qui maximam rei criticae afferant utilitatem, dubitari nequit. — Praeterea multi bibliopegae saeculo XVI Codicibus Mss. cum aliorum librorum antiquorum, tum et Hebraeorum V. F. in pergameni exaratis, usi sunt ad compingendos libros. Haec itaque fragmenta si colligantur, haud exigui saepe fore momenti, iam anno 1764 ostendit *Io. Sal. Semlerus*, edita peculiari *admonitione de observandis Hebraeorum Manuscriptorum membranis, quae tegendis aliis libris inserviunt*, deinde recusa in eius *programmatibus Acad. selectis* (Halaë 1779) pag. 179—226, ac recensita a cl. *Ernestio*, *Bibl. Theol.*, Vol. V, pag. 380. Hac admonitione Semleri multi incitati dein talibus Codicum Mss. Hebraeorum fragmentis colligendis operam dederunt, uti videri poterit, si consulatur *Ernesti Bibl. Th. noviss. T. IV*, p. 76 sqq. *Michaëlis, Orient. und Exeget. Bibl.*, Tom. II, pag. 196—209. Tom. IV, pag. 239—252. Tom. VI, pag. 240—247. Tom. VIII, pag. 167—178. Tom. IX, pag. 24—28. Tom. XI, pag. 47—49. Tom. XII, pag. 101—111. Tom. XIII, pag. 205—217.

Eti-

Etiam aliorum Manuscriptorum fragmenta simili aliquando modo detegi, exemplis quibusdam ostendit celeb. *J. Clarisse, Verhund. van de Maatschappij der Nederl. letterk., Tweeden deels tweede stuk, bl. 183 enz.*

§ 81.

D. Indagatur usus criticus editionum principum textus Hebraei V. F.

D. Quartum emendandi textus Masorethici subsidium suppeditant nobis *editiones* Codicis sacri *Hebraei*, non quidem omnes, sed *principes*, id est, primae illae, quae e foliis Codicibus Mss. expressae sunt, utpote quas pari cum Codicibus illis Mss., e quibus ductae sunt, auctoritate gaudere, cuivis liquet. Tales autem editiones suppeditare quamplurimas insignis valoris lectionis varietates, luculenter docent collationes earum, a *Kennicotto, Rosso*, aliisque viris eruditis institutae (a). In his autem editionibus imprimis illae caeteris sunt praeferendae, quae inde a prima editione, quae fuit Psalterii anno 1477 usque ad tertiam editionem Bombergianam anni 1525 publicatae fuerant, utpote ad cuius normam deinde omnes reliquas editiones factas esse iam dictum est § 3, N^o. III, quamquam et in quibusdam earum hic illic variationes quaedam lectionum apparent, cum non omnes eam aeque pressò pede sequantur (b).

(a) Speciminis loco sit, quod notat *Michaëlis, Or. und Exeg. Bibl., Tom. I, pag. 145* editionem Bibliorum anni 1488, plus quam 12000 locis a textu van der Hoogthiano discrepare.

(b) Omnium ad rem criticam accommodatissime editiones Codicis Hebraei recensuit *Eichhorn*, § 391—404. Alios scriptores de editionibus textus Hebraei iam notavimus § 33, not. (e). Cf. *Ravii, exerc. ad Houb.*, p. 27 sqq.

III. *Quid de coniecturis criticis sentiendum sit, disquiritur..*

III. Prouti in libris antiquorum Graecorum ac Romanorum quaedam sunt loca, procul dubio corrupta, quae nulla talium subsidiorum criticorum, qualia hactenus enumerata sunt, ope ad integritatem restitui possunt; ita et talia quaedam reperiri in libris sacris V. F. eo minus est mirandum, quo certius est, cum inde a tempore confectae versionis Graecae Alexandrinae usque ad saeculum XI vel XII, praeter paucas versiones et conamina quaedam critica Iudaeorum, nulla subsidia critica superesse, tum Masorethas aliosque criticos Iudaeos multa lectionis vitia antiquiora intacta reliquisse, omnesque, quos huc usque cognoscimus, Codices Mss. nimis esse recentes, nimiumque ad recensionem Masorethicam esse conformatos, quam ut, plerumque saltem, in examinandis et corrigendis antiquioribus quibusdam lectionis vitiis quidquam auxilii praestare possint.

Quemadmodum igitur in aliis libris veteribus quibuscunque si nullum aliud auxilium suppetat, sola coniectura locis affectis medelam afferre, nemine improbante, soleant critici; ita etiam, immo et propter datas modo rationes, multo magis hoc, si ita res se habeat, licet in libris Veteris Foederis; unde et *coniecturam criticam* non veremur ad tertiam referre classem adminiculorum criticorum, coll. § 56, exemplum hac in re secuti non tantum ipsorum Iudaeorum veterum (§ 27, No. 6) verum et praestantissimorum e Christianis criticorum (a).

Monet autem nos cum ipsa res ac ratio, tum et multorum criticorum hanc coniiciendi libertatem in
me-

meram hariolandi licentiam convertentium, vel etiam ea ad praeconceptas quasdam opiniones easque saepe falsissimas confirmandas abutentium exemplum, ut summam in coniecturis his adhibeamus prudentiam ac modestiam (*b*).

Hoc vero ut rite fiat;

I. nemo audeat criticis uti coniecturis, nisi qui iis faciendis aptus sit, id est, qui linguae Hebraeae eiusque idiotismorum probe gnarus sit, artisque criticae exercendae non tantum notitia quadam ac felicitate, verum et longo usu polleat (*c*).

II. Ad coniecturam criticam non est confugiendum, nisi summa urgente necessitate.

Ea vero necessitas adest, cum, adhibitis omnibus subsidiis exegeticis, lectio quaedam aut nullum editum sensum, aut talem, quo admissio, auctor sibi ipse contrarius esset, vel et absurda diceret, cum porro ferres rerum alium ordinem requirit, aut aliquid vel demendum, vel addendum, vel mutandum esse iubet, cum denique vox vel constructio occurrit, quae universae analogiae grammaticae ac linguae Hebraeae repugnat (*d*).

III. Potest etiam critica coniectura modeste proponi, et eruditorum examini offerri, si quando, licet haud prorsus necessaria sit, contextus tamen aliquis maiorem ex ea admissa lucem accipiat (*e*).

IV. Coniecturam, quae proponitur, oportet esse *probabilem*, quo pertinet

A. ut coniectura talis sit, quae revera tollat difficultatem, quae in lectione consueta inest: ceteroquin enim fieri absque ratione certum est.

B. Ut eiusmodi sit lectio per coniecturam proposita, quae facile erroneae textus lectioni ansam dare potuerit: quare si quis feliciter in coniecturis faciendis versaturus sit, eum oportet omnes expositas

Capite III variantium lectionum origines probe cognitas habere; quo enim facilius lectio textus vitiosa oriri potuit ex ea, quae coniiciendo reponenda proponitur, eo probabilior est coniectura (*f*).

C. Eo probabilior erit coniectura, si qua in antiquis versionibus aut Codicibus Mss. reperiatur lectio, quae licet sit perversa, lectioni tamen per coniecturam propositae, proxime accedat (*g*).

V. Coniecturae criticae, qualemcunque habeant probabilitatis speciem, numquam in textum recipiendae sunt; cum nunquam certo nobis persuasum esse queat, utrum coniectura veram lectionem exhibeat, summaque textus sacri oriretur confusio: lectionisque incertitudo, si cuivis liceret ingenii sui *ἐννοῦντα* in textum inferre (*h*).

(*a*) Conf. quae de Iudaeis annotavit *Cappellus*, L. VI, C. VIII. In emendandis auctoribus veteribus saepius instituisse coniecturas *Casaubonum*, *Heinsium*, *Bentleium*, *Hemsterhusium* similesque, notissimum est. Etiam incognitae non sunt vel paullulum eruditioribus coniecturae criticae ad quaedam loca N. T. *Bentleii*, *Marklandi*, *Hemsterhusii*, *Valckenarii* et aliorum. Speciatim de coniecturis criticis in V. F. conf. *Cappellus*, Lib. VI, Cap. VIII et IX, *Tellerus* in praefatione, praemissa *disertationi Kennicottianae super ratione textus Hebraici secundae*, *De Rossi*, *Proleg.*, § 32, *Michaëlis*, in *Bibl. Orient.*, variis locis, quae conquiri possunt e *Tomo XXIV* sive indice, voce *Coniecturen*, *Eichhorn*, § 404, *Bauer*, § 130 et 138, *Iahn*, § 144, 145. *Heringa*, *over het gebruik en misbruik der Critiek*, pag. 268 seqq. Immo et *Lutherum*, *Osiandrum* aliosque saepe coniecturis usos esse docet *Eichhorn*, l. c., pag. 231, not. quorum catalogus *Zwinglio*, *Masio*, *Piscatore* aliisque facile augeri posset.

(*b*) Graviter itaque peccarunt multi critici audaciores, qui ubicunque fere offenderent, mox ad emendationem ex ingenio depromptam confugerunt, in quibus omnium im-

impudentissimus est *Houbigantius*. Peslime autem peccant, qui in gratiam systematis cuiusdam aut praeconceptionis textum ex ingenio mutant, uti in N. F. e. g. fecit *Io. Crellius*, contra universam veterum interpretum Codicumque Mss. consensionem, *Io. I, 1* pro *Θεος* legendum volens *Θεσ*, ne scilicet ibi inveniretur doctrina de divina Christi natura, et in V. F. *Franciscus Hare*, qui textum Psalmorum saepissime coniecturis suis conspurcavit, ut eum metricae Hebraeae, quam invenisse sibi videbatur, conformem redderet. Quam egregie in emendandis auctoribus veteribus, et temeritatem, et oppositam ei superstitionem vitaverit *Hemsterhusius*, docuit in eius elogio *Ruhnkenius*, pag. 53.

(c) Quam turpia quis committere possit vitia, qui absque idonea linguae Hebraeae eiusque idiotismorum cognitione textum sacrum corrigere audeat, imprimis docuit exemplum *Houbigantii*, cuius aliquot centenae sic dictae emendationes e sola grammatices et syntaxeos Hebraeae inscitia oriuntur. Neque meliores sunt coniecturae in *Iobum* et *Proverbia Io. Reiskii*, viri Arabicae linguae ad miraculum periti, sed Hebraicae tam imperiti, ut vix cum tironibus comparari poterit.

(d) Sic *Pf. CVII, 3* legendum esse מִימִין a meridie, pro מִים a mari, necessarium facit oppositio nominis מִצְפֹּן, a septentrione, quamquam in lectionem vitiosam מִים conspirent omnes Codd. et omnes antiquae versiones. Similiter quadruplex coniecturae necessitas adest in uno *Pf. XXV*, nempe, cum vs. 2 a litera ב incipere debeat, pro אֱלֹהֵי בָךְ בְּמַחְתִּי, legendum est verbis transpositis בְּמַחְתִּי אֱלֹהֵי בָךְ; porro post versum 5 omisus est integer versus, qui a litera ו incipere deberet, habetque hic versus tria membra, cum reliqui versus semper duobus membris constent: unde probabile est in versu 5 unum membrum a litera ו incipiendum, esse omisum. Insuper cum versus 1 uno modo membro constet et versus septimus tribus membris, haud improbabile nobis videtur ultimum membrum versus 7, לְמַעַן טוֹבךָ יְהוָה, traiciendum esse ad versum 1. Denique versu 18 omisa est vox a litera ק incipiens, unde haud improbabilis est coniectura cl. *Schroederi* in annot. nostris philol. h. l. commemorata, supplendum es-

se verbum קום *Surge*: in his autem omnibus neque versiones vett. neque Codd. Mss. ullam alicuius momenti opem ferunt. Alia exempla similia dabit *Iahn*, pag. 499, 500, et *Michaëlis*, *Bibl. Or.*, Tom. XVIII, pag. 106.

(e) Sic 1 Sam. IX, 10 lectio esset plenior, si post נלכה *Iamus*, adderentur verba ער הרואה coll. vs. 9, licet prorsus necessaria non sint. Alia exempla dant *Michaëlis*, *Or. Bibl.*, Vol. XVIII, pag. 107 et *Iahn*, pag. 500.

(f) Sic facillimae, eoque nomine probabiliores sunt coniecturae, quae e. c. nituntur permutationi literarum ב et ר, ד et ר, ה et ה similibumque, vel quae ex meris constant punctorum mutationibus. Multa coniecturarum faciliorem exempla dedit *Bauer*, l. c., pag. 447, 448, 449.

(g) Sic enim levi quidem, at alicui tamen auctoritati nititur coniectura.

(h) Lectu digna sunt, quae hanc ad rem notavit *Clericus*, *Art. crit.*, Part. III, Sect. I, Cap. XVI, § 43, 44. De universa § cf. *Ernestius*, *Bibl. Th.*, T. VI, p. 785 sqq. et *Wilkii*, *Disf. de regundis finibus coniecturae criticae in textu Hebr. V. T.* apud eundem, T. VIII, p. 750 sqq.

CAPUT QUINTUM.

REGULAE QUAEDAM, IN DIUDICANDA
LECTIONUM VARIETATE ET COR-
RIGENDO TEXTU PROBE OB-
SERVANDAE.



§ 83.

Capitis huius cum praecedentibus connexio.

Cum viderimus, e quibus fontibus varietas lectionis in Codicibus Mss. orta sit, *Cap. III*, et quibus subsidiis in diudicandis variantibus lectionibus textuque corrigendo utendum sit, *Cap. IV*; restant adhuc, secundum partitionem § 8 institutam, pertractandae regulae quaedam, non quidem tales, ad quas in singulorum illorum subsidiorum usu attendendum est, utpote quae Capite IV suis locis datae sunt, sed tales quae ad universum hunc textus corrigendi laborem pertinent, seu quas probe tenere et observare in omni hoc negotio oporteat veri nominis criticum.

§ 84

Regularum talium utilitas.

Quamquam ingenii felicitas, et diligens critices studium, quemvis facile usu docebit, quid in uni-

verso hoc negotio observandum, quid vero fugiendum sit; haud tamen inutile erit maxime junioribus, ut regulas quasdam, peritioribus criticis observari solitas, et longo usu probatas cognitae habeant, quarum observatione non tantum tardiora ingenia adjuventur, verum et meliora citius faciliusque laudem bonorum criticorum attingant, quam si per multos errores, utpote quos absque prudentibus admonitionibus evitare non poterunt, viam hanc decurrant.

§ 85.

*Earum tradendarum et observandarum
difficultas.*

Est interea negotium perdifficile tales regulas tradendi et observandi, quae semper valeant, nullamque habeant exceptionem: cum aliquando talia critico occurrant, in quibus ei omnino contra regulas legesque criticas agendum sit, licet ea haud sint multa, et sollertiori ingenio haud difficulter distinguenda. Sic in univsum, uti dein dicetur, verissima est regula lectionem difficiliorem rarioremque praefendam esse faciliori ac vulgationi. At vero fieri aliquando potest, ut lectio difficilior de rarior casu potius e faciliori ac vulgationi orta sit, quam contra; ne dicam, posse esse Codices a librariis doctioribus conscriptos, qui studiose lectiones difficiliore rarioresque praetulerint facilioribus vulgationibusque. Et sic etiam in aliis. Unde in regulis his ad usum adhibendis semper antea examinandum erit, num etiam ab iis magis minusve procul recedendum sit, quod examen quin absque naturali quadam sagacitate, adiuta longiori artis criticae usu, institui nequeat, nemmo facile negaverit, quae vero uti multis deest,

ita

ita et ab aliis, qui ea destituti non sunt, non semper, quo par est modo, alitur aut acuitur.

Conf. cl. *Ernesti, Opusc. phil. crit.*, pag. 261.

§ 86.

Quid in universum ad recte observandas regulas tales expediat, et quid eum in finem optandum sit, docetur.

Ut in universum regulae hae recte observentur, imprimis expedit, ut

1) bonorum criticorum, in auctores Graecos, Hemsterhusii, Ruhnkenii, Valckenarii et similiumque, in Latinos Nic. Heinsii, Graevii, L. F. Gronovii, Broukhufii, Burmanniorum, iisque parium labores, quanta possumus, accuratione consulamus, legesque, quas illos in emendandis auctorum profanorum textibus secutos esse videmus, quantum hoc fieri potest, ad critice librorum sacrorum transferamus;

2) ut cognitas habeamus emendationes textus Hebraici, quas multi iam inde a renatis literis ediderunt, vel operibus suis inferuerunt, imprimis recentiori tempore, uti Clericus, Houbigantius, Kennicottus, Venema, Michaëlis, Grevius, alique, maxime ex Anglis et Germanis, quo eorum malis, aequae ac bonis correctionibus, quid fugiendum, quid sequendum sit, dispiciamus; quo consilio optandum esset, ut a viro quodam, rei criticae Veteris Fœderis perito, in unum corpus collectae ederentur emendationes, ab aliis institutae, textus Hebraei, una cum additis eius censuris.

§ 87.

Divisio harum regularum.

Regularum harum duplex statui potest species, quarum prima exhibet generaliores, altera specialiores, quae prioribus, tamquam fundamentis, innitantur; omnesque ita comparatae esse debent, ut earum observatio in re critica universa probe sit tenenda.

§ 88

Regularum generaliorum prima.

Prima regula generalis haec sit: *caveamus, ne emendemus quae emendatione non indigeant.* Regula haec nos admonet, ne immoderato feramur pruritu mox corrigendi quaecunque non intelligamus, vel quae prima specie nobis linguae genio auctorisve consilio haud convenire videantur, non tantum per coniecturam, verum neque tunc, quando aliquod corrigendi textus patrocinium reperimus in versionibus antiquis, vel in Codicibus Mss. Sunt enim et in antiquis versionibus, et in Codicibus Mss. haud pauca, quae, licet pleniorum sensum fundant, quam lectio, quae hodie in textu reperitur, vere tamen sunt vitia, sive e librarium incuria, sive ex eorum sola coniectura exorta, coll. § 54 et 62, No. VII. Praeterea haec alte inhaereat animo nostro sententia, in lingua tam antiqua, tamque a linguarum occidentalium genio aliena, cuius insuper tam pauca ad nos pervenerint monumenta, perdifficile saepe esse, definire quid cum eius genio conveniat, quid minus, itidemque consilium auctorum sacrorum, imprimis poetarum, propter sublimius et abruptius dicendi genus, et propter

ter aliorum, quae consilio isti indagando necessario cognoscenda essent, ignorationem, saepe a nobis plane percipi non posse, saltem non adeo plane, ut nostrae de eo opinioni correctionem textus superstruere liceat.

Si igitur tale quid occurrat, quod eiusmodi nobis obiciat difficultatem, prius semper circumspiciendum est, num alio modo difficultas ea tolli possit, quam ad emendationem confugiamus: immo potius ignorantiam nostram ingenue fateri oportet, quam petulanti corrigendae lectionis licentiae indulgere.

Haud desunt exempla Criticorum sacrorum, qui hac in re magis minusve graviter peccarunt: ne ipsi quidem *Capellus*, *Kennicottus* et *Michaëlis*, hoc nomine ab omni culpa liberari possunt. Nemo autem impudentiori licentia in corrigendo, immo potius corrumpendo textu Hebraeo, grasatus est, quam *Houbigantius*, e cuius notis criticis aliquot centena posset exempla petulantiae illius criticae conquiri: et sane quid aliud ab homine expectari posset, qui iam in operis sui limine hoc inscitiae et temeritatis suae prodiderit specimen, quod dixerit, „tanta incuria editum esse sacrum Hebraicum volumen, quanta haud sciat, an ullus editus fuerit Codex, qui typographiae luce cohonestatus fuerit.” Ceterum et in corrigendis auctoribus Graecis ac Latinis haud pauci Critici, ceteroquin summo pretio aestimandi, hic aliquando modestiae limites migrarunt, uti *Toupius*, *Bentleius* alique. Haud inutiliter legi poterit ad eorum quae dicta sunt illustrationem *Clericus*, *Art. crit.*, *Part. III*, *Sect. I*, *Cap. XVI*, § 3—12.

§ 89.

Secunda regula generalior.

Regula generalis secunda haec esto: *si opus sit emendatione, ea in universum lectio praeferatur, quae*

quæ gravissimorum testium auctoritate nititur, et simul bona est.

Gravitas testium pendet cum ex antiquitate, tum ex *ακριβεια* Codicum Msf. quibus vel ipsi utimur, vel quibus usi comperiuntur, qui versiones e Codicibus Msf. confecerunt, ac loca textus Hebraei citarunt. Interim huius testium gravitatis aliqui sunt gradus, nec enim omnium eadem est auctoritas. — Primum gradum occupant in Pentateucho textus Samaritanus, et in omnibus libris V. F. loca parallela, utpote quorum summa est antiquitas. Secundo gradu aestimandae sunt versiones veteres, ante Masorethicam recensitionem ex ipso fonte Hebraeo confectae, in quibus iterum versionis Graecae Alexandrinae, tamquam omnium vetustissimae, primae sunt partes, quam excipit antiquitatis et bonitatis ratione habita versio Syriaca, ac denique fragmenta versionum Aquilae, Symmachi ac Theodotionis, versio Hieronymi Latina, et paraphrasis Chaldaïca Onkelosi.

Tertium gradum assignamus notis criticis Masoretharum, utpote quae, uti veterum versionum collatio docet, haud raro antiquissimas exhibent lectiones.

Quarto gradu ponimus Codices Msf. qui licet proxime quidem pertineant ad corrigendum textum Masorethicum, varias tamen, uti antedictum est, et antiquas et bonas servarunt lectiones, quibus adiungimus editiones principes, ex ipsis Codd. Msf. confectas.

Quinto denique loco collocamus reliquas paraphrases Chaldaïcas, citationes locorum V. F., in Thalmude vel in scriptis Rabbinorum factas, et versionem Graecam Venetam utpote in quibus parum adiumenti esse, e dictis *Cap. IV* luculenter apparet.

Bonitas porro lectionis partim e *verbis*, partim e
sen-

sententia censetur: primo enim lectio, si verba spectentur, eo melior est, quo verosimilius est, auctorem iis verbis usum esse, quae lectio quaedam exhibet; deinde secundo, si spectatur sententia, eo melior censenda est lectio, quo magis convenit cum consilio scriptoris, et universa oratione contexta.

§ 90.

Tertia regula generalior.

Tertia tandem regula generalior haec esto: *Ratio emendationis, si fieri possit, reddenda est.* Haud raro quidem occurrunt depravationes, quarum ratio vix, immo et aliquando prorsus non reddi potest, utpote quae aliquando per tot quasi gradus factae sunt, ut ad primam earum originem adscendere vix liceat: at vero, uti recte ait *Clericus, Art. crit., Part. III, Sect. I, Cap. XVI, § 20* ubi videmus, „quod fieri potuerit, ut locus depravaretur, aut quid „librarios aut falsarios eo adducere potuerit, ut lo- „cum depravarent; facilius intelligimus corruptum „esse, et quae emendatio adhiberi possit. Contra, „si intelligere nequeamus, quare in certum modum „deformatus fuisset locus quispiam, nisi depravatio „manifesta sit, vix eam cernimus, et de emendatione „multo magis laboramus.”

§ 91.

Regulae specialiores. Earum prima.

Regularum specialiorum (§ 87) haec prima esto. *In diiudicandis variantibus lectionibus bonitas lectionis pluris aestimanda est, quam plurium testium consensus.*
Per

Per ipsam enim rei naturam certum est, lectionem, pluribus internis veri criteriis, quae res et sententia et observationes grammaticae suppeditant, commendatam, vel nullorum vel saltem paucorum testium auctoritate opus habere: fieri enim potest, imo et saepe factum est, ut e. c. vel versio antiqua vitiosam Codicis Mss. lectionem expresserit, vel et lectio vitiosa in variis Codicibus Mss. inveniatur, quod illam unus Codex ex alio transcripserit; unde saltem, uti iam § 77 et 80 dictum est, parum auctoritatis lectioni cuidam accedit e plurium Codicum Mss. consensione, quamdiu nondum plenius nobis de genealogia et recensione eorum diversis constat: unde saepius e pluribus lectionibus, ea, quae bona est, propter solam suam bonitatem, licet paucorum vel minus gravium testium consensu confirmetur, praefenda est.

§ 92.

Secunda regula.

Secunda regula haec est. *E lectionibus pluribus, quae aeque gravibus testibus instructae sunt, sola ea, quae bona est, praefatur; si utraque bona sit, ea, quae ceteris melior; ac, si plures aeque bonae sint, ea quae ceteris est antiquior.*

In omni quippe lectione bonitas primum ac praecipuum est, quod in censum venit, nec enim antiquitas sola, cum vitiosa lectio antiquissima esse possit, utpote saepius ex uno Codice ad plures derivata, aestimanda est, nisi tum, quando par est plurium lectionum bonitas; utpote quando lectio antiquior eo saltem nomine praefenda est, quod propius ad auctoris aetatem accedit, coll. § 89.

Tertia regula.

Tertia haec fit regula. Quo convenientior lectio est cuiusque auctoris consuetudini scribendi, eo melior est.

Quique enim auctores suam habent loquendi, scribendique consuetudinem, ad quam sequendam ipsa eos impellit natura; cui accedit etiam hoc, tempus quo quis vivat, maiorem minoremve linguae notitiam, qua quis polleat, dialectum qua quis utatur, haud exiguum in loquendi scribendique eius rationem habere efficaciam. In lectionum itaque plurium examine non quaerendum est, quae lectio sit grammatice rectior, exquisitiorque, uti aliqui instituunt Critici (a), verum quae magis cum scribendi consuetudine scriptorum singulorum conveniat. Atque hinc in poëticis praesertim libris ea lectio potior est, cui parallelismus faveat (b).

(a) Sic *Nic. Heinsius* et *Rich. Bentleyus*, viri ceteroquin summi, haud raro ita textum praesertim Poetarum Latinorum e mera etiam saepe coniectura emendant, ut vix dubium sit, Poëtas illos, si emendationes illae iis cognitae fuissent, eas secuturos fuisse, quamquam minime consequitur semper lectionem eo esse veriore, quo sit elegantior. In corrigendo textu, Hebraeo saepius etiam in eo aberravit per inscitiam *Houbigantius*, quod omnes archaismos, generis masculini et feminini in duobus vocibus coniunctis differentias, et similia semper ad leges recentioris grammatices correxit.

(b) Varia huc pertinentia exempla exhibuit *cl. Heringa*, *over het gebruik en misbruik der Critiek*, pag. 241 sqq.

§ 94.

Quarta regula.

Quartam regulam hanc tradimus. *Quae lectio nullo modo cum auctoris cuiusque consuetudine scribendi convenit, genuina non est.*

Sequitur hoc ex iis, quae § 93 dicta sunt: quilibet enim auctores sibi proprium dicendi scribendique characterem haud facile deferunt, sed eum constantes sequi solent. Multae hoc nomine correctiones Houbigantianae manifesta mox ostendunt falsitatis suae indicia, quod lectiones proponant valde insolentes, quae a scribendi ratione auctorum sacrorum prorsus sint alienae.

§ 95.

Quinta regula.

Maximi momenti quinta est regula; haec nempe: *Lectio difficilior, rarior, et prima specie minus recta praefenda est faciliori, vulgatiore, et grammatice rectiori.* Ratio regulae huius in aprico posita est: in lectionibus enim difficilioribus, rarioribus ac prima specie minus rectis promptissima corrigendi librariis se offerebat occasio, vel et criticis per glossata interpretandi; quae deinceps, per inscitiam quippe meliora visa, facile in textum inferebantur. Mirum itaque non est, omnes probos Criticos regulam hanc firmiter tenere.

Exemplis quibusdam regulam hanc confirmat *Bauerus*, l. c., pag. 457, 458. Ad crisin librorum Novi Foederis eandem regulam dederunt ac secuti sunt *Wetstenius*, *Ernestius* alique. Et hic saepe per inscitiam errare Houbigantium, cf. *Ravii, Exerc.*, p. 67 sqq. coll. *Ern., Bibl. Th.*, T. V, p. 172—178. S

§ 96.

Sexta regula.

Multo quoque usui est sexta regula: *in examine vocum vel additarum, vel omisfarum, vel mutatarum eae lectiones sunt praeferendae, quarum vel additionis, vel omissionis, vel mutationis probabilior dari potest ratio.*

Consequitur hoc e tertia regula generali, § 90 tradita: ipsaque res ac ratio aequae ac Codicum Mss. usus docet, lectionem, quae primum leviter modo depravata fuit, deinde vel additione, vel omissionem, vel permutatione ulterius depravatam esse; unde sequitur, lectionem eam, cuius primum depravatae ratio reddi post, ceteris esse probabilior.

§ 97.

Septima regula.

Septima regula haec est. *Cum loca quaedam sint, in quibus plures lectiones inter se sunt commixtae, accurate ad leges criticas antea datas inquirendum est, quanam ex iis vera, saltem ceteris probabilior sit.*

Saepe nempae accidit, ut in uno loco textus e pluribus lectionibus, inter se commixtis, ita sit interpolatus, ut ex omnibus illis lectionibus simul sumtis tandem vera lectio sit quaerenda.

Sic 2 Sam. VIII, 13 primum post שׁ tropaeum est omissum וי et porro pro ארם legendum est ארם, et fecit David tropaeum et deinde percussit, cum rediret ab eo (Hadad Ezare) percutiendo Idumaeos in valle salis. Similiter e duobus lectionibus vitiosis vera lectio constituenda est Deut. XXXIII, 21, nempe

1) שם mutandum est in שם posuit et

2) חלקת mutandum est in חלקה posuit, seu definivit eius portionem legislator venerandus.

3) In sequente membro gravissime peccatum est perversis distinctionibus cum membrorum tum vocum, itidemque prava punctatione verbi עשה unumque ו post עשה excidit: legendum enim ibi est ויתא ראשי עם צדקת יהוה עשה ומשפטיו עם ישראל ut sensus sit:

*Dispexit (Gadus) sibi primitias,
Cum definivit portionem eius legislator venerandus,
Et in altum protendit capita populi benevolentia Dei
Qui eum fecit, et cuius iudicia sunt cum populo Israelitico.*

Et sic in multis aliis locis.

§ 98.

Octava regula.

Definimus in regula octava, quae haec est: *Quamquam in mutandis punctis vocumque distinctionibus ab omni licentia sit abstinendum, licet tamen, ubi validae hoc exigunt rationes, ab iis etiam sine testium auctoritate recedere.* Cum enim et puncta et vocum distinctiones pervetusta nitantur traditione, ex una parte iis haud exigua debetur reverentia, ex altera autem parte semper maior quaedam in his mutandis est libertas, cum recentioris sint originis, ipsique veteres interpretes aequae ac codices Mss. maiorem in his, quam in literis mutandis sibi sumserint libertatem.

Conf. dicta § 15, 16, 17, 46, et add. Baurrus, l. c., pag. 158 sqq.



Deacidified using the Bookkeeper process
Neutralizing agent: Magnesium Oxide
Treatment Date: June 2005

Preservation Technologies
A WORLD LEADER IN PAPER PRESERVATION

111 Thomson Park Drive
Cranberry Township PA 16066
(724) 779-2111

LIBRARY OF CONGRESS



0 014 327 437 8